

# *NNDWA KHULWANESA*

## *YE YA VHUYA YA LWIWA*

 Ndi a ni livhuwa, Murathu Orman. Murena a ni fhaṭutshedze.

<sup>2</sup> Ndi matsheloni, dzikhonani. Ndo takala u vha fhano hafhu matsheloni ano, huno hu tou vha hu songo lavhelelwa zwiṭuku, ndi a humbulela, kha nne, huno ndi na ngoho ya uri zwo vha zwi tshi ḥo ralo kha tshivhidzo. Huno ndo vha ndi tshi khou tou vhala nahone. . . Ndi a ni livhuwa, khaladzi. Huno Murena o tou vhonala a tshi vhea tshiñwe tshithu tshiṭuku kha mbilu yanga, u disa kha Tshivhidzo, huno ndo elekanya uri ho vha hu tshifhinga tsha u zwi ita. Huno zwino hetshi. . .

<sup>3</sup> Musi ndo no swika, nahone zwenezwo ndi sa zwi ḥivhi uri ri do vha hafha ino Swondaha, ndo ḥivhadza uri ndi na mu-Mulaedza wa Tshivhidzo. Huno, arali Mudzimu a tshi funa, ndi ḥoda u disa uyu Mulaedza Swondaha i tevhelaho. Huno hu do vha na tshifhinga tshilapfu vhukuma, ngauralo, hu na khonadzeo ya uri i nga si bve phanda ha hafu u bva kha fumimbili, ya u thoma n̥ha ha tshithoma, khamusi, arali hu nga itsyo tshifhinga. Wo vha mbiluni yanga lwa tshifhinga tshilapfu, huno ndi elekanya uri ndi tea u nea vhathu phindulo ya uri ndi ngani ndi songo vha a shumaho nn̥da mudavhini. Ndo no rera u mona nawo woṭhe, fhedzi ndi na ngoho ya uri na kathihi a u athu tou bvela nn̥da u swika hune wa tea u vha hone. Ngauralo ndi a elekanya, Murena a tshi funa, Swondaha i tevhelaho, ndi ḥodou tou shumisa tshifhinga tshanga huno nda tou adza, nda humbula na uri mulandu, nahone nda ni ḥivhadza, u ya nga Luñwalo, zwine zwa khou bvelela, ni a vhona, u tou ri mulandu zwo ralo. Ngauri, hu na khonadzeo ya uri ndi ḥo vha ndi tshi ya seli ha lwanzhe kana hunwe nga u ḥavhanya. Ndo lindela zwino u vhona uri U ḥo mmbidza uri ndi ye thungo ifhio. Yo fhiraho. . .

<sup>4</sup> Zwi ḥodou ita masiku mararu o fhiraho, kana masiku mavhili, ndo wana mulaedza wa founu vhusiku vhuhulu ho no vha tsini; huno wo vha u wa u yo rabelela muñwe musadzi we a vha e sibadela. Huno vho mmbidza, nahone vha ri, “Kha vha rabele.” Huno ndi hangwa dzina le vha nne, le. . . Ho pfi o vha e khonani ya Vho-Mme James Bell, khaladzi yashu fhano kha tshivhidzo, khaladzi wa mukhaladi, a fulufhedeaho nga maanda, musadzi wavhuđi. Ndi a tenda dzina lo vha li Shepherd, le nda newa. Ngauralo nda bva mmbetenı huno nda gwadama fhasi, nahone—nahone nda vhudza mufumakadzi wanga. Founu i tshi lila, yo mu vusa. Huno nda ri, “Ri fanela u rabelela Vho-Mme

Shepherd, khaladzi o founaho, ane a vha khonani ya Vho-Mme James Bell.” Ngauralo ro mu rabelela, ra vhuyelela mmbeten.

<sup>5</sup> Huno zwenezwo i tshi ṭodou rwa fumi kana fuminthihi n̄tha ha tshithoma, ḍuvha li tevhelaho, nda dovha nda wana mulaedza. Ho vha hu Billy. Huno a ri, ho vha hu si Vho-Mme Shepherd, a ri ho vha hu Vho-Mme Bell, vhone vhaṇe, hu si khonani ya Vho-Mme Bell. “Ho vha hu Vho-Mme Bell, huno vha sibadela, lu shavhisaho nga maanda.” Huno ndi tshi gidimela nn̄da ngei sibadela, fhedzi vha vha vho ṭuwa. Murena o vhidzela Vho-Mme Bell, Hayani.

<sup>6</sup> Vho-Mme Bell vho vha mukuvhangani na riṇe fhano kha tshivhidzo, lwa miñwaha. Munna wavho, James, na n̄ne, ro shuma roṭhe, na khotsi anga, miñwaha minzhi yo fhiraho, nn̄da, ri tshi disa . . . Ri disa aya malinga a re na mirumbulo, a tshi bva Pennsylvania, ra a dzenisa hafha ha Colgate, miñwaha minzhi yo fhiraho, ndi humbulela uri ndi miñwaha ya furaru yo fhiraho, kana yo engedzeaho. Huno ri funa Khaladzi Bell. O vha e muthu wavhuđi.

<sup>7</sup> Huno ndi pfesesa uri o vha na vhulwadze vhu dzindelaho ha nyimele ya tshavhuđungu, huno vho . . . Nanga yawe, ye ya ḋivha nzulele zwavhuđi vhukuma, yo vha i nn̄da ha ḍorobo nga itsho tshifhinga. Huno nanga ntswa yo ḍa u mu thaṭhuvha, huno—huno a eletshedza uri hu itwe muaro wa shishi, huno ho ngo vhuya a u ponya. Huno—huno o vha . . . Ndi elekanya uri yawe . . . Nga ndila ine nda zwi pfesesa, uri nanga yawe ya misi yo vha i tshi do vha i songo randela mu—muaro, ngauri o vha e na muvhili nahone tshavhuđungu tshawe tshi kha tshimo tsho vhfahaho. Huno o vha e na matombo, ndi a elekanya, kana tshinwe tshithu ngomu hatsho, huno—huno Murena o vha wa khathutshelo. O no di vhuya a vha na uvho vhulwadze huno Murena o vhavhalela kha hezwo, zwifhinga zwinzhi. Fhedzi two sokou vha izwo . . . Ndi zwone, arali ri tshi zwi amba nga vhuđalo, ro vha ri tshi ḍo ri: Mudzimu o vhidza Khaladzi Bell, huno iyo ndi ndila ye zwa tea u dzhiva ngayo, ni a vhon.

<sup>8</sup> Huno nga ndila ye a humpa, a u disa kha n̄ne, lwe nda elekanya uri ho vha hu Vho-Mme . . . ene Mufumakadzana Shepherd. A tho ngo ḋivha Mufumakadzana Shepherd. Mufumakadzi uyo a nga ḋi vha e fhano, matsheloni ano, huno ndi nga ḋi mu ḋivha arali nda sedza tshifhađuwo tshawe. Fhedzi, ho pfi ho vha hu vhone Vho-Mme Shepherd. Huno kana two itwa tshothe nga u ralo, u itela uri arali zwi . . . Arali ndi tshi ḋivha uri ho vha hu Vho-Mme Bell vhe vha vha vhe nga itsho tshivhumbeo, hu na khonadzeo ya uri ndo vha ndi tshi do vha ndo ya nn̄da henengei nahone nda vha rabelela nga u ṭavhanya. Huno zwenezwo, nda vhon, uri, Mudzimu ho ngo ṭoda ri tshi ita izwo, khamusi. Ngauralo, “Ri a ḋivha uri zwithu hezwi zweithe zwi a shumisana zwa isa havhuđi kha avho vha funaho Mudzimu.”

<sup>9</sup> Huno ndi na ngoho ya uri Khaladzi Bell o funa Murena washu. O vha e musadzi wavhuđi. Zwino, u muňwe washu. Ngomu hafha, a ri na mikano ya muvhala. Muća wa Mudzimu a u iti mikano ya muvhala. Kana ri vhatswuku, vha muronzhe, vhatswu, vha tshirulwane, a zwi ri tshithu, vhatshena. Zwine zwa vha zwone, ri vharathu na dzikhaladzi kha Kristo. Huno ngauralo ri—ri a mu funa. Huno ri do mu tuvha, thaberanakele. Nga ndila ine nda do tuvha, “dziamene” khulwane, khulu, dza manzaranzara, dza Khaladzi Bell murahu henefho khuđani. Huno ndi tshi mu isa hayani, o vha a tshi amba nga ha Murena Yesu.

<sup>10</sup> Huno arali ndi tshi zwi pfesesa zwavhuđi, na kathihi a tho ngo zwi dijvha u swikela zwifhinganyana zwi si gathi zwo fhiraho, fhedzi ndi elekanya uri mbulungo yawe i do farelwa henefha tshivhidzoni. [Murathu Neville u ri, “Ndi zwone.”—Mudz.] Łavhuvhili li ćaho nga [“Ya u thoma n̄tha ha tshithoma.”] ya u thoma n̄tha ha tshithoma. Huno ndi elekanya uri inwi na n̄ne ri do shuma lwa tshiofisi [“Ndi zwone.”] kha iyi tshumelo ya mbulungo.

<sup>11</sup> Fhedzi, kha tshivhidzo fhedzi, uri ro kulea nungo nga muthihi matsheloni ano. Nga ćhonifho kha Khaladzi Bell washu, kha ri ime zwashu nga milenzhe yashu lwa tshifhinganyana, musi ri tshi kotamisa zwifhađuwo zwashu.

<sup>12</sup> Mudzimu wa vhutshilo, Ane a nea nahone a dzhia vhutshilo; sa Yobo wa kale o ri, “Murena u a nea nahone Murena u a dzhia; Dzina la Murena nga li fhatutshedzwe.” Miňwaha i re na tshivhalo yo fhiraho, Wo rumela Khaladzi Bell vhukati hashu, uri a vhe mudzulapo na riňe, wa mućanganelano muhulwane wa Mudzimu. Huno ri a U livhuwa nga ćuthuwedzo inwe na inwe ye a vha e yone phanda hashu, nga ndila ye a funa u imba na u ćanziela, nahone a ćala Muya lwe a swika he a zhamba na u ćavha mukosi. Huno o vha a si na ćhoni dla Mafhungo-mađifha a Yesu Kristo, ngauri, khae, O vha e Maanda a Mudzimu a isaho kha tshidzo. Miňwaha yawe i tshi vhonala i tshi engedzea, na tshifhinga tshi a da musi rothe ri tshi fanela u fhindula. Huno Iwe wo mu dzhia kha riňe, matsheloni ano, uri a vhe Vhuhoneni Hau. Ngauri, ndi ngoho ūri, musi ri tshi ćuwa hafha, ri Vhuhoneni ha Mudzimu.

<sup>13</sup> Oo Mudzimu, ri a U livhuwa kha zwothe. Ri rabela uri U do fhađutshedza munna wawe, khonani yanga, James; murwa wawe, vhananyana vhawé, avho vhothe. Ri pfesesa uri mutukana wawe u khou enda nga bufho u bva Germany, a tshi bva kha mmbi dzo dićamaho nga zwithavhani, u da hayani, u sumbedza ćthompho dza u fhedzisela dzine a kona, kha lifhasi, kha mme awe vho ćuwaho. Nga ndila ine mbilu ya uyo munna muswa ya fanela u vha i tshi khou divhitha matsheloni ano. Ndi a mu rabelela, Murena. Mudzimu, mu fhađutshedze. Fhađutshedza Jimmy, na nga ndila ine a . . . Mu vhone a tshi shuma afho nnđa,

na awara dzi netisaho, u undela muṭa wawe. Ndi rabela uri muṭa muhulwane u si fhandekane, fhedzi linga ḥa muṭa a lī nga vundei kha ilo Shango kha ilo liñwe sia.

<sup>14</sup> Murena, riñe kha ri, nzhanzhamedze mafumo na bannda zwino, ri nzhanzhamedze zwiñtuku, huno ri ye nda nndwani zwino, u lwa ri tshi khou ṭahela nga muthihi wa vhe ra vha ri navho vhege yo fhiraho. Ri rabela uri U do ri tikedza nahone wa ri khwañthisa, huno wa ri farisa ri tshi khou di bvela phanda, huno nga liñwe duvha kha ri dovhe ri kuvhangane rothe fhethu huthihi kha liñwe sia. Ngauri ri zwi humbela nga Dzina ḥa Yesu. Amene.

<sup>15</sup> Zwino myua wa khaladzi yashu o ḥuwaho nga u awele nga mulalo. Ndi ḥodou amba zwauri mbulungo yawe—yawe i do rerwa fhano nga Swondaha, kana nga Lavhuvhili, huno ri do... Nyi na nnyi u a ṭanganedzwa uri a de onoyo a no do da. Ndi a humbulela uri Murathu Neville hafha u na zwe vhekanywaho. [Murathu Neville u a khwañhisidza—Mudz.] Huno no vha nazwo. Zwino, qamusi, ndi tou...

<sup>16</sup> Ni a vhona, a si vhanzhisa. Arali hu tshi nga vha na tshidzulo huñwe fhethu tshine tshi nga qiselwa Mukomana na Khaladzi Slaughter afho murahu. Ndo wana mulaedza wanu, Khaladzi Slaughter, huno nda ya nda rabelela yanu...muñwe Khaladzi Slaughter, Khaladzi Jean Slaughter e na uyo mufhiso wa thulogutshi, tularemia. Ngangoho u na tsumbo mmbi yayo, fhedzi ri fulufhela Mudzimu uri u do luga.

<sup>17</sup> Zwino ri ḥodou vhala luñwe Luñwalo. Huno ndi tou ḥoda u funza matsheloni ano, ndi tshi shumisa tshifhinga tshanga, ngauri tshee nda vhuya ndi tshi bva nda, Arizona, ndi zwone, mukulo wanga u khou dzindelanyana.

<sup>18</sup> Huno zwino, Swondaha i tevhelaho, ni songo hangwa, nahone ndi elekanya uri Billy o no di rumela dzi—dzikhunguwedzo. Huno i do vha tshumelo ndapfu tshoñhe, ri a tenda, ngauralo idani nga u ṭavhanya u ya nga hune na kona. Ri ḥodou thoma, i tshi ḥodou rwa hafu u bva kha ṭahe, kana ndi amba, fumi nthā ha tshithoma. Huno i nga di vha, elelwani, i tshi ḥodou rwa ya u thoma kana nthihi—...khamusi, kana hafu u bva kha fumimbili, ya u thoma nthā ha tshithoma, tshiñwe tshithu tshi no nga tshenetsho, awara tharu kana nnja, kana dzo engedzeaho, dzine nda ḥodou dzhia, huno nda tou dzhia Mañwalo. Idani na penisela yanu na bammbiri, huno ndi tou i adza. Hu na mbudziso inwe-vho, ni a vhudzisa—i vhudziseni, ni a vhona, huno khamusi ri nga zwi ṭalutshedza, ra ita zwine ri nga kona u thusa.

<sup>19</sup> Zwino kha ri vhale mañwe Mañwalo, u thoma, zwino. Ndi na masia mararu kha Bivhili, ane nda do takalela u a vhala. Huno ḥao ḥa u thoma, arali ni tshi do takalela u li swaya, nahone arali ni na penisela, ndi ḥodou livhanya, matsheloni ano, na mañwalwa

a re na tshivhalo ane nda do . . . kana Mañwalo a re na tshivhalo, kha ndi ri, ane nda ḥodou a livhanya. Lwa u thoma lu do vha Petro Ya U Thoma 5:8-10, Vhaefesa 6:10-17, na Daniele 12:1-14. Zwino, kha u vhala, ri shumisa tshifhinga tshashu.

<sup>20</sup> Huno zwavhuđivhuđi muñwe na muñwe o dzula. Ngauralo, vha si gathi vha tshee vho ima, murahu na nga thungo. Fhedzi ri khou ya u lingedza u fhedza nga u ḥavhanya u ya nga hune zwa konadzea huno ra ni tendela u bva, zwenezwo ri do rabelela vhalwadze.

<sup>21</sup> Ri na mufumakadzi muñuku o lalaho hafha matsheloni ano, a no khou lwala nga maanđesa. Ndi pfectesa uri o vha a tshi khou lwala nga maanda, mulovhā. Huno ndo—ndo tou ḥoda uri a pfe, matsheloni ano, tsha u thoma, ndi sa athu mu rabelela. Huno ndi a ḥivha nyimele dza uyo mufumakadzi mutuku. Huno u khou lwala nga maanda, fhedzi ri na Khotsi wa Tađulu muhulwane nga maanda We a kunda malwadze othe nga kule. Huno ndi na li—lītuku . . .

<sup>22</sup> Ndo humbela Vho-Mme Woods arali vha tshi do li vhala, fhedzi vho—vho vha vha sa funi zwiłtuku u—u ita ngauralo. Lianetshelwa, he dokotela wa mishonga a akhamala lu sa timatimisi. Musi, o vha e musasaladzi wa phodzo ya Muya huno a si vhuye a tendela muñwe muthu a tshi amba nga hayo ofisini yawe; na muongi wawe, na ene-vho. Ngauralo, zwo do itea, a vha na mulwadze we a vha e tsumbo ya pfuko, pfuko khulu. Ho ngo ḥodou vha na mushumo na hezwo, ngauralo a mu rumela kha inwe kiliniki. A vho ngo ḥodou vha na mushumo nayo hangeyo, ngauralo vho mu rumela murahu. Ngauralo vha . . . Oo, yo vha i kha ñamu, nahone yo vha i kha nyimele i ofhisaho. Huno lukanda lwothe lwo vha lwo ñea. Huno pfuko, yo dzhena kha ñamu, kha mbabvu. Ndi a humbulela ni a pfectesa zwine nda khou amba.

<sup>23</sup> Vho wana khonani yashu ḥukhu i re dokotela i bvaho Norway yo dzula na riñe matsheloni ano.

<sup>24</sup> Huno o lugisa matheriala awe othe, ngauri o ri o ḥivha uri—uri o ḥoda ene a tshi ara nahone a bvisa ñamu. Huno wo vha u mushumo muhulwane nga maanda. Huno—huno a kuvhanganya phakhethe dzawe dzothe, tshiñwe na tshiñwe. Muongi a ita uri mufumakadzi a luge nahone a mu ñisa lufherani lwa muaro, huno zwenezwo a humela murahu u yo dzhia zwishumiswa, na zwone—vho, zwine zwa do tea u shumiswa nga dokotela na muthusi wawe, u bvisa ñamu. Huno ngauralo vho vha vhe na dzithaula na zwithu zwo vhewaho khae. Huno ngauralo vha thoma . . .

<sup>25</sup> Musi a tshi thoma u rembuluwa, munna wawe a ḥodou ḥivha arali a tshi nga dzula magumoni a lufhera nahone a rabela. O vha e mureri wa vhukhethwa. Huno a dzula heneffo nga thungo ha mulenzhe wa mmbete, nahone a tshi khou rabela. A hu na zwiñwe, dokotela o vha a songo fushea zwavhuđi nga hezwo, ni

a divha, ene e ngomu heneffho. Fhedzi sa izwo o vha a si nga sedzi, nahone zwi si nga mu vhaisi, mulandu, “Ndi humbulela uri zwe vha zwe luga; a si nga—a si nga ḥnoki.”

<sup>26</sup> Ngauralo musi o dzula, a tshi khou rabela, ha da u babamela lufherani. Huno dokotela u a rembuluwa uri a ḥtuwe, na ene-vho, e na tshishumiswa tshawe, u thoma u bvisa ḥamu. A sudzulusa paka na paka. Ho vha hu si na na vhadzi kha ḥamu; hu si na na vhadzi. A ri, “Naa—naa i... Naa i a tshimbila?” Huno a thoma... Huno muongi a ḥea vhuṭanzi hawe. Vhoṭhe vhuvhili havho vho ya nnda nahone vho no vha vha pentekoste, vho ḥalaho Muya Mukhethwa, vha no khou shumela Murena. A hu na na vhadzi!

<sup>27</sup> Dokotela Holbrook o ḥanziela, ene muṇe, a ri, “Muniti muthihi phanda ha afho, afho ho vha hu na mu—musadzi o lalaho afho, na muongi, huno pfuko khulukhulu ya bviswa yoṭhe kha ḥamu ḥawe. Huno nga murahu ha muniti muthihi, ho vha hu si na na vhadzi he ya bviswa hone.” Uyo ndi muṇwe wa madokotela ashu a mishonga avhudi fhano America. O ri o tenda tshoṭhe nga tshenetsho tshifhinga. Huno ene, naho zwe ralo, o vha e mudikoni tshivhidzoni. Ni a vhonā?

<sup>28</sup> Ni a vhonā, vhatu vha tou elekanya uri tshivhidzo ndi tshiṇwe tshithu tshine na sokou ya khatsho, huno tsho tou ralo, “Oo, ni ya henengei u guda u vha wavhuḍi, kana tshiṇwe tshithu tsho raloho.” Hetsho a si tshone, khonani. Hai. Mudzimu ndi Mudzimu. U tou vha muhulwane ḥamusi sa zwe A vha e zwone, misi yoṭhe. Huno tshifhinga tshoṭhe U ḥo vha a sa shanduki. Huno ndi Ene... Ri tou Mu funa.

<sup>29</sup> Zwino, ri ḥodou vhala zwino kha Petro Ya U Thoma, ndima ya 5, ndimana ya 8 na ya 10, u thoma ngadzo.

*Dzivhuluwani, . . . fhaṭuwe; ngauri swina ḥanu diabolo, . . . ndau i vhombaho, i a mona-mona, i tshi khou ḥoda ane i nga mu mila:*

*Ene ni mu pikise no khwaṭha nga... lutendo, ni tshi zwi divha uri mat̄hupho o raliho a khunyelela kha vharathu vhaṇu vha re shangoni.*

*Fhedzi Mudzimu wa tshilidzi tshoṭhe, we a ri vhidzela kha vhugala hawe vhu sa fheli nga Yesu Kristo, nga murahu ha musi no no thuphea lwa tshifhinganyana, a ni ite vho gumaho, a ni imise, nungo, nahone a ni ḥokise midzi.*

<sup>30</sup> Mudzimu u tea u rendwa hani! Zwino kha Bugu ya Vhaefesa. Ri ḥo takalela u vula hafha kha Bugu ya Vhaefesa, ndima ya 6, huno ri ḥo takalela u vhala ndimana ya 10 u swika kha ya 17, dze nda dzi swaya.

*Tsha u fhedzisela, vharathu vhanga, khwaṭhani Murenani, na kha maanda a nungo dzawe.*

*Ambarani mafumo othe a Mudzimu, uri ni kone u kunda maano mavhi a diabolo.*

*Ngauri a ri iti tsimbe na nama na malofha, fhedzi na mivhuso, na maanda, na vhavhusi vha swiswi la lone shango—la lino shango, na vhuvhi ha muya masiani a ntha.*

*Zwo ralo dzhiani mafumo othe a Mudzimu kha inwi vhanę, uri ni do kona u ima nga duvha livhi, . . . no no ita zwothe, na ima.*

*Imani-ha, khundu dzañu no dzi vhofha nga ngoho, . . . no ambara tshipilakhana tsha u luga;*

*Huno milenzhe yañu yo kungelelwa ndugiselo ya mafhundo-madifha a mulalo;*

*Ntha ha zwithu zwothe, . . . tshitangu tsha lutendo, tshine ngatsho na do kona u dzima misevhe yothe i dugaho ya muvhi.*

*Huno dzhiani gondolo ya tshidzo, na banga la Muya, line la vha ipfi la Mudzimu:*

<sup>31</sup> Zwino ngei kha Bugu ya Daniele, ndi do takalela u vhala zwiñwe hafhu. Zwino, Daniele ndima ya 12. Ndi ɯodou thoma kha ya 1, huno nda vhala tshi—tshipiqa tshilapfu vhukuma tsha heyi, ndimana dla fumiña.

*Huno nga itshe tshifhinga . . . Mikaele a takuwa, mukololo muhulwane a no imela vhana vha vhathu vha hau: huno hu do vha . . . tshifhinga tsha thambulo, i sa athu vha hone na kathihi tshee ha vha na lushaka na u swika kha tshifhinga tshenetsho: huno nga itshe tshifhinga vhathu vha hau vha do tshidzwa, muñwe na muñwe a no do wanala o ñwalwa buguni.*

*Huno vhunzhi ha avho vho lalaho buseni la liphasi vha do vuwa, huno vhañwe kha vhutshilo ha lini na lini, . . . vhanwe kha ɯhoni na u nyadzea lini na lini.*

*Huno avho vhane vha do ɯalifha vha do penya sa u nzhenzhema ha lutombo; huno vhane vha rembulusela—rembulusela vhanzhi kha u luga sa dzinaledzi lini na lini.*

*Fhedzi iwe, Oo Daniele, vala—vala . . . bugu, u swika na kha tshifhinga tsha vhufhelo: vhanzhi vha do ya phanda na murahu, huno ndivho i do anda.*

*Huno npe Daniele nda sedza, huno, vhonani, henefho ho vha ho ima dziñwe mbili, . . . nthihi nga thungo ino ya philiphili ya mulambo, na iñwe nga . . . thungo iyo ya philiphili ya mulambo.*

*Huno muñwe a amba na munna o ambaraho lukhaha, we a vha e ntha ha madi a mulambo, Zwi do dzhia*

*tshifhinga tshingafhani u swika magumoni a izwi zwe...zwinmangadzo?*

*Huno nda pfa munna o ambaraho lukhaha, we a vha e kha madi a mulambo, musi o imisa tshanda tshawe tsha u la na tshanda tshawe tsha monde tađulu, huno a ana nga uyo a tshilahlo lini na liniuri zwi do vha zwa tshifhinga, tshifhinga, na hafu; huno musi o no khunyeledza u balanganya maanda a vhathevhakhethwa, . . . hezwi zwithu zwi do vulea.*

<sup>32</sup> Ndi tenda uri ndi do ima henefha. Ndi ṭodou dzhia linwalwa, arali li tshi do vhidzwa linwalwa li bvaho henefho, kha iyo, u swika kha aya magumo a: *Nndwa Khulwanesa Ye Ya Vhuya Ya Lwiwa*. Iyo ndi yone ine nda ṭodou i shumisa sa linwalwa.

<sup>33</sup> Zwino, uri iyi ndo i wana hani uri i vhe linwalwa matsheloni ano. Ri kha di bva u vhuya; vhalangi vha ndaka vha si gathi, hafha kha tshivhidzo, na nne mune, ro vha ro bva ri kha la Arizona. Huno ro bva, zwa vhukuma, u vha na muṭangano Phoenix, na Mukomana Sharrit, kha thaberenakele yawe. Fhedzi musi ndo wana uri mu—mukomana o vha e doroboni, e na dzitshumelo denndeni, zwo ralo, zwenezwo ndo pfa ndi tshi teledza zwiṭuku u fara muṭangano. Ndo elekanya uri khamusi ndi do vha nawo nga masiari a Swondaha, uri hu si vhe na ane a dinwa zwivhidzoni zwavho. Fhedzi, ndo wana, uri o vha na tshumelo dla Swondaha nga masiari, na dzone-vho. Huno ndo vhi—vhilaela zwiṭuku nga ha u vha na tshumelo.

<sup>34</sup> Huno ngauralo riñe vharathu, vhudzuloni ha u bvela phanda masiari, sa izwo ro vha ro ya u zwima, ro dzhena ḍoroboni, huno ra ḋilugisa, nahone ra ya tshumeloni dla Mukomana Allen. Mukomana A.A. Allen o vha e na dzitshumelo. Ngauralo ro ya dzitshumeloni, huno Mukomana Allen a rera theri i re na maanda. Ro vha na tshi—tshifhinga, tshifhinga tshavhudji, ri tshi khou thetshelesa Mukomana Allen, ri tshi khou pfa vha—vhaimbi, na vhañwe-vho, nga ndila ye vha imba, nahone vha tavha mikosi, huno ra vha na tshumelo khulwane.

<sup>35</sup> Zwenezwo ro vhona, kha ndila yothe, tshanda tsha Murena. Huñwe na huñwe he ra ya, Murena Yesu o vha a tshi ṭangana na rine. Huno hu na tshiñwe tshithu malugana na u bva ni nothe inwi mune, nnđa masogani. Hu na tshiñwe tshithu nga hazwo, tsha uri arali na anzela u vha ni nothe nga iyo ndila, hu na tshiñwe tshithu tshine tsha ni kokodza. Ndi a humbulela, itsho ndi, tshiiitis tshithihi tshi no ita uri ndi takalele ayo masia a nnđa a thungo. Ni tutshela kule ha maanda a swina, manzhi nga maanda sa ane ra vha nao hafha.

<sup>36</sup> Diabolo kaṭukuṭuku ha vhaisi nga nnđa ha musi a tshi nga vha na tshiñwe tshithu tshine a shuma ngomu hatsho, tshine a vha natsho. Ni a elelwa avho vhodiabolo vhe vha pandelwa kha Legioni, uri vho vha natsho? Vha ṭoda u ita tshinyalo

yo engedzeaho, ngauralo vho ḥoda u dzhena dzinguluvheni. Ngauralo, vhodiabolo vha fanela u vha na tshiñwe tshithu tshine vha nga shuma ngomu hatsho, muñwe muthu uri hu shuñwe ngae.

<sup>37</sup> Huno iyo ndi ndila ine Mudzimu a ita, na ene-vho. U tea u vha na riñe. U ɏitika nga riñe, u shuma nga riñe.

<sup>38</sup> Huno vhanzhi vho ḥa musi ri lwendoni, vhe na miloro. Huno na kathihi Murena Yesu ho ngo kundelwa u ɏea ɏhalutshedzo nga ndila yone, huno zwa tou vha zwenezwo, nga ndila yeneyo kokotolo.

<sup>39</sup> Huno zwenezwo O vha e wavhuđi kha riñe, u ri khadela kha phukha nahone a ri vhudza he ya vha i hone. Huno, ni a ɏivha, u tou vha heneffo nga u ralo, zwi tou mangadza. Dzulani heneffo, vhusiku, tsini na mulilo wa gammiba, kule na nnyi na nnyi, lwa dzimaela na dzimaela na dzimaela, huno ni sedze mu—mulilo u taidzaho wa gammiba u mona na zwikwara. Huno, oo, zwo vha zwi zwiñlusa!

<sup>40</sup> Muñwe mukomana heneffo, we a vha e na khakhathi na mufumakadzi wawe, we a... Miñwaha yo fhiraho, o takusa thoho yawe muñanganoni, he nda vha ndi na tshumelo. Huno ndo vha ndo vha humbela uri vha kotamise thoho dzavho; ri na myua muvhí we wa vha u sa do ɏutshela mu—musadzi, kha pulatifomo. Huno mufumakadzi, a tshi tou nyadza, a takusa thoho yawe naho zwo ralo. Huno myua wa ɏutshela musadzi, kha pulatifomo, huno wa ya khae. Huno hezwi ndi zwa miñwahani i no ḥodou vha ya fumiñā, huno mufumakadzi o no vha kha nyiméle i shavhisaho; nga maanda, khathihi na ɏhalukanyoni, u swikela a tshi ita zwithu zwine zwi sa vhe zwa vha zwone. Sa tsumbo, o ɏutshela munna wawe, a ɏuwa nahone a mala muñwe munna musi a tshi kha ñi dzula na munna wawe; a ima kha lauri ho ngo zwi ɏivha uri o zwi ita. Huno ngauralo vho—vho lingedza u mu ɏathuvha malugana na hezwi. Izwo ni zwi vhidza mini, musi ni... U xelewá nga muhumbulo? Hu... Nñenñe, naho ilo dzina li tshi nga vha lifhio. Ni a humbulela ilo ndi lone, dokotela. Fhedzi lo vha li si ilo. Ho vha hu myua. Huno yawe... Huno mufumakadzi o vha e khonani yanga yavhuđi. Fhedzi u bva vhusiku honoho, u ya phanda, a mmbenga nga khole. A hu na zwiñwe, ni nga vhona uri ndi ngani zwo vha zwo ralo.

<sup>41</sup> Fhedzi zwenezwo musi munna wawe o ña, nahone ra gwadama lufherani uri ri rabele, Muya Mukhethwa wo mbo tsa. Hezwo zwo vha zwi zwone. Zwenezwo A bvelela kha munna wawe vhusiku uvho, muloroni. O vhuya na muloro, a elekanya uri ndi muswaswo. A ña a wana, uri wonoyo wo vha phindulo ya phodzo ya mufumakadzi wawe. Nga ndila ye Muya Mukhethwa wa shuma!

<sup>42</sup> Fhasi kha la Tucson, ndi na Mukomana Norman na vhañwe, huno heneffo Murena a thoma u shuma hafhu nga zwithu zwiñulwane, zwa maanda nahone a tshi dzumbulula zwithu.

<sup>43</sup> Vhuñwe vhusiku, zwe zwa nndisa kha magumo haya hafha, ndo vha ndo ima na Mukomana Wood na Mukomana Sothmann. Huno ro vha... Ho vha hu vhusiku i tshi ḥodou rwa awara ya fumi, huno ndo vha ndo sedza n̄tha kha lutombo, huno ganuko lihulu la nndela. Huno nda ri, “Edzonu sedza! Ilo gogo lothe lihulwane, la ḥadulu!” Huno nda ri, “Tshiñwe na tshiñwe tshi kha nyandano tshothe-tshothe.”

<sup>44</sup> Huno Mukomana Wood a ri, “Ho sedzwa kha naledzi ḥukhu mbili dzo vhandekanaho, hezwo, zwo dzi ita uri ḫzi nge tshedza.”

<sup>45</sup> Nda ri, “Fhedzi, ni a ñivha, Mukomana Wood, u ya nga saints, ngomu ha iyo Goloi, Goloi ḥukhu, Goloi Khulu, idzo naledzi a dzi vhonali dzo fhandekana nga intshi dzi no ḥodou ḥfira mbili; huno dzi kule na kule u fhira riñe khadzo. Huno arali dza thoma u da kha ili lifhasi, zwi do dzhia, nga zwigidigidi zwa maela nga awara, zwi do dzhia madana na madana a miñwaha uri dzi swike kha lifhasi.” Huno nda ri, “Ngomu ha iyi sisteme khulwane, khulukhulu hafha, huno naho zwo ralo vha a ri vhudza uri vha sedza nga dzingilasi, vha kona u vhona miñwaha ya milioni dza dafumbili dza tshifhinga tsha tshedza, kule nn̄da ngomu henengei; huno hu kha di vha na miñwedzi na dzinaledzi. Huno—huno, naho zwo ralo, Mudzimu o ita tshiñwe na tshiñwe tshazwo. Huno U dzula vhukati hazwo.”

<sup>46</sup> Nda ri, “Huñwe fhethu ngomu heneffo, ndo divhonisa, nga tshiñwe tshifhinga tshifhañtoni tsha mbono, zodiaka; i tshi thoma nga musidzana a sa ñivhi munna, ya da ya fhira kha tshikhathi tsha pfuko, nahone ya tsela fhasi u swikelu ya u fhedzisela i ndau, ndau Leo. U da ha u thoma ha Kristo, nga musidzana a sa ñivhi munna; u da ha vhuvhili, nga Ndau ya lushaka lwa Yuda.” Huno nda ri, “Ndo lingedza nga hune nda kona u vhona iyo zodiaka, huno a thi koni u i vhona. Fhedzi, naho zwo ralo, i hone. Avho vho gudiswaho, vha a ñivha uri i hone. Yobo o i vhona. Vhathu vho vha vha tshi anzela u i sedza. Yo vha i Bivhili, nga liñwe duvha. Fhedzi kha iyo ndalo khulwane yothe ya dzimilioni na dzibilioni dza—dza miñwaha ya tshedza, Mudzimu u dzula vhukati hayo yothe, nahone U a sedza fhasi. Paulo u ngomu heneffo. Mme anga vha ngomu heneffo, huñwe fhethu, vho sedza fhasi.”

<sup>47</sup> Huno ndo elekanya nga ha nzudzanyo ya ayo magogo a ḥadulu, a hu na na lithihi li siho vhuzuloni. Liñwe na liñwe li vhulunga tshifhinga tshañ, tshothe-tshothe. Mmbi khulwane ya Mudzimu! Nda elekanya nga ha maswole; uri arali uyo nwedzi u tshi nga swika hune wa bva kha nzudzanyo, lifhasi li do tibedzwa hafhu nga madi, nga miniti i si gathi. Lifhasi li do tou nga zwe la vha li zwone musi Mudzimu a tshi dzhia tsheo ya u li shumisa,

uri a ite uri ri vhe hafha khalo. “Lo vha li si na tshivhumbeo, huno li si na tshithu, nahone swiswi, na madi two vha zwi kha vhuphara ha lifhasi.” Huno arali uyo nwedzi u tshi do vhuya wa sudzuluwa, u do dovha wa ita zwenezwo zwithihi. Musi nwedzi u tshi tsiruwa zwiukunyana kha lifhasi, madalaxa a a takuwa. Musi u tshi tsela fhasi, madalaxa a sokou tevhela. Ndi mmbi khulwane ya Mudzimu. Musi ndo elekanya nga ha . . . iyo i mmbi khulwane ya Mudzimu hangei.

<sup>48</sup> Zwino, ra ya ra edela. Huno zwenezwo nda thoma u elekanya zwauri na tshithihi tsha izwo a tshi bvi vhudzuloni hatsho. Zwothe zwi vhudzuloni. Huno arali hu na u sudzuluwa, huñwe fhethu, hazwo, hu vha hu na tshiitisi, huno zwi do kwama ili lifhasi. Ri tou vhona mvelele dzazwo zwino, dzi bvaho kha zwiñwe zwazwo zwi tshi sudzulutshela kha mañwe masia azwo. Zwi na mveledzwa. Zwi kwama tshiñwe na tshiñwe.

<sup>49</sup> Huno nda elekanya, zwenezwo, arali ilo gogo lihulwane la tađulu, lo raloho, li tshi tea u vhulunga fhethu halo, u ita uri tshiñwe na tshiñwe tshi vhe kha nzudzanyo, mvilingano ya gogo la lifhasi yone? Nga ndila ine, musi tshiñwe tshi tshi bva kha nzudzanyo, nga ndila ine zwa bvisa tshithu tshothe kha u ima nkawe! Mbekanyamushumo yothe ya Mudzimu i a thithisea musi murado muthihi u tshi bva kha nzudzanyo. Ri tea u dzula ri tshi lusa u vhulunga nzudzanyo ya Muya.

<sup>50</sup> Huno ndo vha ndi tshi do divhadza, kha Mudzimu, matsheloni ano, uri ri do disa heyi kha tshumelo ya vhukuma ya phodzo, uri ro vha ri tshi do kona u vhulunga itsi tshipida . . . tshigwada tshe ra tshi kuvhanganya fhasi ha thanga matsheloni ano, kha nyandano yo raloho, uri Muya Mukhethwa u do vhea murado muniwe na muniwe wa Muvhili, u re fhano matsheloni ano, kha nyandano yo raloho, u swikela hu tshi vha na phodzo i sa langiwiyo ya myua na muvhili, arali ri tshi nga tou fara vhuimo hashu.

<sup>51</sup> Zwino, sa izwo ndo amba u rangani, uyu mufumakadzi we a vha na pfuko ye Dokotela Holbrook a dzhia . . . a vha a tshi khou yo i bvisa. Zwino, Mudzimu we a ita uri phosho ya u babamela i dzhene kha iyo kiliniki, nahone a bvisa iyo pfuko hu si na na u sia vhadzi, naa a ni zwi divhi uri onoula Mudzimu u fhano? [Tshivhidzo tshi ri, “Amene.”—Mudz.] Huno tshithu fhedzi tshire A khou tshi lindela, ndi uri mmbi Yawe—Yawe i wane vhuimo hayo, vhunga ɻaledzi, dzi tshi wana vhuimo.

<sup>52</sup> Zwino, ni a divha, ro no vha na nndwa dzi tshi tevhokana, na mavheevhee a dzinndwa? Huno arali lifhasi li tshi kha di vha hone, ri do vha na nndwa nnzhi dzo engedzeaho. Fhedzi ni a talukanya uri zwa vhukuma hu na maanda mavhili fhedzi kha lifhasi lothe? Phambano dzashu dzothe vhukati ha dzitshakha, na dziphambano vhukati hashu, na tshiñwe na tshiñwe, zwothe zwi bva kha maanda mavhili. Hu na maanda mavhili fhedzi,

huno hu na mivhuso mivhili fhedzi; maanda mivhili, na mivhuso mivhili. Masalela othe, zwithu zwiłukułku, zwi na vhułumani na mathihi kana mañwe a ayo maanda. Huno ayo maanda ndi maanda a Mudzimu na maanda a Sathane. Ayo ndi one... Nndwa iñwe na iñwe, mvilingano iñwe na iñwe, tshiñwe na tshiñwe tshine tsha da, tshi nga di langwa nga maanda a Mudzimu kana maanda a Sathane, ngauri ayo ndi one maanda mavhili fhedzi ane a vha hone. Huno ayo ndi maanda a vhutshilo na maanda a lufu. Zwino, ayo ndi one maanda mavhili fhedzi.

<sup>53</sup> Huno Sathane a nga ita fhedzi... Maanda awe, ane a vha nao, ndi maanda o shandeaho a Mudzimu. A si maanda a vhukuma. Ndi u shandea ha maanda a Mudzimu, tshiñwe na tshiñwe tshine Sathane a vha natsho. Lufu ndi vhutshilo ho shandeaho fhedzi. Mazwifhi ndi ngooho fhedzi yo ambiwaho nga ndila yo khakheaho. Ni a vhona? Vhupombwe ndi nyi—nyito yo tambiswaho, nyito mbuya yo tambiswaho. Ni a vhona? Tshiñwe na tshiñwe tshine Sathane a vha natsho ndi tshiñwe tshithu tshe tsha shandiwa, fhedzi ndi maanda.

<sup>54</sup> Huno riñe, ñamusi, ro dzula hafha, huno mathihi kana mañwe maanda a khou do ri langa. Ngauralo kha ri pandele muvhil. Kha ri dzhie vhuimo hashu vhunga ñaledzi dza mañadulu.

<sup>55</sup> Sa Bivhili i tshi amba, “Ñaledzi dzi tendelekaho,” nga hangei kha Bugu ya Yuda, “dzi fhufhumisaho ɻoni dzadzo.” Huno a ri ɻodi u vha ñaledzi dzi tendelekaho; ra mangala uri *itshi* ndi tshone, ra mangala uri *itsho* ndi tshone, ra mangala uri tshi do itea, ra mangala uri zwi nga vha hani. Ni songo tendeleka. Dzulanî vhunga idzo ñaledzi dza ɻadulu, sa swole la vhukuma vhuimoni hało ha mushumo. Imani heneffo, ni tshi tenda! Vhutshilo na lufu.

<sup>56</sup> Zwino, mmbi, musi mmbi zwa vhukuma, lushaka lu tshi dilugisa u yo lwa na luñwe lushaka, lu tea u thoma lwa dzula fhasi huno lwa ɻalukanya tshi re tshone na tsho khakheaho, na uri kana vha a kona u yo lwa na lushaka lu tevhelaho kana hai. Yesu o zwi funza. Huno arali vhathu vho vha vha tshi do ita izwo, arali tshakha dzo vha dzi tshi do—do dzula fhasi, huno dza ima nahone dza elekanya izwo zwithu, thungo dzothe, ro vha ri sa do dovha ra vha na nndwa.

<sup>57</sup> Zwino, ri wana uri, arali munna a sa zwi iti, arali vhahulwane vha mmbi vha lushaka vha sa dzuli fhasi, u thoma, huno vha ɻalukanya nahone vha vhona zwauri vho tea, nahone zwiitisi zwavho na ndivho zwe tea, na uri vha na nungo dzo eðanaho na maanda a u kunda mmbi i tevhelaho, zwenezwo vha na vhułanzi ha uri vha do kundwa.

<sup>58</sup> Afho ndi he Dzhenerala Custer a ita khakho yawe i tshinyadzaho. Dzhenerala Custer, u ya nga hune nda pfesesa, o do wana ndaela dzi bvaho muvhusoni, uri a si dzhene kha shango

la Sioux, ngauri ho vha hu tshifhinga tshavho tsha vhurereli. Ho vha hu tshifhinga tsha nduvho. Vho vha vhe na munyanya. Fhedzi Custer o do kambiwa, huno a elekanya uri naho zwo ralo u do sokou zwi ita. O vha a tshi do pfuka, naho kana ho vha hu dzindaela kana hu si dzindaela. Huno zwenezwo vhukuma vha thuntsha vhañwe vhanna vha si na mulandu, vha thuntsha khavho. Ndi elekanya uri vho goba vhañwe vhavho. Ho vha hu zwikautu, nnda, zwi tshi khou zwima zwiliwa, u fusha vhathu vhazwo—vhazwo musi vho vha vhe kha nduvho. Huno Custer, a tshi khou pfuka, o zwi vhona, huno a elekanya uri zwo vha zwi tshi ḥoda thungo yavho, huno ngauralo vha thuntsha kha izwi zwikautu. Huno izwi zwikautu zwa ponya, zwa humela murahu. Zwa ita mini? Zwa ḥitama nga zwiḥavhani, huno ngezwi zwi a da. Huno ayo o vha magumo a Dzheneral Custer, ngauri a songo thoma a dzula, nahone a elekanya.

<sup>59</sup> Ho ngo vha na mushumo heneffho. Ho ngo vha na pfanelo ya u vha heneffho. O vha o no sukumedza Vhaindia u bva kha Khunzikhunzi ya Vhubvađuvha, ndila yothe u budekanya Vhukovhela, naho zwo ralo. Huno vho vha vhe na mulangano, fhedzi a vunda mulangano. Huno musi o vunda mulangano, a mbo kundwa nndwani.

<sup>60</sup> Huno ngauralo mmbi, tsha u thoma, i tshi khou dilugisela nndwa, tsha u thoma hu tea u vha na munango, mařwe maswole. Vha tea u ambadzwa u itela u yo lwa. Vha tea u gudiswa u lwa.

<sup>61</sup> Huno ndi a tenda uri nndwa khulwanesa ye ya vhuya ya lwiwa, zwino yo dilugisela u dzhena kha mui. Ndi tenda uri Mudzimu o vha a tshi khou nanga maswole Awe. Ndi tenda uri O vha a tshi khou a ambadza, a tshi khou a gudisa. Huno vhupo ha nndwa ho no dzudzanywa, i khou dilugisela u thoma.

<sup>62</sup> Heyi nndwa khulwane, ya u thoma ye ya vhuya ya lwiwa, yo thoma Tađulu, musi Mikaele na Vharuňwa Vhawe vha tshi lwa na Lusifa na vharuňwa vhawé. Yo thoma lwa u tou thoma, nndwa ya ū thoma yo vha Tađulu. Ngauralo, tshivhi a tsho ngo thoma kha lifhasi, tsho thoma Tađulu.

<sup>63</sup> Huno zwenezwo tsha poselwa fhasi tshi tshi bva Tađulu, tsho pandelwa Tađulu, tsha da kha lifhasi, huno tsha welā kha vhathu. Zwenezwo nndwa, i bvaho kha vharuňwa, i vha nndwa dza vhathu. Huno Sađhane u da u tshinyadza tsiko ya Mudzimu, tshe Mudzimu a tshi sika uri tshi vhe tsha Ene muñe. O vha na, Sađhane, uri heyi a de a i tshinyadze. Itsho ndi tshe ndivho yawe ya vha i tshone, u da u i tshinyadza. Zwenezwo nndwa ya thoma hafha kha lifhasi, huno ya thoma ngomu hashu, huno yo halifha u bva tsheetsho.

<sup>64</sup> Zwino, phanda ha musi nndwa iñwe-vho i tshi nga dzudzanywa, vha tea u thoma vha nanga fhethu hune vha do tangana hone, kana fhethu hune nndwa ya tea u lwiwa, fhethu ho nangiwaho.

<sup>65</sup> Kha Nndwa ya Shango ya U Thoma, ho vha ho vhewa, sa shango li si la muthu na masia e vha lwela khao. Huno vha tea u vha na fhethu ho nangiwaho.

<sup>66</sup> Vhunga musi Israele i tshi ya u lwa na Vhafilisita, ho vha hu na mu—mu—muvhundu thungo iñwe na iñwe he vha kuvhangana. Huno afho ndi he Goliada a bva nahone a vhidza mmbi dza Israele. Afho ndi he Dafita a ḥangana nae, govhani, musi a tshi pfuka muelela muṭuku u elelaho vhukati ha mivhundu mivhili, a doba matombo.

<sup>67</sup> Hu tea u vha na fhethu ho nangiwaho. Huno ngomu hafha, hu na fhe—fhethu ho langanwaho, shango li si la muthu, huno vha lwa *hafha* fhethu hafhano. A vha sokou lwa, muñwe a lwa e nga *hafha*, huno muñwe fhasi *hafha*, nahone muñwe a gidimela nga *hafha*. Hu na vhupo ha nndwa hune vha ḥangana nahone vha edzisa maanda avho, hune mmbi iñwe na iñwe ya edzisa nungo dzayo i tshi lwa na iñwe mmbi, fhethu ho langanwaho ha u ḥangana. Zwino, heli li songo (wana) ni pfuka.

<sup>68</sup> Musi iyi nndwa khulwane i tshi thoma kha lifhasi, ho do tea u vha na fhethu ha u ḥangana ho langanwaho. Ho do tea u vha na fhethu ho nangiwaho u itela nndwa uri i thome, na u itela nndwa uri i halifhe. Huno iyo midavhi ya nndwa i thoma kha ḥhalukanyo ya muthu. Afho ndi hune nndwa ya thoma. ḥhalukanyo ya muthu yo nangwa uri i vhe fhethu ha nndwa, he ya thoma, huno izwo ndi ngauri tsheo dzi itwa kha ḥhalukanyo, thoho. Zwino, na kathihi a vho ngo i thoma kha liñwe dzangano. Na kathihi a vho ngo i thoma kha fhungo la vhukhanikhe. Na kathihi midavhi a yo ngo thoma afho. Ngauralo, ilo dzangano na kathihi, na kathihi li nga si ite mushumo wa Mudzimu, ngauri midavhi ya nndwa, hune na tea u ḥangana na swina lañu, ndi kha ḥhalukanyo. Ni tea u vha na tshinangiwa tshañu. Li ḥangana na inwi.

<sup>69</sup> Ndi ḥoda hoyu musidzana muṭuku hafha, a no khou lwala nga maanda, u vha na ngoho ya uri hezwi u a zwi thetshelesa zwino, zwavhuđi vhukuma.

<sup>70</sup> Tsheo dzi itwa kha ḥhalukanyo, thoho. Heneffo ndi hune Sañane a ḥangana na inwi, nahone tsheo dza vha hone, nga u tou ri Mudzimu o ita muthu nga ndila heyo.

<sup>71</sup> Zwino, ndi na (arali no vha no sedza kha notsi yanga hafha) mapa muṭuku wo oliwaho. Ndo vha ndi nawo hafha zwenezwino, kha... u shumisa kha bodo. Muthu o itwa u tou fana na muso wa goroi. Ndi mbeu. Huno muthu ndi mbeu. Lwa muvhili, ni mbeu ya khotsi aña na mme aña; huno vhutshilo vhu bva kha khotsi, phaliphi i bva kha mme. Ngauralo, vhuvhili hazwo, zwo ḥangana, gumba na ma—malofha, zwi a ḥangana. Huno ngomu ha sele ya malofha hu na vhutshilo. Huno ngomu heneffo i thoma, u bveledza, i tshi ita ñwa—ñwana. Zwino, mbeu iñwe-vho i na ganda nga nnđa; nga ngomu hu na phaliphi; huno nga ngomu ha phaliphi hu na vhubvo ha vhutshilo. Ndi zwone, iyo ndi ndila

ye ra itwa ngayo. Ri muvhili, mbilu, na maya. Nga nn̄da ndi, muvhili, khumba; nga ngomu hayo, luvalo na zwiñwe-v̄ho, ndi mbilu; huno ngomu ha mbilu, ndi maya. Huno maya u vhusa zwiñwe zweþhe.

<sup>72</sup> Zwino, arali ni tshi do dzula fhasi musi ni tshi swika hayani, nahone na ola madanga maþuku mararu. Ni ðo wana uri muvhili wa nga nn̄da u na zwipfi zwiþanu zwine wa kwamiwa ngazwo, huno izwo ndi u vhona, u thetshela, u kwamea, u nukhedza, u pfa. Izwo ndi zwipfi zwiþanu zwi no langa muvhili.

<sup>73</sup> Ngomu ha muvhili hu na mbilu, huno iyo mbilu i langwa nga dzikhumbulelo, luvalo, nyelelwo, dzingelekanyo, na madzangalelo. Itsho ndi tshithu tshire tsha langa mbilu.

<sup>74</sup> Fhedzi, maya, u na tshipfi tshithihi fhedzi. Muya . . . Oo, kha ri zwi pfesese. Muya u na tshipfi tshithihi, huno itsho tshipfi, tshi nga ði u langa, ndi lutendo kana thimothimo. Ndi zwone kokotolo. Huno hu na ndila nthihi fhedzi ya u ya khawo, iyo ndi ya u nanga tshire na funa. Ni nga þanganedza thimothimo kana na þanganedza lutendo, tshiñwe na tshiñwe tshire na ðoda u shuma ngatsho. Ngauralo, Saþhane u thoma kha tshipida tshihulwane, u ita uri maya wa muthu u timatime Ipfi la Mudzimu. Mudzimu u thoma kha tshipida tshihulwane, u vhea Ipfi Lawe ngomu ha uyo maya. Khezwo. Izwo ndi zwine zwa zwi ita.

<sup>75</sup> Arali itshi tshivhidzo, zwa zwino tshi tshi nga þumekanywa, nahone tsha itwa fhethu huthihi lune muthu muñwe na muñwe a vha na mbilu nthihi, a si na na thimothimo þukhu-þukhu huñwe fhethu, ho vha hu si nga vhi na muthu a shayaho nungo vhukati hashu, kha miñwe miniti miþanu. Ho vha hu si nga vhi na muthu hafha a ðodaho Muya Mukhethwa nga nn̄da ha uyo a no ðo U þanganedza, arali no vha ni tshi nga tou lugisa itscho tshiñwe tshithu. Zwino, heneffo ndi hune nndwa ya thoma, ngomu-ngomu ha þhalukanyo yanu, kana ni a funa.

<sup>76</sup> Zwino elelwani, a si Saintsya Tshikriste, zwino, þhalukanyo kha thukhita. Izwo a zwo ngo . . . Þhalukanyo i þanganedza Vhutshilo, vhune ha vha Ipfi la Mudzimu, huno heneffo li disa Vhutshilo. Ngelekanyo yanu fhedzi a i zwi iti. Fhedzi, Ipfi la Mudzimu, lo diswa kha ndila ya ngelekanyo yanu. Ni a vhona? A si ngelekanyo, sa Saintsya Tshikriste i tshi zwi ita, þhalukanyo kha thukhita. Hai. Izwo a si zwone.

<sup>77</sup> Fhedzi, þhalukanyo yanu i a Li þanganedza. I a Li pfesesa. Þhalukanyo yanu i langwa nga mini? Muya wanu. Huno maya wanu u fara Ipfi la Mudzimu, huno itscho ndi tshithu tshi re na Vhutshilo ngomu Hatsho. Li disa Vhutshilo ngomu hanu. Oo, mukomana! Musi izwo zwi tshi itea, musi Vhutshilo vhu tshi tsa nga iyo ndila, ha dzhena ngomu hanu, Ipfi la Mudzimu li vhonadzwa ngomu hanu. "Arali ni tshi dzula kha Nñe, na Maipfi

Anga a dzula kha inwi, zwenezwo humbelani tshine na funa huno ni do itelwa tshone.”

<sup>78</sup> Zwenezwo izwo zwi ita mini? U bva vhukati ha mbilu, hune ha vha maya, u bva heneffho li bvela phanda, li tshi fusha ndila iñwe na iñwe. Khakhathi ya hone ndi uri, ro ima ngomu *hafha* ri na thimothimo khulu, ri tshi lingedza u ḥanganedza zwi re *hangei* nnda. Ni tea u zwi litsha hezwo; huno na tsa nga iyo ndila na Ipfi la Mudzimu la ngoho, huno zwenezwo li bvela nnda, lone line, nga lothe. Ndi tshire tsha vha nga ngomu. Itshe ndi tshithu tshi re na ndeme, ndi nga ngomu.

Maitele a Sat̄hane a bva nga ngomu.

<sup>79</sup> Zwino, inwi ni ri, “A thi tswi. A thi nwi. A thi iti hezwi zwithu.” Izwo a zwi na mushumo nazwo.

<sup>80</sup> Ni a vhona, ndi nga ngomu. A hu londwi uri no luga hani, ni na vhudilisi hani, ni amba ngoho hani, izwo zwithu zwi a ḥonifhiwa. Fhedzi Yesu o ri, “Nga nnda ha musi muthu a tshi bebwā hafhu.” Ni a vhona? Hu tea u vha na tshinwe tshithu tshi no itea nga ngomu. Arali na sa ralo, izwo ndi u edza, ngauri ngomu mbiluni yanu ni ḥoda u zwi ita naho zwo ralo. Zwi nga si vhe zwa u edza. Zwi tea u vha zwa vhukuma.

<sup>81</sup> Huno hu na ndila nthihi fhedzi ine izwo zwi nga tsa, huno ndi nga ndila ya u ita zwine na funa, zwa dzhena ngomu ha mbilu, nga ngelekanyo dzañu. “Nga ndila ine muthu a elekanya mbiluni yawe, o tou ralo.” “Arali ni tshi amba na iyi thavha, ‘Sudzuluwa,’ nahone na sa timatime mbiluni yanu, fhedzi na tenda uri zwe na amba zwi do khunyelela, ni nga vha na zwe na amba.” Ni a zwi pfecta? [Tshihidzo tshi ri, “Amene.”—Mudz.] Khezwo. Ni a vhona? Asiyo midavhi ya nndwa. Arali ni tshi nga zwi thoma, u thoma.

<sup>82</sup> Ri swela mbilu nga maanda u vhona zwithu zwi tshi itwa. Ri swela mbilu nga maanda u itela Mudzimu tshinwe tshithu. Hoyu mufumakadzi muñuku ha na . . . swela mbilu, hu si na na thimothimo, u swela mbilu u tshila. U ḥodou vha na mutakalo. Vhanwe vha hafha, vha ḥoda u vha na mutakalo. Huno musi ri tshi pfa nga ha ilo fhungo, vhunga dokotela, mvuwo ya vhafu, zwithu zwi hulu hulu zwe Mudzimu washu a ita, zwenezwo ri swela mbilu. Huno tshi re hone, ri lingedza u swikelela nga izwi zwipfi, u faresa tshinwe tshithu hafha, tshi no nga luvalo.

<sup>83</sup> Ngauralo vhathu vhanzhi, zwifhinga zwinzhi, vho ḥalutshedza Ipfi nga ndila yo khakheaho. Huno ndo vha na u sa pfecta wa nñhani ha hezwi, nga u ita mbidzo dza alitari. Nda ri, “Ndo vha ndi si kha mbidzo ya alitari nga maanda,” ndi sa ambi zwauri ni songo ita mbidzo ya alitari.

<sup>84</sup> Fhedzi muñwe muthu u fara muñwe muthu nga tshanda, a ri, “Oo, Mukomana John, ni a divha uri mini? Nñe na inwi ro vha vhahura tshifhinga hetshi tshothe. Idani hafha kha alitari, ni gwadame.” U khou itani? Ndi tama ngavhe ndo vha ndi na

bodo ya u nwalela hafha, ndo vha ndi tshi do ni sumbedza zwine a khou ita. U khou lingedza u shuma nga mbilu yawe, kha madzangalelo. Izwo a zwi shumi. Iyo a si yone ndila. Zwa vhukuma, a si yone.

<sup>85</sup> Khamusi u khou shuma kha (mini?) nyelelwo, nga tshipifi tsha mbilu yawe. “Oo, Mukomana John, no vha ni na mme a mangadzaho. Ndi kale o lovha.” Nyelelwo! Ni a vhona? Ni nga si zwi ite.

<sup>86</sup> Zwi tea u tsa nga ndila ya u ita tshine na funa. Inwi, inwi munye, tendelani Ipfi la Mudzimu... A ni di ngauri mme anu vho vha vhe musadzi wavhudzi. A ni di ngauri ni muhura wavhudzi. Ni da ngauri Mudzimu a tshi ni vhidza uri ni de, huno ni Mu ḥanganedza u ya nga theo ya Ipfi Lawe. Ilo Ipfi ndi lone li no amba tshiñwe na tshinwe. Ilo Ipfi! Arali na bvisa tshiñwe na tshiñwe ndilani, luvalo lwothe, zwipfi zweithe, huno na tou tendela Ipfi u dzhena, ilo Ipfi li do bveledza zwone kokotolo.

<sup>87</sup> Hafha, ni a vhona uri Lo putelwa nga mini? Inwi ni ri, “Ndi zwone, zwino,” inwi ni ri, “ndi zwone, hezwi, luvalo na zwipfi, na zwiñwe-vho, a zwi na mushumo nazwo, Mukomana Branham?” Zwa vhukuma, zwi a ita. Fhedzi arali na tendela Ipfi u dzhena, huno na Li putela nga luvalo, zwenezwo Li nga si aluwe; li do vha ipfi lo holefhalaho.

<sup>88</sup> Naa no no vhuya na vhona thoro yavhudzi ya livhele yo zwalwa mavuni, huno na litsha thanda i tshi li wela? Li do aluwa lo kombama. Muñokola muñwe-vho, tshiñwe na tshiñwe tshi no aluwa, tshi do ralo, ngauri tshiñwe tshithu tsho tshi khakhisa.

<sup>89</sup> Ndi zwone, iyo ndi yone thaidzo nga ha Lutendo lwashu lwa pentekoste ñamusi. Ro tendela zwithu zwinhisa zwi tshi Lu khakhisa, Lütendo lwe ra funzwa, Muya Mukhethwa we wa vha u tshi khou tshila ngomu hashu. Ro tendela zwithu zwinhisa, ro sedza muñwe muthu-vho.

<sup>90</sup> Huno Diabolo u dzulela u lingedza u ni sumbedza u kundelwa ha muñwe muthu, fhedzi u lingedza u ita uri ni vhe kule ha vhutanzi vhukuma vhune ha vha ha vhukumakuma. U do ni sumbedza muhoi, nga tshiñwe tshifhinga, we a bva a tshi khou edzisela tshiñwe tshithu. Ho ngo zwi ita, ngauri o vha a tshi khou edzisela. Fhedzi arali zwi tshi bva kha tshiko tsha ngoho tsha Ipfi la Mudzimu, “Matadulu na lifhasi zwi do lovha, fhedzi Ipfi Lang'a li lovhi,” Li tea u dzula heneffho.

Ni a zwi vhona, khaladzi?

<sup>91</sup> Li tea u ḥanganedzwa kha ḥthalukanyo, zwenezwo La tendwa nga mbilu. Zwenezwo Ipfi la Mudzimu li vha vhukuma, zwenezwo zwipfi zweithe zwa mbilu na muvhili zwi tou hwaiwa nga Muya Mukhethwa. Zwenezwo tshipifi tshañu tsha Mudzimu, luvalo lwanu lwa Mudzimu, tshiñwe na tshiñwe tsha Mudzimu, tshi elela nga kha inwi. A hu na na thimothimo huñwe fhethu. A hu na tshithu tshine tsha nga bvelela.

<sup>92</sup> A hu na tshithu tshine tshi nga dzhena kha nyelelwo, huno tsha ri, “Ndi zwone, ndi elelwa zwauri Mufumakadzana Jones o lingedza u fulufhela Mudzimu, na Mufumakadzana *Mukenenene*. Mufumakadzana Doe o lingedza u fulufhela Mudzimu uri a wane phodzo, nga tshiñwe tshifhinga, huno a kundelwa.” Ni a vhona?

<sup>93</sup> Fhedzi arali iyo ndila yo vulwa nahone yo kupulwa, nahone yo dadzwa nga ngomu nga Muya Mukhethwa, hezwo a zwi vhi zwa dzhena kha nyelelwo, a hu londwi nga ha Mufumakadzana Jones na zwe a ita. Ndi inwi na Mudzimu, vhoiñwi noþe, nahone hu si na muñwe muthu-vho nga nn̄da ha vhoiñwi vhavhili. Khezwo. Asiyo nndwa yanu. Mu vhulaheni mathomoni. Mu imiseni o fa þhirekheni yawē. A si ngauri ni nga dzhia tshifhinga tshingafhani u ita uri nndwa i dzule i hone. Ndi, i imiseni zwino!

<sup>94</sup> Arali ni tshi ðo ða, huno na ðo vhulunga dzinyelelwo na luvalo, na tshiñwe ná tshiñwe, ni tshi elekanya nga ha, “Ndi zwone, ndi nga ði kundelwa. Zwi nga ði si vhe zwone.” Ni songo ita hezwo, na luthihi.

<sup>95</sup> Poselani tshiñwe na tshiñwe nga thungo, huno ni vule ndila, nahone ni ri, “Mudzimu, Ipfi Lau ndi ngoho U Ya Nga Hu Sa Fheli, nahone Ndi langa. Arali tshivhidzo tshothe tshi tshi kundelwa, arali shango loþhe li tshi kundelwa, naho zwe ralo ndi nga si kundelwe, ngauri ndi khou dzhia Ipfi Lau.” Asiyo nndwa. Itsho ndi tshone tshithu.

<sup>96</sup> Ndi ngani Mudzimu Ramaandaoþhe o bvisa pfuko kha ðamu la musadzi, hu si na vhadzi, huno a litsa ñwana a lala nahone a ðovha? Hai, muñe wanga.

<sup>97</sup> A si kale, musidzana muþuku o ða hafha, a tshi bva kha tshikolo tsha nt̄ha. Mme awe a mpfounela, a ri, “Khaladzi Branham, musidzana wanga u na vhulwadze ha Hodgkin.” Iyo ndi pfuko, i vhumbleaho nga mapundu. Huno madokotela o dzhia tshipida tshi bvaho ho vuleaho hu re kha mukulo wawe, vha tshi rumela kule, huno ho vha hu hone-hone vhulwadze ha Hodgkin.

<sup>98</sup> Ngauralo o ri, “Tshi tevhelaho tshi no vulea, tshi nga ði vulea kha mbilu. Musi tshi tshi ralo, o t̄uwa.” A ri, “Ha na... Nga ndila ine zwa khou vulea, u na, miñwedzi i no ðodou swika miraru, ya u tshila, huñwe na huñwe.”

<sup>99</sup> Mme vha ri, “Ndi ðo itani? Ndi mu rumele murahu tshikoloni?”

<sup>100</sup> Ha pfi, “Kha vha mu litshe a ye, ngauri hu na khonadzeo ya uri u ðo ya nga u þavhanya.” Huno ha pfi, “Kha vha mu litshe a ye nahone a tshile vhutshilo ha misi, u ya nga hune a kona. Vha songo mu vhudza tshithu nga hazwo.”

Ngauralo mufumakadzi a ri kha nñe, “Ndi tea u itani?”

<sup>101</sup> Nda ri, “Kha vha mu dise ngeno nthā nahone vha mu džhenise kha muduba wa thabelo.” Huno nda ri, “Vhone vha de nae.” Nda vha na vhudipfi vhu songo doweleaho zwitšuku.

<sup>102</sup> Huno musi musidzana mučuku a tshi da, nga matsheloni ayo, e na milomo i vthonalaho i buluu, nga nthāni ha khirimu, nahone sa izwo tshikolo tshi nadzo. Huno—huno tshithu tshičuku tshi a da. A tho ngo divha uri u do vha e nnyi; o vha a tshi khou yo mmbidza nga founu. Nda fara tshanda tshawe. Nda ri, “Ndi matsheloni avhudi, khaladzi.” A vha e heneffo. Uyo o vha e ene. Nga zwifhinganyana zwi si gathi fhedzi, nda sedza fhasi kha mme awe huno nda vha vthona vhuvhili havho vha si na Mudzimu, vha si na Kristo. Nda ri, “Ni nga lavhelela hani phodzo ni kha itshi tshiimo? Naa ni do ḥanganedza Yesu Kristo sa Mutshidzi wañu?” Nda ri, “Naa ni do da kha ili tivha hafha huno na lovhedzwa nga Dzina la Yesu Kristo u itela khangwelo ya zwivhi zwañu?”

Vha ri, “Ri do zwi ita hezwo.”

<sup>103</sup> Oo, ni a divha zwe zwa itea. Musadzi a nga di vha o dzula hafha matsheloni ano. Vhanzhi vhanu ni a divha nga ha ilo fhungo. Mukomana Mike Egan, muñwe wa vhalangi vha ndaka hafha, o li vthona ilo fhungo. Ho no fhela miñwaha i no ḥodou swika miña kana miñanu two itea. Musidzana mučuku o humiselwa ha dokotela, ha sa wanale na vhučala na vhuthihi ha vhulwadze ha Hodgkin khae.

<sup>104</sup> Thaidzo yo vha i mini? Tsha u thoma, ni tea u vula ndila. Ni tea u wana Swole, Muya Mukhethwa, wo vhwewa kha vhupo ha nndwa, u dzhiaho Ipfi la Mudzimu. Ndi Ene Ipfi. Huno U ima heneffo, zwenezwo a hu na tshire tsha do Li imisa. A hu na tshithu. Inwe na inwe ya dzinwe ndila yo vulēa. U tou fana na baela ya kale yo valwa nga tshumela; na džhenisa mulilo ngomu, u do thuthubisa tshithu tshanu. Iyo ndi yone thaidzo kha vhanzhi-vhanzhi vha Vhakriste vho thuthubaho, ndi ngauri a vha kunakisi dzindila, a vha yi fhasi nga ngomu. Ni tea u hu kunakisa, luvalo, nyelelwo, mihumbulo, ni tshi khou vhea tshiñwe na tshiñwe nga thungo, huno ni tshi bva ngomu, ni na ilo Ipfi la Mudzimu li songo vangwaho, uri Lone ndi Ngoho.

<sup>105</sup> A hu londwi uri kana vha zwigidi zwa fumi vho fa thungo *ino*, ñamusi, vha tshi khou fulufhela; vha zwigidi zwa fumi vha fa thungo *iyo*, matshelo, vha tshi khou fulufhela; izwo a zwi na mushumo na nne. Nñe ndi muthu o imaho nga eñhe. Nñe ndi uyo a no khou fulufhela. Nñe ndi uyo a no zwi tenda. Huno ri a vthona murahu hangei, arali ro ḥoda u vula ndila dzashu-ha, arali ri tshi nga kona, nahone ra vthona. Ri wana *hoyu* muñwe na *uyo* muñwe, na *hoyu* muñwe na *uyo* muñwe, vha zwigidi, vha tshi khou ḥanziela.

<sup>106</sup> Fhedzi Diabolo u do lingedza u vhuyeleta murahu. Ni a vhona, arali a tshi nga dzhena ngomu heneffo, nga iñwe ndilavho, ndi hone o tupula mmbi yañu nga tshenetsho tshifhinga.

<sup>107</sup> Arali ni na zwipfi zwanu, u vhona, u thetshela, u kwamea, u nukhedza, na u pfa, zwo luga, fhedzi ni songo zwi fulufhela nga nnđa ha musi zwi tshi tendelana na Ipfi. Zwo luga, fhedzi, arali zwi sa andani na Ipfi, ni songo zwi thetshelesa. Zwino, dzikhumbulelo, luvalo, dzinyelelwo, mañaña, madzangalelo, zwo luga arali zwi tshi tendelana na Ipfi. Fhedzi arali dzangalelo lañu li sa tendelani na Ipfi, li tumuleni. Ni do thuthubisa tshumela, nga u ḥavhanyedza. Ni a vhona? Arali mañaña aña a sa tendelani na Ipfi, ḫutshelani kule hao. Ndi zwone. Nzhini... Arali nyelelwo yañu, arali dzikhumbulelo dzanu, arali luvalo lwanu, tshiñwe na tshiñwe, tshi sa tendelani na Itsho tshi re nga ngomu, tshi tumuleni.

<sup>108</sup> Ni na mini-ha? Ni na sisteme ya ḫuvha. Haleļuya! Ndi, Mudzimu o vhea dzinaledzi nga ngona huno a ri, “Nembelelani heneffo u swikela Ndi tshi ni vhidza!” Dzi dzula heneffo. A hu na tshire tsha do dzi sudzulusa. Musi Mudzimu a tshi nga wana munna zwandani Zwawe, u swikela a tshi nga ita uri zwipfi, luvalo, tshiñwe na tshiñwe tshi kunakiswe, u swikela tshi tshi ima Mudzimu e murahu hatsho, muyani; a hu na diabolo shangoni ane a nga panga thimothimo ngomu heneffo. Ndi zwone.

U a da nahone a ri, “A ni pfi na vhukhwine.”

<sup>109</sup> Luvalo lwanu lwo no di ya, kha hezwo. Tshumela yo vulea nga maanda, i ḫavha mukosi, “Haleļuya!” Tsha u bvisela nnđa tshi lidza phiriri, “Vhugala kha Mudzimu!” Tshi a penyelela, zwa vhukuma, tsho tou kuna nahone tsho vulea, u itela uri Ipfi la Mudzimu li shume ngatsho, Maanda a Mudzimu. Ni a vhona? Itsho ndi tshone tshithu tshihulwane.

<sup>110</sup> Asuyo mudavhi wañu wa nndwa. Mudavhi wañu wa nndwa u hafha murahu mathomoni, murahu hafha kha mbilu, murahu thalukanyoni yañu ine ya vula. Ḫa—thalukanyo ndi gethe ya u ya kha mbilu, gethe ya u ya kha muya, kha ndi ralo. Ḫthalukanyo yañu i a vula huno ya ḫanganedza muya, kana i hana muya. Ni nga di vha na mvalo ḫukhu, na vhudipfi vhuṭuku, na lupfiwa luṭuku, zwithu hezwi zweþe. Hezwo a zwi na mushumo nazwo. Izwo zwi tou vha lupfiwa luṭuku na zwithu. Fhedzi musi ri tshi da kha vhukuma, ḫthalukanyo yañu i a vula. Ḫthalukanyo yañu i nga vhu ḫanganedza kana ya vhu hana. Ndi zwezwo, dzikhonani.

Mudzimu, u songo tendela na muthihi wavho zwi tshi mu pfuka.

<sup>111</sup> Ni a vhona, ndi ḫhalukanyo yañu ine ya vula muñango; kana ya vala muñango, huno ya thetshelesa luvalo lwanu, ya thetshelesa nyelelwo yañu, ya thetshelesa madzangalelo aña. Fhedzi musi ḫhalukanyo yañu i tshi ñivalela kha izwi zwithu,

huno ya tendela Mudzimu, Muya wa Ipfi Lawe, u dzhena, U vhudzulela zwiñwe zwithu zweþhe nn̄da. Thimothimo iñwe na iñwe yo  wa. Nyofho iñwe na iñwe yo  wa. Lupfiwa luñwe na luñwe lwa thimothimo lwo  wa. Vhudipfi vhuñwe na vhuñwe ho  wa. A hu na tshithu tsho imaho henefho nga nn̄da ha Ipfi la Mudzimu, huno Sa hane a nga si kone u lwa na He . Hai, mune wanga. A nga si kone u lwa Na . Zwino, ri a  ivha uri izwo ndi ngoho.

<sup>112</sup> Hedzi nndwa dzo halifha u bva kha  uvha la ngade ya Edeni, nndwa kha  halukanyo ya muthu. Sathane o i thoma. O ita mini musi o  angana na Efa? Ho ngo landula Ipfi la Mudzimu, fhedzi o Li galaga. O thivha dziñwe ndila  thukhu hafha huñwe fhethu. O ri, “Fhedzi nangoho Mudzimu...” Genesi 3:1. Ni a vhona? “Nangoho, Mudzimu, zwithu hezwi zweþhe zwe A—A—A fulufhedzisa...” O  ivha uri Ipfi lo vha li lone. Fhedzi o  ivha uri a nga si tou da o li livha huno a Li thuthubisa, a tshi khou ita phosho huna u ralo, fhedzi o—o—o Li fhoma nga tshugela.

<sup>113</sup> Vhunga mma vho vha vha tshi anzela u ita uri ri dzhie mushonga, huno vho vha vha tshi lingedza u shela sama ya swiri kha gastroli. N en e, dzhiani fhedzi gastroli i si na sama ya swiri! Tshi nwe-vho tshine tsha hoyo! Ni a vhona? Vho...Ro vha ri tshi anzela u tea u vuwa vhusiku, huno vha ri nea ole ya malasha, u itela mukhushwane. Huno vho vha vha tshi vhea ole ya malasha, nahone vha  un edza tshugela khayo; ni a vhona, zwi tshi tou nga zwa muhoyo. Fhedzi yo vha i tshi do tou fhisa thanga dzan , ya  odou ralo, i tshi khou tsa, nga murahu ha musi tshugela yo no fhira.

<sup>114</sup> Zwe ralo, iyo ndi ndila ine zwa vha ngayo, khonani. Sa hane u lingedza u—u vha a hoyaho ngazwo. U lingedza u ni sumbedza tshi nwe tshithu tsha khwine, ndila i leluwaho, pu ane ya  halukanyo yo engedzeaho. Fhedzi a hu tshe na pu ane ya  halukanyo yo engedzeaho u fhira ye Mudzimu a i vhea mathomoni, Ipfi Lawe. Farani ilo Ipfi. Li fareseni. Li tendeleni uri Li ni farese. Dzulani Na  henefho. Itsho ndi tshone—itsho ndi tshone tshithu.

<sup>115</sup> Nndwa yo halifha musi Efa o vula  halukanyo yawe, u thetshesela ma na  awe. Iyo ndi yone tshumela ine a dzhena ngayo. Iyo ndi ndi—ndila ine a tsa ngayo, ma na  awe. Ene, kha mbilu yawe, o na a.

<sup>116</sup> Ma o awe o vha e mbono. O vhona nowa. Yo vha yo naka, i nzhinga, i tshi fhira munna wawe kule. Yo vha yo thanyesa u fhira phukha dzoþhe dza tsimu, huno hu na khonadzeo ya uri yo vha i munna o nakaho u fhira munna wawe. Yo vhonala sa phukha khulwane ya mboho yo imaho henefho. Yo vha i khulwane hani! Huno yo vha i tshi khou lingedza u mu vhudza uri tsho vha tshi tshithu tshihulwane.

<sup>117</sup> Huno tshithu tsha u thoma tshe a ita, o vula thalukanyo yawe. Huno musi o ralo, mañaña a muthu a zwi fasha. “Malandu, naa izwo zwe vha zwi si nga vhi nyanyuwō?”

<sup>118</sup> Itsho ndi tshithu tshire a ita kha musadzi ḥamusi. Muñwe musadzi a re na munna muñku o nakaho, u wana muñwe munna muhulwane, muhulu, wa tshinnani. Uyu munna u do lingedza u vula mañaña. Elelwani, uyo ndi Sathane. Uyo ndi Diabolo. Kana, nga iñwe ndila, munna kha musadzi, musadzi kha munna, ndila iñwe na iñwe yazwo. U ita mini? U shuma kha ayo maanda a u naña, luvalo kana tshiñwe tshithu, tshi thoma u fhira.

<sup>119</sup> Fhedzi ḥeani Ipfi la Mudzimu fhethu ha u thoma. Munna a nga si vhuyé a ña kha... A nga si ite tshivhi... Haleluya! Ngeli. Heli li khou ña, li liswa. Munna a nga si ite tshivhi u swikela a tshi thoma a thudzela Ipfi la Mudzimu nga thungo. A nga si vhuye a ita tshivhi, itsho ndi, u sa tenda. U swikela a tshi thoma a sunda Ipfi la Mudzimu, Vhuhone ha Mudzimu, a nga si ite tshivhi.

<sup>120</sup> Efa ho ngo ita tshivhi u swikela a tshi vhea Ipfi la Mudzimu nga thungo, a vula ndila yawe ya mañaña nga kha mbilu yawe, huno a thoma u naña. “Malandu, zwa vhukuma. Na kathihi munna wanga ha athu mmbudza izwi zwithu, fhedzi ndi tenda uri u... O mmbudza uri ndi songo ita hezwi, fhedzi, u a ñivha, u zwi ita uri zwi vhonale zwi zwa vhukuma nga maanda nahone zwi tshi pfala nga maanda. Ndi—ndi tenda uri zwi do mangadza, ngauri u khou zwi ita uri zwi pfale nga maanda kha nne.” Ni a vhona, heneffo ho vha hu na nndwa ya u thoma. Huno, nga iyo nndwa, ho vhangwa nndwa iñwe na iñwe. Huno tshululo ya malofha ine ya vhuya ya ña, yo vhangwa heneffha Edeni. Ho ngo tenda Ipfi la Mudzimu.

<sup>121</sup> Huno arali ledere thukhusa nthihi ya Ipfi la Mudzimu i songo tendwaho, yo vhangwa khakhathi iyi yothe, ri do humela hani murahu, ri sa khou tenda Ipfi? Ni nga si zwi ite. Ni tea u valela hezwi zwiñwe zwithu zwothe, luvalo, dzinyelelwo, nahone na ri... mañaña, na hezwi zwiñwe zwithu zwothe. “Mañaña a tshi wiselwa phasi.” A ri ñani nga hazwo, na luthihi, a hu na tshithu na luthihi.

<sup>122</sup> Ri tou t̄anganedza Ipfi kha theo, “Mudzimu o ralo,” huno zwi vhea mulambwana vhukati hanu na Mudzimu. Zwenezwo, ndila iñwe na iñwe i a vulea vhukati hanu na Mudzimu.

<sup>123</sup> Asiyo nndwa, ya u tou thoma, nndwani. Ri songo shumisa tshigidi tsha fumbilimbili; kha ri wane bo—bomo ya atomo. Kha ri ite mushumo zwavhuði. Kha ri wane bomo ya atomo ya Mudzimu. “Ndi mini, Mukomana Branham?” L-u-t-e-n-d-o kha Ipfi Lawe. Iyo ndi bomo ya atomo ya Mudzimu. I thuthubisa vhulwadze na vhodiabolo, kha tsha u la na tsha monde. I—i a zwi tshinyadza tshothe. I a fhambanyisa... Oo, i... I tou tshinyadza. I pwashékanya tshiñwe na tshiñwe tshire tshi sa

vhe tsha Mudzimu. Musi iyo bomo ya lutendo i tshi wela ngomu heneffo, na Ipfi la Mudzimu li murahu hayo, i thuthubisa diabolo munwe na munwe, vhulwadze vhuñwe na vhuñwe, dwadze linwe na linwe.

<sup>124</sup> Inwi ni ri, “Izwo ndi zwone, Mukomana Branham? Zwenezwo mulandu i tshi ita, kha vhañwe, huno kha vhañwe i sa iti?”

<sup>125</sup> Ndi nga nñhani ha ndila. Ni nga sedza nnnda huno na i vhona. Fhedzi ni tea u vha nayo ngomu *hafha*, no sedza thungo *heyi*. Hu si *afho* nda, ni tshi khou sedza ngomu; ni tea u vha nga ngomu, ni tshi khou sedza nnnda. Ni a vhona? Ni nga si de nga mañaña. Ni nga si de nga hezwi zwiñwe zwithu. Ni tea u da nga ndila ya Mudzimu yazwo, u swika kha muya. Huno ni zwi ita hani? Ndila ya u fhedzisela ndi ifhio?

<sup>126</sup> I do ña- . . . u tsa phasi. Inwi ni ri, zwipfi, “Oo, ndi—ndi nga zwi pfa. Iina, asizwo. Uh-huh. Oo, ndi—ndi nga di zwi nukhedza, kana zwiñwe-vho. Hezwi zwithu zwi hone. Iina.” Tshithu tshi tevhelaho, ni a ñaña, “Zwo ralo, zwi vhonala unga u tea u ñivha zwine a khou amba nga hazwo. Dokotela u ri ndi nga si vhe na mutakalo. Izwo zwi tea u ralo.” Ni a vhona, heneffo no—no khakha. Uyo ndi Diabolo o imaho heneffo. Uyo ndi Diabolo a no khou panga hezwi zwithu ngomu hanu. Ni songo zwi tenda.

<sup>127</sup> “Haleluya! Ipfi la Mudzimu lo ri Ndi do . . . ‘Nñha ha zwithu zwoþhe, Ndi funa ni tshi vha na mutakalo.’ Ndi zwone.” Ni nga vha hani swole la vhukuma afho nnnda? Ni a vhona, “Ndi ɻoda ni tshi vha na mutakalo.”

<sup>128</sup> Khedzo, heneffo, idzo ndila. Inwi ni tou dzi ita, uri dzi vulee. Ni songo tou dzi fhira lini.

<sup>129</sup> Zwenezwo arali Sañhane a tshi nga dzhena nga heneffo, a dzhena nga idzi mvalo na izwi zwiñwe zwithu zwoþhe, zwenezwo u swika hafha kha magumo a muya, kha ɻhalukanyo. Zwino, arali a tshi nga tou ita uri ni . . . Na kathihi a ni nga—na kathihi a ni nga sedzi na tshithihi tshazwo u swikela ni tshi thoma na tea u mu tendela ngomu *hafha*. Ni tea u mu tendela u dzhena. Zwenezwo musi a tshi dzhena ngomu, u na ndango. Zwenezwo u ita mini? U thoma u shumisa luvalo. U thoma u shumisa *hetshi*, u thoma u shumisa *hetshi* tsha u bvisela nnnda. Ndi mini? U vhona, u thetshela, u kwamea, u nukhedza, u pfa; dzikhumbulelo, luvalo, nyelelwo, mañaña, madzangalelo. U thoma u shumisa idzo ndila ɻukhu dzoþhe dzo fhambanaho, tenda o kona u dzhena ngomu, nga nñha ha *hetshi* tshithihi hafha. Tsha u thoma, u tea u da kha ɻhalukanyo yanu, huno inwi ni do tea u zwi ɻanganedza. A nga . . . Thetshelesani. A nga kuðana na inwi, fhedzi a nga si de kha inwi u swikela ni tshi mu ɻanganedza.

<sup>130</sup> Musi Sathane o ya kha Efa, huno a ri, “U a ñivha, mutshelo u a takadza.” O ima lwa tshifhinganyana. Oo, ndi wona musi we a ita khakho, musi o ima lwa tshifhinganyana.

<sup>131</sup> Ni songo imela tshiñwe tshithu. Ni na Mulaedza. Yesu u a tshila. Mudzimu ndi mufhodzi. Uyo ndi Mulaedza. Ni songo imela tshiñwe tshithu, a hu na mañaña, a hu na tshiñwe tshithu-vho.

<sup>132</sup> Fhedzi o ima lwa tshifhinganyana. Ndi wona musi we Sathane a dzhena kha iyo thalukanyo. A ri, “Zwo luga, zwi pfala zwi tshi pfala.” Oo, ni songo ita hezwo. Itonu dzhia zwe Mudzimu a amba.

<sup>133</sup> Abrahamu, mini-ha arali o vha a tshi ḍo vha o ima u itela u ḡaña, musi O mu vhudza uri u khou yo vha na lushie nga Sarah, huno e na miñwaha ya furathiñanu nahone ene e na miñwaha ya fusumbet̄hanu? Huno musi e na miñwaha ya ḡana, nahone ene e na miñwaha ya—nahone ene e na miñwaha ya fuṭahe; o, di dzulela, o—o—o bula uri Ipfi ṥa Mudzimu ndi ngoho. Huno o dzhia izwo zwithu, zwe zwa vha zwi siho, sa zwe zwa vha zwi hone. Ni a vhona? O... Na fulufhelo, ho vha na fulufhelo liñwe-vho? Ho ngo vhuya a shumisa fulufhelo.

<sup>134</sup> “Zwo luga,” inwi ni ralo, “Ndi fulufhela uri ndi nga lugelwa. Ndi fulufhela uri ndi ḍo vha na mutakalo. Ndi fulufhela uri ndi wana Muya Mukhethwa. Ndi fulufhela uri ndi Mukriste. Ndi fulufhela uri ndi ita *hetshi*.” A ni ḫodi hezwo.

<sup>135</sup> Abrahamu ho ngo vhuya a sedza hezwo na kathihi. Amene. “Naho zwo vha zwi sa fulufhedzisi, o di tenda Ipfi ṥa Mudzimu.” Lutendo lu phanda ha fulufhelo. Lutendo lu bva *hafha* murahu, nga ngomu. Lutendo lu bva *hafha*.

<sup>136</sup> U dzhena hani? Nga ngelekanyo heyi, hoyu—hoyu muñango, vhupo ha nndwa ho ima henefho.

<sup>137</sup> Zwino, musi ni tshi ita uri nndwa i dzudzanyee! Zwino, Diabolo o dzula tsini na mbilu iñwe na iñwe, matsheloni ano. O dzula, mbilu ya uyu musidzana muñuku. O dzula tsini na mbilu dzanu. O dzula u mona henefho hoṭhe. U khou ri, “Oo, ndo no di ni vhona ni tshi lingedza. Izwo ndo no di zwi pfa.”

<sup>138</sup> Mu pandeleni. Ndi zwenezwo fhedzi. Mu pandeleni. Bivhili yo ri mini hafha, liñwalwa ḥashu? “Ni tshi khou mu pandela.” Ndi zwone. “Ni tshi khou mu pandela.” Ro gudiswa.

<sup>139</sup> Ndi a elekanya, “Thaidzo ndi mini kha riñe vhareri?” Ndi mangala uri ro vha na lushaka-de lwa vhugudisi.

<sup>140</sup> Mudzimu u khou gudisela iyi nndwa khulwane. Mateo 24 yo amba afho, huno na Daniele 12, yo ri, “Hu ḍo vha na tshifhinga tsha khakhathi, i sa athu vha hone kha lifhasi na kathihi.” Huno ri khou tshila kha itscho tshifhinga, musi mvelele, na pfunzo, na zwithu, zwo no fukedza Ipfi ṥa Mudzimu, huno zwa dzhena kha mañaña na zwiñwe-vho. Nndwa ndi ya zwino. Ndi nnyi a no ḍo ima? Haleluya! Nndwa yo lugela u dzhena. Yo dzudzanyea zwino. Vhonani uri ri na phikhisano khulwane-de hangei.

<sup>141</sup> Ndi nnyi a no ḋo nga Dafita? O ri, “Ni a ima na tendela uyo Mufilista wa shuvhuru a tshi nyefula mmbi dza Mudzimu a tshilaho? Nne ndi ḋo ya nda lwa nae.” Amene. Mudzimu u ṭoda vhanna na vhasadzi matsheloni ano vhanne vha nga takuwa nahone vha ri, “Ndi ḋo dzhia Murena u ya nga Ipfi Lawe.” Amene. A hu londwi uri ndi tshini tshi no kundelwa, hune *itshi* na *itsho*, na zwe *itsho* tshiñwe tsha ita. Izwo a zwi na mushumo nazwo. Inwi Vhosaulo, na vhañwe-vho, arali ni tshi mu ofha, humelani hune na tea u vha hone. Fhedzi, mmbi ya Mudzimu i khou ya phanda, amene; vhanna vha vhuhali, vhanna vha—vha—vha lutendo, vhanna vha maända, vhanna vha pfeseso. A vha tei u vha vho ḫalifhaho lini. A vha tei u funzea lini. Vha tea u vha dzindila. Mudzimu u dzhia izwo zwidilana.

<sup>142</sup> O ima lwa tshifhinganyana, uri a ñañe, a tshi ri, “Ndi zwone, zwino, kha ri vhone.” Ndi zwone, u tou fana na, mini arali . . .

<sup>143</sup> Mufumakadzi hoyu muñuku, matsheloni ano, a zwi timatimisi zwauri dokotela o mu vhudza, uri u tsini na magumo a ndila, “A hu na tshe tsha vha tshi tshi nga itwa lini.” Ndi zwone, zwino, uyo ndi uyo dokotela. A thi mu sathuli. Uyo munna ndi munna wa saints. U a vhona uri dwadze ḋo kunda muvhili wa ñwana. Li phanda-phanda ha tshiñwe-vho. Ha na mushonga une wa ḋo li imisa.

<sup>144</sup> Ngauralo iyo pfuko i ḋo kunda uyo musadzi; ngoho, lufu lwo kunda ulwo lushie; fhedzi Kapuñeni Muhulu washu, haleļuya, wa iyi mmbi khulwane, ndi Ene mvuwo na Vhutshilo. A hu na tshine tshi nga Mu kunda. Haleļuya!

<sup>145</sup> Maluvhi a mmbi o lala kha vhokapuñeni vhayo, vhuṭali. Rommel, kha la Germany, o vha e maluvhi a Germany; hu si Hitler. Rommel! Ndi zwone. Eisenhower! Vhanna vha mmbi! Patton! Avho vhanna vhe vha vhe nndwani, zwi ya na ngauri vho nea ndaela nga ndila-de. Inwi ni tevhela kapuñeni wanu, arali e mudzhenerala wa vhukuma. Arali e wa vhukuma, arali e mudzhenerala wa naledzi ñña, arali o sumbedza, arali o khwathisedzwa u vha wa vhukuma, mu tevheleni. Naho zwi tshi nga vhonala zwo khakhea, kha inwi, iyani nndwani. Itani sa zwe a ni vhudza.

<sup>146</sup> Haleļuya! Ri na Mudzhenerala wa naledzi ḫthanu, o peleṭwaho Y-e-s-u, [Nga Tshiisimane, “J-e-s-u-s.”—Muṭal.] a no khou vhea naledzi ḫthanu kha riñe, l-u-t-e-n-d-o [Nga Tshiisimane, “f-a-i-t-h.”—Muṭal.]. Na kathihi Ha athu kundwa nndwani. Haleļuya! O kunda lufu, vhudzulavhafu, na tshalo. Bvisani vhodiabolo ndilani. Ndi Ene Kapuñeni Muhuluhulu. Ngauralo, Diabolo ha vhi a vhaliwa.

<sup>147</sup> Nndwa khulwanesa ye ya vhuya ya halifha, yo dzula yo luga zwino. Zwa vhukuma, i ralo. Oo! Haleļuya!

<sup>148</sup> Musi ndi tshi elekanya nga hazwo! Musi ndo ima nahone ndi tshi Mu sedza a tshi ita zwithu, ndi tshi Mu vhona a tshi

dzumbulula zwithu, a tshi vula zwithu, a ri, “Zwi do vha nga ndila *heyi* na nga ndila *heyo*,” ngezwo! Oo, sedzani murahu *hafha*, nahone ni ri, “Ndi nnyi uyu Kapuṭeni muhulwane?” Oo, a thi sedzi murahu huno nda vhona arali hu Dokotela *Mukenenene*. Ndi vhona zwe Kapuṭeni a amba. “Ndi Ene Kapuṭeni wa tshidzo yashu.” Haleluya! Tshidzo ndi mini? Phuluso! Vhugala! “Ndi Ene Kapuṭeni wa phuluso yashu.”

<sup>149</sup> Awara khulwane ya u fhufhela yo sendela. Haleluya! Swole, li na zwiṭhavhani zwi zaimedzaho, mivhala i elelaho! Lutendo na thimothimo zwi khou ni dzudzanya, kha ino thaberenakele, matsheloni ano; thimothimo kha sia lithihi, lutendo kha liñwe sia. Maswole, imani vhuimoni hanu ha mushumo. Haleluya! Kapuṭeni washu, Naledzi Ya Mutsho, i ranga phanda. Na kathihi ha yi murahu. Ha (na kathihi) ḋivhi ipfi tsetsa. Ha tei u tsetsa lini. Amene. Zwa vhukuma.

<sup>150</sup> Nndwa khulwanesa ye ya vhuya ya lwiwa, i khou bvela phanda ngomu henehfano zwino, ee, muñe wanga, vhukati ha vhutshilo na lufu, vhukati ha vhulwadze na mutakalo, vhukati ha lutendo na thimothimo, yawee, nnenne, vhukati ha mbofholowo na vhupuli. Nndwa i kati! Penyisanī mapfumo anu, maswole. Pholishani zwithavhani. Mudzimu u khou ita uri maswole Awe a luge. Amene. Mudzimu u ḋolisa mmbi Yawe.

<sup>151</sup> America vha ṭama maswole avho lwa khwinesa lune vha nga vha nalwo lwa u ṭama nga, magondolo a tsimbi, na zwiṭhavhani, na tshinwe na tshinwe tshine vha vha natsho, mathannge o tamiwaho nga zwiṭhavhani, zwiñwe na zwiñwe zwine zwa dzhena.

<sup>152</sup> Mudzimu u ṭama mmbi Yawe. Haleluya! Ri shumisa zwishumiswa zwa lushaka-de? Muya wa Banga, Ipfi la Mudzimu! Amene! “Ipfi la Mudzimu li na vhuhali u fhira banga la mutsheahothe,” Vhaheberu 4, “li a phulekanya la fhandakanya na shambo, na mwo—mwongo wa shambo, nahone ndi Muṭalukanyi wa mihibulo ya thalukanyo.” Ipfi la Mudzimu! U tenda Ipfi Lawe, huno iyo ndi ndila ine Mudzimu a ṭama nga zwiṭhavhani.

<sup>153</sup> Itsho ndi tshe A ḫea Efa uri a ḋipilele ngatsho. Huno o vundekanya tshiṭhavhani tshawe. O zwi ita hani? Nga u vula thalukanyo yawe uri a ḫañe. A ni ḫañe na Ipfi la Mudzimu. A li na mañaña. Inwi... Li tou vha Ipfi la Mudzimu. A hu na—a hu na thimothimo nga Halō. A hu na mañaña Khalo. Ndi Ipfi la Mudzimu. Zwi a li ladza. Li nazwo. Izwo zwi a li ladza u ya ḫini na lini.

<sup>154</sup> Ni a vhona zwine nda amba, mufunwa? [Khaladzi a lwalaho u ri, “Amene.”—Mudz.] Ndi Ipfi la Mudzimu. Mudzimu o zwi fulufhedzisa. Mudzimu o ralo.

<sup>155</sup> Vho ri kha Abrahamu, “U zwi ḋivha hani uri u khou yo vha na lushie?”

“Mudzimu o ralo.” Zwi a li ladza.

“Zwo ralo, mulandu u si nalwo?”

<sup>156</sup> “A thi ḥivhi uri ndi khou yo lu wana lini, fhedzi ndi khou yo lu wana. Mudzimu o ralo. Izwo a zwi nga do nthivhela na zwiṭuku.” O vhi- . . .

<sup>157</sup> “Malandu u sa humeli hayani hau, hune wa bva hone?”

<sup>158</sup> “Ndi tea u vha mufhiri na mutsinda kha lino shango.” Amene! . . .? . . . “Mudzimu o nea pfulufhedziso. Mudzimu u do nea lushie kha ḥeneli shango le A nthuma khalo.” Halementuya!

<sup>159</sup> Mudzimu u do ni fhodza henefha kha uyu mufhe wa Muya Mukhethwa, he A ni ruma. Amene. Mudzimu u do ni nea yone. Itonu zwi tenda. Amene. Vulani idzo tshumela dza mbilu na muvhili, zwipfi, na luvalo, huno ni tendele fhedzi Maipfi a Mudzimu uri a thome a nwelele, a dzhie iyo ḥalukanyo. Asuyo mudavhi wa nndwa.

<sup>160</sup> Ni songo ri, “Ndi zwone, arali ndo vha ndi tshi nga zwi pfa, arali ndo vha ndi tshi do pfa vhugala ha Mudzimu vhu tshi khou wa! Oo!” Izwo a zwi na mushumo nazwo; na tshithihi lini.

<sup>161</sup> Vulani iyo ḥalukanyo. Uyo ndi mudavhi wa nndwa. Henefho ndi hune nndwa ya dzula yo dzudzanya, henefhano nndwani, ḥalukanyo yaṇu. I vuleni, nahone ni ri, “Ndi . . . Thimothimo inwe na inwe, ndi timatima thimothimo dzanga.” Amene. “Ndi khou timatima thimothimo dzanga zwino. Ndi khou tenda Ipfi la Mudzimu. Khefha ndi a da, Saṭhane.” Tshiṇwe tshithu tshi khou yo itea. Ngoho, tshi do itea. Ee, muṇe wanga.

<sup>162</sup> U ḥolisa vhalanda Vhawe nga Muya Wawe. U vha rumela vharuṇwa. Vhathu vha tamba ngazwo, nga zwiṇwe zwifhinga, “vharuṇwa.” Kha ndi—kha ndi tou vula kha tshiṇwe tshithu hafha na inwi, lwa tshifhinganyana. Kha ri vule hangeno kha Vhaheberu, lwa tshifhinganyana. Vhaheberu, ndima ya 4, ndima ya 4, huno kha ri . . . ndi amba, ndima ya 1 ya Vhaheberu, huno kha ri vule kha ndimana ya 14.

Avha vhoṭhe a si mimuya i shumelaho, yo ruṇwaho i tshi bva kha . . . yo rumelwaho u shumela vhane vha do vha maṭaifa a tshidzo?

. . . ndi kha ufhio muthihi wa vharuṇwa he a ri . . . Iwe dzula kha tshanda tshanga tsha u la . . . ?

. . . vharuṇwa vhoṭhe vha Mudzimu . . .

<sup>163</sup> Zwino, hafha Bivhili i a da ngeno murahu huno ya ri vhudza hafha, uri Mudzimu u ruma vharuṇwa. Vhugala! Vha mini? “Mimuya i shumelaho.” Vhugala! Mimuya i shumelaho, yo ruṇwaho (ngafhi?) i tshi bva kha Vhuhone ha Mudzimu. U ita mini? U shumela Ipfi Lawe. Amene! A vha khou yo shumela inwe ḥivhurereli ya tshiṇwe tshigwada tsha

dinomineisheni, fhedzi u shumela Ipfi Lawe. Ndi zwenezwo. "Mimuya i shumelaho, yo ruñwaho."

<sup>164</sup> Ri zwi divha hani uri vha zwenezwo? Bivhili yo amba, zwauri, "Ipfi la Murena lo da kha vhaporofita." Naa ndi zwone? Havha vharuñwa vha shumela Ipfi Lawe, nga Muya Wawe; vha shumela Ipfi, nga Muya Mukhethwa. Huno Muya na Ipfi two da kha vhaporofita, huno vhaporofita vho vha vhe na Ipfi la Mudzimu. Ndi ngazwo vho kona u ita madembe e vha ita. Ho vha hu si muthu; ho vha hu Muya wa Mudzimu ngomu ha muthu. Muya wa Kristo ngomu ha muthu, u itela Ipfi la Mudzimu. O ita mini? O kunakisa ndila iñwe na iñwe. Mudzimu o mu nanga, huno o vha o doliswa nga Muya Mukhethwa. Huno ho vha hu si ene. Na kathihi ho ngo ita tshiñwe-vho u swikela o no tshi vhona kha bono. Eliya o amba, kha Thavha Ya Karamele, "Zwothe hezwi ndo zwi ita nga ndaela Yau. Zwino, Murena, nga zwi divhee uri Iwe u Mudzimu." Oo, vhugala kha Mudzimu!

<sup>165</sup> Ndo no zwi vhona zwifhinga zwinzhi nga maanda, musi ni tshi vhona Muya wa Mudzimu u tshi kwama fhethu, huno afho fhethu ha vha nga fhasi ha ndodzo! Arali itshi tshigwada tshiñku ngomu hafha matsheloni ano, tsho vha tshi tshi nga tou dzhia fhedzi iyi thalukanyo hafha, tsha bvisa thimothimo iñwe na iñwe ndilani! Naa ni nga kha di timatima, ngeno ni tshi vhona vhafu—vhafu vha tshi vuswa, vaholefhali vha tshi tshimbila, mabofu a tshi vhona, madzingandevhe a tshi pfa?

<sup>166</sup> Muruñwa wa Murena, na tshifanyiso Tshawe tsho nembelela hafha kha luvhondo, zwo ita uri saints i kanuke, hoþe-hoþe. U ita mini? Kwambateli Ipfi. Amene! Li tshea diabolo muñwe na muñwe. Ee, Li a zwi ita. Ndi mini Iyo? "Mimuya i shumelaho, yo ruñwaho i tshi bva kha Vhuhone ha Mudzimu," u dolisa vhaambi vha Ipfi, vha no kwambatela Ipfi. Huno U khwathisa Ipfi nga zwiga zwi no tevhela, u disa Yesu onoula wa mulovha, ñamusi, na lini na lini. U hone heneffho.

<sup>167</sup> Ro vha ri tshi do timatima hani, ngeno O sumbedza nga ndila ya saints, ya matheriala, ya maya, ndila iñwe na iñwe ine zwi nga sumbedzwa, O zwi sumbedza *hafha*?

<sup>168</sup> Thaidzo ndi mini? Zwi kha thalukanyo dzashu. Ri vula thalukanyo dzashu kha tshithu, ra ri, "Ho luga, zwino, a thi diyhi uri kana zwo vha zwi tshi do ralo kana hai. Khamusi, arali nda pfa ndi khwine matshelo." Oo, izwo a zwi na na mushumo nazwo.

<sup>169</sup> Vhunga ndo no amba kanzhi, Abrahamu a nga di vha o ri kha Sarah. . . O vha o no fhira vhukale ha u—ha u vha musadzi. Ni a divha zwine nda khou amba; tshifhinga tshaho tsha vhutshilo, maduvha awe a fumbilimalo. Ni a vhona, o vha e na miñwaha ya furathiñhanu nga vhukale. Hu na khonadzeo ya uri o vha o no vhu fhira, nga miñwaha ya fumiñhanu, ya fumbili. Huno o ri

khae, khamusi, mađuvha a si gathi a tevhelaho, o ri, “Ni a pfa hu na phambano iñwe-vho, mufunwa?”

“A hu na na phambano ḥukhu.”

<sup>170</sup> “Izwo a zwi na na mushumo nazwo. Ri khou bvela phanđa, naho zwo ralo. Zwo ralo, zwino, arali na thoma murahu sa mu—musadzi muswa hafhu, ri a ȳivha, nga ayo malofha a vhutshilo, zwo luga, zwenezwo, ri wanulusa heneffo uri a khou yo tsireledza lushie, huno zwēthe zwi do luga. Zwino, ni a pfa hu na phambano iñwe-vho ȳamusi? Ho no fhela ȳwedzi tshee A mpfulufhedzisa. Ni a pfa hu na phambano iñwe-vho, mufunwa?”

<sup>171</sup> “Na zwiṭukutuku, Abrahamu. A hu na na tshiga, a hu na na tshithu. Ndi—ndi kha di tou fana na zwe nda—nda vha ndi zwone zwino kha miñwaha i si gathi ya u fhedzisela. A hu na na phambano ḥukhu.”

“Vhugala kha Mudzimu! Ri khou yo vha nalwo, naho zwo ralo.”

<sup>172</sup> “Abrahamu, ni khou amba, kha . . . Edzonu vhona, arali O ni fulufhedzisa, nga ngoho O vha a tshi do ri nea tshiga nga ndila heyi. Nga ngoho O vha a tshi do ri nea tshiga.” Huh! Hałeluya!

<sup>173</sup> “Murafho u si na nungo nahone u re phombwe u ḥoda zwiga.” Ndi zwone. O vha e na tshiga. Tsho vha tshi mini? Ipfi la Mudzimu. Ilo lo vha li tshiga.

<sup>174</sup> Mudzimu o vha a tshi nga fhodza hani uyu ȳwana? Ipfi la Mudzimu lo ralo; arali ndi na lupfiwa, kana ndi si na lupfiwa. Arali ndi . . . A hu londwi uri hu iteani, Mudzimu o ralo. Zwi a li ladza.

<sup>175</sup> Abrahamu o ri, “Kuvhanganyani kapi dzanu na zwēthe, ri ya kha shango.”

“Vha khou ya ngafhi?”

<sup>176</sup> “A thi ȳivhi.” Amene. “Fhedzi, ri khou ḥuwa, naho zwo ralo. Khezwi ri a ḥuwa!” Ho pakiwa nahone hu khou ḥuwa. Hałeluya! Ilo ndi Ipfi vhukuma la Mudzimu. Ndi mini tshe tsha vha tsho farwa nga phanđa hawe? Pfulufhedziso ya Mudzimu, Ipfi la Mudzimu. “Ri khou yo vha nalo.”

<sup>177</sup> “Ibva vhukati ha vhatu vhau, Abrahamu. Tshi re hone, vha, vha vhadzia-u-timatima na vhadzia-u-sa-tenda. Vha do u džhenisa kha vhuleme ho raloho. Ibva. Dikhaukanye, huno u tshilele Nne.” Ndi mini? “Sia luvalo lwau twōthe na zwipfi murahu hau, nga u ralo. Vula ḥhalukanyo yau, huno u elelwe, ndi Nne. Idę, tshila na Nne.” Amene.

<sup>178</sup> Mudzimu u khou vhidza Mbeu iñwe na iñwe ya Abrahamu, matsheloni ano, kha ulwo lushaka lwo raloho lwa vhutshilo. Nndwa khulwane i kati, zwino, shangoni lōthe. Mudzimu u ḥoda vhana Vhawe vha tshi díkhaukanya na mini? U vhona, u thetshela, u kwamea, u nukhedza, u pfa; dzikhumbulelo,

luvalo, dzinyelelwo, mañaña, madzangalelo; zwothe. Vha vula ḥhalukanyo yavho huno vha tendela Ipfi u dzhena, nahone vha matsha na Ipfi. Ilo ndi swole vhukuma.

<sup>179</sup> Iyo ndi ndila ine naledzi dza ima. Sisteme ya duvha a yo ngo shanduka; zodiaka. Naledzi ya mutsho i ṭavha kha vhuimo hayo ha mushumo, matsheloni mañwe na mañwe, u tou fana kokotolo na ndila ye ya ita musi lifhasi lo no sikwa. Naledzi ya nga madekwana i dzhia fhethu hayo; naledzi inwe na inwe. Goloi Ḧukhu, nahone nga tshifhinga tsha khalañwaha, i tou vha kokotolo hune ya tea u vha hone. Naledzi Ya Devhula i a dzika nahone a i sudzuluwi na kathihi. Haleluya! Tshithu tshothe tshi mona na Naledzi Ya Devhula, zwiñwe zwazwo zwothe, ngauri i tou vha vhukati ha lifhasi.

<sup>180</sup> Uyo ndi Kristo. Amene. O ima henefho, u laya mmbi Yawe vhunga Kapuñeni muhulwane.

<sup>181</sup> Vhunga Mushe e n̄ha ha thavha o imisa zwanda zwawe, huno Israele i tshi khou lwa, vha tshi khou phula ndila yavho, huno a ima o imisa zwanda zwawe. O ima o imisa zwanda zwawe u swikela duvha li tshi kovhela. Vho do tea u imisa zwanda zwawe. Uyo o vha e Mushe.

<sup>182</sup> O vha e tshifanyiso tsha Kristo. Uri hu vhe na ngoho ya uri zwanda Zwawe two dzula two ya n̄ha, zwanda Zwawe two ombelwa zwibigiri tshifhambanoni. Haleluya! Huno A namela khura dza Vhugala, ñamusi, e na zwiñbaro Zwawe zwi re na Malofha phanda ha Mudzimu, kha tshanda tsha u la tsha Vhuhulwane Hawe Henengei. Huno nndwa, kha swole linwe na linwe, i do tshea ndila yalo. A thi londi uri hu iteani; nga Ipfi la Mudzimu, li do qitshetshela ndila ya u wana mbofholowo. Amene.

<sup>183</sup> Vhunga tshikukwana ngomu ha gumba, mini-ha arali tshi tshi ofha u todzimela? Mini-ha arali tshi tshi ofha u tshotshonya gumba? Mini-ha arali tshikukwana tshiñuku tshi re ngomu ha gumba, tshinoni tshiñuku, tsho vha tshi tshi ofha u rwa khumba ya gumba? Mini-ha arali tshi tshi do vha tsho pfa mubvumo nnda, u tshi ri, "U songo rwa iyo khumba, u nga di dihuvhadza"? Fhedzi mupo wone uñe, ngomu ha tshinoni, u a tshi vhudza, "I tshotshonye! Phula buli ngomu hayo."

<sup>184</sup> Tendelani madzangano othe a kale u ri, "Mađuvha a madembe o fhira. Ni khou yo dihuvhadza. Ni khou yo dzhena kha vhusweleli ho kalulaho."

<sup>185</sup> Tshotshonyani kha khumba, nga maanda u ya nga hune na kona. Haleluya! "Sañane, ṭutshela kule! Ndi khou bva hafha." Ndi zwenezwo. "A thi tsha lala hafha, habe. A thi khou dzula hafha, habe. A thi tsha vha mavuni a kale a Diabolo. Ndi khou vula ndila yanga, matsheloni ano. Amene. Ndi goni." Amene! Haleluya!

<sup>186</sup> Fhedzi iło goni liṭuku ḥa kale, uyo mutsinga u no nga hamula yo tshingamaho afho murahu, ḥi tshi khou tshotshonya iyo khumba. A hu londwi uri khumba yo vha i tshi kondā hani, ḥo bvela phanda na u tshotshonya ḥa vhuya ḥa phuletshedza. Tshithu tsha u thoma ni a divha, zwenezwo, ḥo kona u babamedza phapha dzalo zwiṭuku. ḥo vha ḥo luga.

<sup>187</sup> Tshotshonyani ndila yanu ya u bva. Ndi zwone. Naa ni zwi ita hani? Ni i thuthubisa nga, “MURENA U RALO. MURENA U RALO. MURENA U RALO.” Tsha u fhedzisela, ni thoma u pfa munukhelela wa myua muswa. “MURENA U RALO.” No bvisela ḥohoh yanu nnda. “MURENA U RALO.” Sukumedzani nga maanda zwino, ni khou bva!

<sup>188</sup> Na kathihi a ḥi tsha vhuyelela kha khumba. Amene. ḥo vhofholowa. Yawee, nnenne! ḥlo Ipfi ḥi dzula fhasi lwa u thoma, nga izwo zwipfi zweṭhe na mvalo na zwithu, u dzulisea *hafha* fhasi, huno iyo ḥhalukanyo i a vula nahone ya ḥi tendela. Oo Mudzimu, ivha na khathutshelo! Na kathihi a hu tshe na tshithu tsha u ḥi isa vhupulini hafhu. No vhofholowa. Uyo we Murwa a mu vhofholola u nnda ha khumba. Dinomineisheni yanu i nga si ni vhidzele murahu na kathihi. Diabolo a nga si ite tshiñwevhō hafhu na kathihi kha inwi. A nga swiswidza nahone, a tzhema-ha.

<sup>189</sup> Fhedzi inwi ni kha Gondo, ni khou gidima nga luvhilo lwa nthā, yawee, nnenne, ni tshi khou gidima kha Gondo ḥa Khosi, swole ḥo doliswaho ḥa tshifhambano. Huno inwi magoni othe, nga lutendo, divhadzani Yesu, Tshedza tsha shango, gidimani kha Gondo ḥa Khosi. Ngoho. Ee, muṇe wanga!

<sup>190</sup> Heyi ndi “mimuya i shumelaho,” yo ruṇwaho i tshi bva Vhuhoneni ha Mudzimu, u vha vhashumeli, u shumela (mini?) Ipfi ḥawee; hu si inwe divhavhurereli, fhedzi Ipfi ḥa Mudzimu. Ndi mimuya i shumelaho, yo ruṇwaho i tshi bva ha Mudzimu, u shumela. Mimuya i shumelaho! Oo! Huno, elelwani, arali u tshi shumela tshiñwe tshithu nga nn̄dani ha Ipfi, a wo ngo bva kha Mudzimu. Ngauri, “Tshifhinga tshothe Ipfi Lau ḥo khwaṭhisedzwa Ṭadulu.” Tshifhinga tshothe, Ṭadulu, Ipfi, Mudzimu u a ḥi sedzesza. Huno na kathihi A nga si rume myua u shumela tshiñwe tshithu nga nn̄dani ha Ipfi.

<sup>191</sup> Na kathihi A nga si rume myua u re na D.D.D., Ph.D., khulukhulu nahone kholoro yawo yo mona nga murahu, zweṭhe nga u ralo, u tshi ri, “Ndi zwone, a hu na zwiñwe, mađuvha a madembe o fhira. Ri a zwi divha rothe.” Hai, hai. Uyo a wo ngo bva kha Mudzimu. U fhambana na Ipfi. Amene.

<sup>192</sup> U ruma iyo ine ya shumela Muya wa Ipfi. Amene.

<sup>193</sup> Oo, ndo vha ndi na zwiñwe zwithu zwi no ḥodou swika zwiñka kana zwiṭanu, fhedzi ndi ḥo zwi litsha nga tshino tshifhinga, ndi ḥo ḥi doba Swondaha i tevhelaho. Zwo luga.

Saṭhane na madimoni awe vho ḥoliswa.

<sup>194</sup> Arali iyi mimuya ya vharuňwa yo ḫoliswa u ni disela Ipfi, u ita uri ni tende Ipfi, zwino no vha ni tshi nga vhona hune na vhuya na pfa muporofita, muporofita vhukuma wa Mudzimu, a tshi landula Ipfi la Mudzimu? [Tshivhidzo tshi ri, “Hai.”—Mudz.] Hai, muňe wanga. Ho iteani musi madzangano a ḫuvha ḫavho o takuwa huno a ri, “Zwino, o khakha”? O ima nga eþhe, nahone a ima e eþhe. A ri, “Ndi zwone.”

<sup>195</sup> Sedzani Mika fhasi hangei nga iþo ḫuvha, muvhumbuluwi-mukhethwa muþuku, ni a vhona, murwa wa Yimila. Ho vha hu na vha maðana maña vho ḫoliswaho, vha no dzhiwa vho ralo, vhaporofita vho ḫoliswaho vho ima nþha henefhala, vhothe vho fushwa zwavhuði, huno vho digeda, na zdidigirii khulukhulu, na zwikola zwe funzwaho nga maanda nahone zwe pholishwaho. O ri, “Gonya, khosi yashu i fulufhedzeaho. Murena a vhe na iwe. Iþo ndi þashu. Yoshua o ri nea lone. Ngauralo gonya nahone u li dzhie. Izwo ndi zwone kokotolo. Iwe gonya nahone u li dzhie. Mini . . .” A ri, “Zwo ralo, Yoshu- . . .”

<sup>196</sup> Ni a divha, Yosafati a ri, “Naa a hu na muňwe, huňwe fhethu?” Musi, vho vha vhe na vha maðana maña. Mulandu ni sa tendi vha maðana maña? A ri, “Fhedzi, nga ngoho ni na muňwe muthihi, huňwe fhethu.”

<sup>197</sup> A ri, “Ndi—ndi . . . Ndi zwone, ri na muthihi. Hu na muňwe muthihi, fhedzi, oo, ndi a mu vhenga.” Huh! Ni a vhona?

<sup>198</sup> “Heneffo—heneffo, uyo ndi ene munna ane nda do takalela u mu thetshelesa, ni a vhona.” A ri, “Mu diseni nþha. Nga ri vhone zwine a khou yo amba.”

<sup>199</sup> Huno ngauralo vha ya nahone vha mu vhudza, vha ri, “Zwino, thetshelesa. U vhekanye theroyau zwavhuði, matsheloni ano, ngauri u khou rerela khosi. U khou rerela . . . nya—nyandano yoþhe ya vhashumeli vha mukenenene, ni a vhona, ya Palestina. Nyandano yoþhe ya vhashumeli, zwino, ni elelwe, ngezwi zwe vha zwi amba. Iwe u ambe zwenezwo zwithihi. U tende zwenezwo zwithihi.” Uþa muþuku . . .

<sup>200</sup> O—o vha e na munna ane a sa vhe ene heneffo. Uyo munna o vha o no þutshela mañaña aya a kale. O no di kunakisa dzitshumela, ni a vhona, luvalo lwawe.

<sup>201</sup> “Huno, zwe ralo, mulandu, u a divha zwine vha do ita? Arali u tshi do amba zwenezwo zwithihi, ndi humbulela uri vha do u ita tshifhe wa dzingu. Hu na khonadzeo ya uri vha do ralo. Vha do—vha do u ita mulangi wa nyangaredzi wa dzingu la hafha hayani, arali u tshi do—u tshi do tou andana navho.” Uyo o vha e si munna vhukuma wa Mudzimu.

<sup>202</sup> Mulandu, tshumela dzawe dzo no þanzwiwa, luvalo lwawe lwoþhe na zweþhe zwe vulea. Thalukanyo yawe yo no vulea kha Ipfi la Mudzimu. Huno Ipfi la Mudzimu, fhedzi, o vha a tshi do li tenda. Iyo ndi mimuya i shumelaho. Uyo ndi muya u shumelaho.

<sup>203</sup> O ri, “A thi ḋivhi uri ndi do ambanī zwino. Fhedzi, ndi do ni vhudza itshī tshithu tshithihi, ndi ḋo amba fhedzi zwine Mudzimu a mmbudza uri ndi ambe.”

Ngauralo vha lindela uvho vhusiku. A vha na bono.

<sup>204</sup> Matsheloni a tevhelaho, ndo vha ndi tshi nga humbulela Mika a tshi khou sedza nga Maṇwalo huno a ri, “Zwino, kha ri vhone zwino. Naa bono ḫlo... Zwino, vhanna avho vhothe, hu na tshiñwe tshithu tsho khakheaho hafha huñwe fhethu, ngauri Li fhambana na zwe vha zwi amba. Zwo ralo, ḫlo ri mini? Kha ri vhone zwe Eliya a amba hafha murahu, muporofita, ngauri ri a ḋivha uri o vha e muporofita. Vhonani zwe... Ipfi la Murena ḫlo da kha Eliya. Iina. Huno ḫlo ri mini? ‘Huno mmbwa dzi do ḡanzwa malofha au. Jesebele, mmbwa dzi do mu la. Huno nga mulandu wa Ahaba o lugaho... Nabothe o lugaho.’” Zwenezwo o ri... Musi o no vhone izwo, o vhone uri bono lawe ḫlo vha ḫlo tou livhana na Ipfi la Mudzimu, zwenezwo, uyo Ahaba wa kale ḫlo mu dela.

<sup>205</sup> O bvela nn̄da heneffo, a ri, “Gonyani, fhedzi ndo vhone Israele...” Vhonani, o vha a si na ḡtoni dza u amba bono ḡlawe lini, ngauri ḫlo vha li Ipfi la Murena. O zwi ḋivha zwauri o vha a tshi nga kona u dzhia itsho tshithu nga n̄dila yone-yone. Mini? O vula mbilu yawe, ḡhalukanyo yawe, kha Ipfi la Mudzimu, huno Ipfi la Mudzimu ḫlo no dzumbululwa murahu, ngauralo o zwi ḋivha uri ḫlo ḫlo vha li Ipfi la Mudzimu tshothe.

<sup>206</sup> Zwino, inwi ni ri, “Oo, arali ndo vha ndi tshi nga vha Mika fhedzi!” Ni nga vha ene. Ni ene. Ni ene, na inwi-vho, mufunwa. [Mukomana Branham u dovha a amba na khaladzi a lwalaho—Mudz.] Ni Mika, muporofita. Ni nga itani? Vulani ḡhalukanyo yanu. Ndi khou lingedza u ni vhudza mini matsheloni ano? Ipfi la Murena. Ni a vhone? Vulani ḡhalukanyo yanu, ni ri, “Zwino, u a ḋivha, ndi a tenda uri ndi nga fhodzwa.” Zwo ralo, Itsho, ndi mini-ha? Ndi ḫone Ipfi la Murena? Ngoho, ndi ḫone Ipfi la Murena.

<sup>207</sup> Huno *uyu* munna hafha u ri, “Mađuvha a mađembe o fhira. Ni nga si zwi ite *hezwi*. Huno ni...” Zwi hangweni. Rangisani Mudzimu.

<sup>208</sup> Ipfi la Murena li a ḫa hafha, huno o Li amba, nahone La vha nga u ralo.

<sup>209</sup> Zwino, Saṭhane o itani? Saṭhane o ita uri vhañwe vha doliswe. Zwino, Saṭhane u dolisa vhalanda vhawé. Oo, ngoho. Uh-huh. Ngoho. U dolisa vhalanda vhawé. U vha dolisa nga mini? Nga u sa tenda. Saṭhane na madimoni awe vha dolisa vhatħuri vha si tende Ipfi la Mudzimu.

<sup>210</sup> Zwino, arali ni tshi ḫoda u khwaṭħisa izwo, vulani kha Genesi 3:4. Kha ri dzou humela heneffo huno ri thetshelese hezwi, lwa tshifhinganyana, huno ri vhone arali ayo a si maano awe a u thoma. Itsho ndi tshithu tsha u thoma tshe a ita. Na kathihi

ha ḥutsheli maano awe o raloho. U zwi ita tshifhinga tshothe. Zwino, itonu vhona arali izwo—izwo zwi zwine zwa vha zwone. Zwino, ho ngo hanedza Ipfi. O tou mu ita uri a tou Li ḥatutshedza nga ndila yo khakheaho zwiṭuku, ni a ḫivha, a tou li ita uri Li pfale nga ndila ye a ḥoda Li tshi pfala, ni songo dzhia Ipfi lothe. Zwino, Genesi, ndo wana hafha, Genesi 3:4. Kha ri vhone arali izwo zwi zwe iyo ya amba zwino. Zwo luga.

*Huno ḥnowa ya ri kha musadzi, A ni nga fi nga ngoho:*

<sup>211</sup> “A ni nga fi nga ngoho.” Ni a vhona uri o i redza hani? “Oo, ri tenda uri mađuvha a madembe o fhira. A ri tendi uri hu na tshithu tshi no nga vhatthu vha tshi ḥanganedza Muya Mukhethwa u tou fana na zwe vha ita nga Pentekoste. Oo, ndila iñwe-vho ye na lovhedzwa ngayo, a i iti phambano iñwe-vho.” Ni a vhona Diabolo? Ni a vhona maano awe? “Zwo ralo, arali dokotela o ni vhudza uri ni nga si vhe na mutakalo, izwo zwi a li ladza.”

<sup>212</sup> Zwino, a thi khou tshinya bvumo, ndi sa khou tenda dokotela. Dokotela u khou shuma e kha sia la zwa saints. Huno dokotela o ita zwe the zwine a kona, u lamukisa vhatshilo ha muthu. Huno vhu nga si lamukiswe, ngauri a hu na tshiñwe tshithu-vho tshire a ḫivha u ita. U magumoni a ndingedzo dzawe. Munna uyo u a fulufhedzea. Fhedzi, zwino, muri wa ndivho wo luga, fhedzi musi ni tshi ya u swika hune wa ya, zwenezwo itsani ni namele Muri wa Vhatshilo nahone ni tou bvela phanda na u tshimbila. Amene. Ndi zwenezwo. U do tou shuma u swika heneffo. Iina.

<sup>213</sup> Zwino, maano a Sathane a itani zwino? Naa o ri mini hafha? Zwino sedzani ndimana ya 1 na ya—ya 2. Zwino kha—kha ndi vhale ndimana ya 1 hafha, u swika kha ya 3.

*Zwino ḥnowa yo vha yo thanya nga maanda u fhira  
dzothe, phukha iñwe na iñwe ya tsimu ye MURENA  
Mudzimu a i ita. Huno ya ri kha musadzi, Nangoho,  
Mudzimu o amba a ri, Ni songo la... muri munwe na  
munwe wa ngade?*

<sup>214</sup> I thetshelleseni zwino, uri i thoma u nengisa hani, na uri i galaga hani—hani ilo Ipfi. Ni a vhona? I khou... Naa i khou lingedza u itani? U dzhena kha ḥhalukanyo yaye. Ni a vhona? I khou amba nae, nga murahu ha musi Ipfi lo no di khwaṭhiswa heneffo.

<sup>215</sup> Zwino, ni songo tendela Sathane u khwaṭhiswa tshithu. Ni a vhona? Inwi vhulungani Ipfi la Mudzimu lo khwathisedzwa mbiluni yanu. Ni a vhona? Ni ite zwo raloho. Zwino sedzani, inwi Vhomika.

*...musadzi a ri kha ḥnowa, Ri nga la mitshelo ya miri  
ya ngade: fhedzi...*

*Fhedzi mutshelo wa muri u re vhukati* (vhukati, ni a vhona) *ha ngade, Mudzimu . . . o ri, Ni songo u la, nahone ni songo u kwama, uri ni sa do fa.*

<sup>216</sup> Ni a vhona, zwino, ilo ndi Ipfi. U khou Li redzela murahu khayo. Zwino sedzani.

*Huno nowa ya ri kha musadzi, Ni nga si fe nga ngoho:*

<sup>217</sup> Ni a vhona maano ayo? Ni a vhona? I khou lingedza u itani? Uyo muthu wa u thoma, i khou lingedza u dolisa uyo musadzi wa vhuthogwa heneffo, nwananyana wa Mudzimu, nga u sa tenda kha Ipfi la Mudzimu. Izwo ndi zwone kokotolo zwine ya khou lingedza uri a zwi ite.

<sup>218</sup> Izwo ndi zwine ya lingedza u ita uri inwi ni zwi ite, mufunwa. [Mukomana Branham u dovha a amba na khaladzi a lwalaho—Mudz.] Izwo ndi zwine ya lingedza u ita uri muñwe na muñwe wa vhoiñwi a ite, afho nda, u ni dolisa. Huno tshithu fhedzi tshire na tea u ita zwino . . . Ni muthu o tendelwaho u ita tshire a funa. Zwino ni nga zwi tanganedza arali ni tshi ṭoda u ralo. Fhedzi zwi raheleni nda. Arali Efa o vha a songo ima nga itsho tshifhinganyana, u thetshesela! Ni songo imela tshithu. Ni songo ima.

<sup>219</sup> Musi—musi Eliya o vhudza Gehasi, a ri, “Dzhia lubada lwanga, iya u lu vhee kha lushie lwo lovhaho. Huno arali muñwe munna a vhuya a amba na iwe, u songo fhindula. Arali muñwe a tshi lingedza u u imisa, itou bvela phanda na u tshimbila.”

<sup>220</sup> Sedzani musadzi musi o vhidza mulanda wawe. O ri, “Vhelesa meila huno u bvele phanda, nahone u songo vhuya wa ima u swikela ndi tshi u laya.” Ndi zwenezwo.

<sup>221</sup> Musi u na Mulaedza, bvela phanda na u tshimbila. Amene. Ni ri, “Ndi nga si dovhe nda tshimbila. Hai, ndi khou fhelelwa nga nungo.” Itonu bvela phanda na u tshimbila. Ni songo ima. Vheani zwothe nga thungo, ni tou bvela phanda na u tshea. Mukomana, ni na Banga tshandani tshañu, itonu bvela phanda na u rema.

<sup>222</sup> Ndo dzhena tshitadiamuni tsha futhibola, nga tshiñwe tshifhinga, huno nda vha ndi tshi khou yo rera. Huno nda ima munangoni nahone nda sedza nt̄ha, hangei nt̄ha. La ri, “A si vhuhulu ha mmbwa nndwani. Ndi vhuhulu ha nndwa kha mmbwa.” Ngauralo izwo ndi zwine zwa wina nndwa. Ni a vhona?

<sup>223</sup> Inwi ni ri, “Zwo ralo, sedzani. Sedzani zwivhidzo zwihiwlane zwothe zwi lwa na Hetshi.”

<sup>224</sup> A thi londi uri vha na vhuhulu-de. Ndi nndwa i re kha mmbwa, itsho ndi tshire tsha vha tsha ndeme. Ndi lutendo lune lwa vha kha muthu. Arali ni goswi, iyani murahu he na alutshela hone. Fhedzi, mukomana, arali ni swole, imani heneffo nda. Hu na nndwa i re kat. Tshi re tshore na tsho khakheaho zwi khou shuma. Kha ri lwe.

<sup>225</sup> Vhunga Peter Cartwright, o dzhena mudini, a ri, “Murena o mmbudza uri ndi—ndi de ngomu hafha nahone ndi vhe na mvuseledzo.” A hira vhuvheathundu ha kale, a dzhena ngomu heneffo huno a thoma u vhu kulumaga.

<sup>226</sup> Huno khunzi khulu ya dorobo, pisitolo yo nembelela kha lurumbu lwawe, ya tsela fhasi. Ya wana minango...Vhañwe vhavho, vha ri, “Naa uyo munna u khou itani afho fhasi?”

<sup>227</sup> Ha pfi, “Ndi mureri. U khou yo vha na muñangano, o ralo.”

<sup>228</sup> “Zwo ralo,” a ri, “humbulelani uri ndi do tea u tsela fhasi huno nda mu posela nnda tshiñarañani, nahone nda mu pandela hafha. Ndi zwenezwo fhedzi. A ri ṭodi miñangano u mona na fhethu hashu.”

<sup>229</sup> Ngauralo u tsela fhasi henengei, a raha vothi. Huno Peter Cartwright o vha o ambara badzhi yawe, ni a ñivha, huno o vha a tshi khou tou ḥanzwa mafasiñere na mbondo. Muthu muñukuñku, ni a ñivha.

<sup>230</sup> Mureri wa kale o mu sea, ni a ñivha, nge a la khuhu nga zwanda zwawe; hune ha vha vhudifari ha matshilisano ñamusi, ni a ñivha.

<sup>231</sup> Ngauralo o vha a tshi khou tou ḥanzwa mafasiñere nahone a tshi lugisa u mona hoñhe. Khunzi khulu ya sendela, ya kokodzela badzhi yayo murahu, pisitolo i tshi khou nembelela kha lurumbu lwayo, ya ri, “U khou itani?”

<sup>232</sup> “Oo,” a ri, “Ndi khou ḥanzwa mafasiñere.” Huno a tou bvela phanda na u ḥanzwa fasiñere, ni a ñivha. O vha e na ndivho nthihi. Mudzimu o mu vhudza uri a fare mvuseledzo. A tshi khou ḥanzwa mafasiñere, u tsa fhasi.

A ri, “A ri tendeli dzimvuseledzo u mona hafha.”

<sup>233</sup> A ri, “Oo, fhedzi Murena o mmbudza u—u fara iyi mvuseledzo.” Ni a vhona? A sokou bvela phanda, nnda kha mushumo wawe. Ni a vhona? Ni a vhona?

<sup>234</sup> “Zwo ralo,” a ri, “hu na tshithu tshithihi tshire wa—wa tea u pñesesa.” A ri, “Ndi vhusa iyi ḥorobo u mona hafha.”

<sup>235</sup> A ri, “Oo, u ralo?” Huno a sokou bvela phanda na u ḥanzwa mafasiñere, ni a ñivha.

<sup>236</sup> A ri, “Phanda ha musi u tshi vha na mvuseledzo, u tea u thoma wa nthwa.”

A ri, “Oo, ndi a zwi ita? Zwo ralo, zwi tevhelaho zwine nda do mbo di zwi ita ndi zwenezwo.”

<sup>237</sup> A sokou bvula badzhi yawe. A sendela heneffo, huno a mu fara nga kholoro, nahone a mu rwa a wela fhasi, nahone a fhufhela nthia hawé. A ri, “Ndi tea u lwa, arali ndi tshi do vhusa. Engedza vhuhali hanga, Murena.” A mu rwa nga maanda.

A ri, “Wo wana zwo edanaho?”

<sup>238</sup> A ri, “Ee.” A takuwa nahone a mu lumelisa nga tshanda tshawe. O tshidzwa uvho vhusiku, ngomu ha tshivhidzo.

<sup>239</sup> Khezwo. Ni a vhona? Ndi, dzhiani Ipfì ḥ Mudzimu huno ni tshee ndila yanu vhukati ha thimothimo iñwe na iñwe. Ni a i vhona? Ngoho, ndi yeneyo. Uyo ndi mushumo u tevhelaho, kha ri u ite. Ho luga. Tshithu tshi tevhelaho tshine nda khou yo ita ndi u ḫutshela kule ha thimothimo dzanga, nda dzi tumula. Uyo ndi mushumo wanga u tevhelaho, ndi u thudzela ndado dzanga kule. Arali zwipfi zwanga zwi tshi mmbudza, “Ndi zwone, a u di pfi zwavhuđi,” tshithu tshi tevhelaho tshine wa tea u ita ndi u tumulela itsho tshithu kule. Ndi zwone.

<sup>240</sup> Inwi ni ri, “Zwo luga, vha... Vha mmbudza uri... Vha a divha, luvalo lwanga lu a mmbudza, Mukomana Branham, uri ndi...” Zwo ralo, ndi khwine ni tshi tumulela itsho tshithu kule. A ni khou yo bvela phanda u fhira hafho. Itonu ita uri mushumo wanu u tevhelaho u itwe. Lusani nga nungo dzothe u ita mushumo wanu. Itonu bvela phanda na u tshimbila. Ndivho nthihi, “Ndi khou yo wina.” Amene. “Ndi nga si balelwe. Ndi khou yo wina.” Amene.

<sup>241</sup> Sathane u a dolisa. Ni a vhona? Ndi afhio maano awe a u thoma? Fhethu hawé he a thoma u ya hone ho vha hu hufhio? Thalukanyo. O ima lwa tshifhinganyana, u thetshelesa zwe a amba. “Oo, u mmbudza mini?”

<sup>242</sup> Afho ndi hone he vhanzhi vha tshisadzini vhaṭuku vha ita khakho, na vhanzhi vha tshinnani vhaṭuku vha ita khakho yavho; ho luga, vha ima lwa tshifhinganyana, vha sokou ima lwa tshifhinganyana. Ndi lunzhi hani ndi tshi vhona milandu ya ḫthalano na zwithi i tshi bvelela, nga ha hezwo.

<sup>243</sup> “Ndi zwone, ndi a vha vhudza, Mukomana Branham, o lidza mulodzi u tou fana na ‘wheet-wheew,’ vha a divha, huno nda ima, nahone, nga u fulufhedzea, ndo—ndo vha ndi sa khou ḫodou ralo.” Uh-huh. Khezwo.

<sup>244</sup> “Oo, ene, ndo vha ndo dzula u livhana nae ḫafulani. O—o vha e na mađo o nakesaho!” Ni a vhona? Uh-huh. Ni a zwi vhona? Ndi zwenezwo.

<sup>245</sup> Diabolo o ita zwenezwo zwithihi. “Oo, dokotela o mmbudza uri ndi nga si wane mutakalo, ngauralo ndi...” Khezwo, zwenezwo zwithihi, ni a vhona, nndwa khulwanesa ye ya vhuya ya lwiwa.

<sup>246</sup> “Ndi zwone, vha a mmbudza. Ndo vhona *Mukeneñene* a tshi dzhia uri u na Muya Mukhethwa.” Iina, no sedza kha muñwe muhoi wa kale. Mini-ha nga avho vhe zwa vhukuma vha vha vhe Nawo? Uh-huh. Iina. Diabolo u do ni sumbedza tshiñwe tshiuñzwedzhi tsha kale tsha funguvhu, fhedzi a nga si ni sumbedze liivha la vhukuma. Uh-huh. Ndi zwone. A nga si ni sumbedze ilo, nahone u do ita uri ilo li dzule li sa vhonali kha inwi.

<sup>247</sup> Oo, ndi liswole, na ene-vho, ni elelwe. Fhedzi muhulwane ndi washu... “Muhulwane ndi Uyo a re kha inwi, u fhira uyo a re kha shango.” Fhedzi farelelani kha Ipfi la Mudzimu; Li tendeni, inwi vhokapuṭeni vha mmbi hafha. Farani dzhavheلو, mukomana. Ndi zwone, farani vhuimo hanu ha mushumo.

<sup>248</sup> Ngauralo, ndo vha na musidzana muṭuku hafha, nga tshiňwe tshifhinga. Musidzana a nga di vha o dzula hafha zwino. Dzina lawe lo vha li Nellie Sanders. Tshiňwe tsha zwifhinga zwa u thoma ndi tshi vcona diabolo a tshi pandelwa. Ro dzula, zwino, arali ndi tshi nga tou wana afho fhethu; huno ha tou vha vhukule vhu no ḥodou swika buloko tharu afha n̄ha, seli ha zwaloni. Huno ndo vha ndi kha di bva u vha mureri, nahone ndi tshi khou rera heneffano kha iyi khuda, ndi na muṭangano wa dennde.

<sup>249</sup> Huno uyo musidzana muṭuku o vha e muňwe wa vhadantsi vha khwinesa. O ya kha tshikolo tsha n̄ha hafha phasi, huno ndi ene na Lee Horn. Huno vhusiki hanu fhano doroboni ni a divha Lee Horn hafha phasi, u na luřhera lwa u tambela sinukha. Huno ngauralo vhone, ene na Lee Horn, vho vha vhe vhadantsi vha khwinesa vhe vha vhe hone kha shango. O vha e Mukatolika, ene muňe. A hu na zwiňwe, vhurereli a ho ngo amba tshithu khavho, ngauralo-ha... Nellie na vhone. Ngauralo, o vha e mudantsi muhulwane, huno o vha e zwenezwo, na ene-vho. Huno hafha vho vha vhe na iyi dantsi i no pfi “black bottom,” na “jitterbugs,” na izwo zwithu zwothe. Huno o vha e... Avho vhavhili vho vha vhe vha khwinesa kha shango.

<sup>250</sup> Liňwe duvha, o pepelekela ngomu hafha n̄ha, vhuňwe vhusiku, kha muṭangano. Heneffho a gwadama, kha alitari, Nellie muṭuku. Fhaṭutshedzani mbilu yawe. A lala heneffho kha alitari. A imisa tshanda tshawe. Huno a lila, na miđodzi i tshi eéléla mashamani awe. A ri, “Billy...” O vha a tshi nnđivha. A ri, “Ndi ḥodou tshidzwa, nga maandesa.”

<sup>251</sup> Huno nda ri, “Nellie, ni nga tshidzwa. Yesu o no di ni tshidza, musidzana. Ni tea u zwi ṭanganedza zwino kha theo ya Ipfi Lawe.”

<sup>252</sup> Huno a dzula heneffho. Huno a lila, nahone a rabela, huno a vhudza Mudzimu uri na kathihi a nga si tsha dovhā a thetshelesa zwithu zwa shango. Nga kathihi fhedzi, mulalo wavhuđi u ḫifhaho wa da kha maya wawe. A takuwa heneffho, a tshi khou ṭavha mukosi nahone a tshi khou renda Mudzimu, a tshi khou hulisa Mudzimu.

<sup>253</sup> Huno hu tshi ḥodou fhela miňwedzi ya rathi kana malo nga murahu ha izwo, a vha a tshi khou tsa nga Tshitarača tsha Spring, vhuňwe vhusiku.

<sup>254</sup> Zwino, o vha a tshi tou vha musidzana muṭuku, a tshi tou vha thangana ya murole, a tshi ḥodou vha na miňwaha ya fumimalo nga vhukale. Huno a da kha nn̄e, nahone a ri, “Hope...” Uyo o vha e mufumakadzi wanga, uyo o no ḫuwaho. A ri, “Ndi tama

ngavhe ndo vha ndi tshi nga Hope na Irene.” A ri, “Vha a divha, na kathihi a vho ngo bva vha ya shangoni.” A ri, “Shango li vhea luswayo kha inwi.” A ri, “Ndi na mbonalo i hwasaho.” A ri, “Zwino, ndo litsha u dola khirimu na zwithu, fhedzi ndi vhonala ndi tshi hwasa. Na tshivhumbeo tshanga, khofheni hanga,” a ri, “ndi vhonala ndi tshi hwasa.” A ri, “Vha vhonala vha si na na mulandu nahone vhe na vhulenda.” A ri, “Ndi tama ndo vha ndi songo ita izwo na kathihi.”

<sup>255</sup> Nda ri, “Nellie, Malofha a Yesu Kristo a ḥanzwa tshivhi tshoṭhe, mufunwa. Tshimbilani, zwi tendeni.”

<sup>256</sup> Wayne Bledsoe, vhunzhi hanu hafha ni a mu divha, khonani yanga ya mbiluni, nahone miñwaha na miñwaha. Ô vha e munwi. Huno u da hafha na murathu wanga, Edward. Huno o kambiwa fhasi hafha tshiṭaraṭani, huno nda mu doba, ngauri mapholisa o vha a tshi khou yo mu wana. Huno ndo mu disa hafha. Huno ndo vha ndi mureri nahone ndi tshi dzula hafha, kha mma na papa, kale-kale ndi sa athu mala. Huno ndo mu dzhia, nda mu ladza mmbetenı ngomu heneffho. Ndi edela, ndo edela kha vhulalo vhu peteaho kavhili. Ho vha hu na tshigwada tshihulu tsha Vhabranhama, ni a divha, vhufumi hashu. Huno ngauralo ro vha ri na phera dzi no ṭodou swika nña, huno ro do tea u dzi vhilidza, zwiṭuku. Ngauralo, ndo vha ndi na vhulalo vhu peteaho kavhili he nda vha ndi tshi edela khaho. Ndo vhu petulula nga *heyi* ndila, huno—huno nda ladza Wayne kha mmbete na nne. O kambiwa, nda tea u mu hwalela nduni huno nda mu ededza.

<sup>257</sup> Huno ndo vha ndo lala heneffho. Nda ri, “Wayne, a ni dishoneli, nga u ralo?”

<sup>258</sup> Huno a ri, “Uh, Billy, ni songo amba na nne nga u ralo.”

Huno zwenezwo nda vhea tshanda tshanga. Nda ri, “Ndi khou yo ni rabelela, Wayne. Mudzimu a ni fhaṭutshedze.” Huno khamusi ho no fhela, oo, ndi a humbulela tshifhinga tshi no ṭodou ita ñwaha, ndo tshidzwa.

<sup>259</sup> Huno ngauralo-ha, kathihi fhedzi, the—thekhisi, vothi la handyamedza nnnda, huno muñwe muthu a tshi khou khokhonya nga maanda. “Khaladzi Bill! Khaladzi Bill!” [Mukomana Branham u khokhonya kha phuluphithi—Mudz.]

<sup>260</sup> Nda elekanya, “Nnenne, e nga vhanna, muñwe muthu u tea u vha a khou lovha.” Nda fhufhela, kha vothi; nda dzhia tshithu tshanga tsha kale heneffho, nda tshi posa u mona na phidzhama dzanga, nga ndila *heyi*; huno nda fukedza Wayne. Nda gidimela muñangoni.

<sup>261</sup> Ho pfala hu tshi nga ndi musadzi. Nda vula muñango, huno yuu musidzana muswa o vha o ima muñangoni. A ri, “Oo, ndi nga dzhena?”

Nda ri, “Dzhenani.” Huno nda funga mbone.

<sup>262</sup> Huno zwino o vha a tshi khou lila nga u ralo, nahone a ri, “Oo, Khaladzi Billy, ndo—ndo—ndo ya! Ndo ya!”

<sup>263</sup> Nda ri, “Thaidzo ndi mini, Nellie? Ni na vhu—ni na vhulwadze ha mbilu?”

<sup>264</sup> A ri, “Hai.” A ri, “Khaladzi Bill, ndo vha ndi tshi khou tsa nga Spring.” A ri, “Nga u fulufhedzea, Khaladzi Bill! Nga u fulufhedzea, Khaladzi Bill, ndo vha ndi sa khou Ძodou vhaisa. Ndo vha ndi sa khou Ძodou vhaisa.”

<sup>265</sup> Nda ri, “Thaidzo ndi mini?” Nda elekanya, “Ndi khou yo itani ngae zwino?” A tho ngo ḋivha uri ndi nga itani. Nne, ndi tshi kha ḋi tou vha muthu muswa. Huno nda . . .

<sup>266</sup> A ri, “Oo, Khaladzi Bill,” a ri, “Ndo tou—ndo tou—ndo tou thathekana tshoṭhe.”

Nda ri, “Zwino, dzikani, khaladzi. Mmbudzeni zwoṭhe nga hazwo.”

<sup>267</sup> Huno a ri, “Ho luga,” a ri, “Ndo vha ndi tshi khou tsa nga tshiṭaraṭa, na Holo ya Redman . . .” Huno vho vha vha tshi anzela u vha na dzidantsi vhusiku ha Mugivhela heneffho. Huno a ri, “Ndo vha ndi na zwiñwe zwithu, zwe nda vha ndi tshi khou ya hayani u ḋiitela rokho.” Huno a ri, “Ndo pfa uyo muzika.” Huno a ri, “Vha a ḋivha,” a ri, “Ndo ima lwa tshifhinganyana.” Huno a ri, “Wa dzulela u vha khwine. Ngauralo nda elekanya, ‘U a ḋivha, zwi nga si vhaise arali nda ima heneffha.’”

<sup>268</sup> Afho ndi he a ita khakho yawe, o ima lwa tshifhinganyana. O tou thetselesa.

<sup>269</sup> Ha pfi, “Zwo ralo, ndi khou yo elekanya.” Ha pfi, “Oo Murena, U a ḋivha uri ndi a U funa, naho zwo ralo.” Ha pfi, “U a ḋivha uri ndi a U funa, Murena. Fhedzi ndi kona u elelwa nga ngoho tshifhinga tshe Lee na nne ra vha ri tshi anzela u wina kha—khaphu dzōṭhe, na zwiñwe-vho.” Ha pfi, “Nnenne, ndi elelwa uri uyo muzika wa kale wo vha u tshi anzela u nkunga. A u tsha ita zwino.”

<sup>270</sup> Uh-oh, uh-oh! Ni sokou elekanya uri a u iti. Wo no di ni wana, heneffho. Uyo u tou vha wavhudī u fana na une a Ძodā, heneffho. Ni a vhona?

<sup>271</sup> Ndi vhangana vho vhuyaho vha ḋivha Nellie Sanders? Ndi zwone, ndi humbulela vhunzhi hañu noṭhe. Iina. Ngoho. Ngauralo vho—vho vha—vho vha . . .

<sup>272</sup> Ha pfi, o ri, “Ndi zwone, ni a ḋivha uri mini?” A ri, “Khamusi arali nda tshimbila n̄tha ha zwiṭepisi afho n̄tha,” a ri, “khamusi ndi Ძo kona u Ძanziela kha vhañwe vhavho.”

<sup>273</sup> Oo! Ni a vhona, ni pulotoni ya Diabolo. Dzulani nn̄da hayo. “Tinyani mbonalo yeneyo ya vhuvhi.”

<sup>274</sup> Fhedzi o gonya, nthā ha zwiṭepisi, huno a ima heneffo miniti i si gathi. Huno tshithū tsha u thoma ni a ḥivha, a vha e zwandani zwa munwe mutukana, nnḍa fhasi.

<sup>275</sup> Zwenezwo a dzivhuluwa. Huno o vha o ima heneffo, a tshi khou lila nahone a tshi bvela phanda, a ri, “Oo, ndo xela zwino, u ya ho ya.”

<sup>276</sup> Nda elekanya, “Ndi zwone, a thi ḥivhi zwinzhisa nga ha Bivhili, fhedzi ndi tenda uri Yesu o amba hezwi, ‘Nga Dzina Langa vha ḥo pandela vhodiabolo.’” Nda . . .

<sup>277</sup> Huno Wayne o vha o no dzivhuluwa, zwiṭukunyana, nahone o dzula heneffo, a tshi khou sedza. Ni a vhabona? Ngauralo nda ri, “Zwino, diabolo, a thi ḥivhi uri u nnyi, fhedzi ndi a u vhudza zwino, hoyu ndi khaladzi anga, huno a u na pfanelo ya u mu fara. Ho ngo tou funa u ita hezwo. O tou ima lwa tshifhinganyana.” Afho ndi he a ita khakho yawe, naho zwo ralo. Nda ri, “Fhedzi u khou ḥo tea u bva khae. U a mpfa?”

<sup>278</sup> Huno ngauralo mpfarise, Mudzimu, kha Tshidulo tsha Khaṭhulo, ḥivha. Ilo vothi la tshikirini la thoma u vulea na u vala, nga lone line. “Plumpity, plumpity,” heneffo kha vothi. “Pump, ka-plump, ka-plump.” Nda elekanya.

Huno a ri, “Bill, sedzani hafhaṭa. Sedzani hafhaṭa.”

Huno nda ri, “Iina. Naa itsho ndi mini?”

A ri, “A thi ḥivhi.”

Nda ri, “Na nne a thi ḥivhi.”

<sup>279</sup> Huno vothi la ri “pumpity-pump, ti-pump,” li tshi vala nga u ralo. Nda elekanya, “Naa thaidzo ndi mini hafha? Naa thaidzo ndi mini?”

<sup>280</sup> Nda dovha nda sedza, nga ndila *heyo*. Huno nda ri, “Mu ḥutshele, Saṭhane! Nga Dzina la Yesu, ibva khae!”

<sup>281</sup> Musi ndo amba izwo, wa vhabonala u tshi nga nyamulemalema muhuluhulu, wa vhulapfu vhu no ḥodou vha *hovhu*, wo bvelela murahu hawe, u na mavhudzi malapfu a nembelelaho kha phapha dzawo na kha milenzhe yawo, nga ndila *heyo*. U tshi khou ri, “Ooooooh.” Wa thoma u livha kha nne, u tshi ḥa wo tou ḥifunga.

<sup>282</sup> Nda ri, “Oo Murena Mudzimu, Malofha a Yesu Kristo a a ntshireledza kha hezwo.”

<sup>283</sup> Huno Wayne a fhufhela mmbeten, a sedza. Huno wo vha u hafha, u tshi nga murunzi muhulu, wo tingeledzwa, huno wa ya hangei nahone wa ya fhasi murahu ha mmbete. Wayne a bva mmbeten, a dzhena lufherani lu tevhelaho, u ya nga he a kona. Ngauralo ra . . .

<sup>284</sup> Nda dzhia Nellie nahone nda mu isa hayani. Huno nda vhuya, huno nda si kone . . .

<sup>285</sup> Mma vha dzhena heneffo huno vha hukhutha malagane na zweṭhe. Ho vha hu si na tshithu kha uyo mmbete. Naa ho vha hu mini? Diabolo o bva khae. Naa ho iteani? O ima lwa tshifhinganyana. [Mukomana Branham u khokhonya luvhili kha phuluphithi—Mudz.] Ndi zwenezwo fhedzi.

<sup>286</sup> Ni songo ima, na luthihi. Musi Mudzimu a tshi nweledza Ipfi Lawe mbiluni yanu, itonu dzhia iļo Banga huno ni thome u rema na u tshea. Hałełuya!

<sup>287</sup> “A thi na tshifhinga tsha u lindela tshińwe tshithu-vho. Ndo tou pfuka, a thi na tshifhinga tsha u vhuya nda awela.”

<sup>288</sup> O ri, “Zwo luga, nahone dzhia lubada lwanga huno u lu vhee kha lushie. Huno arali muńwe a tshi amba na iwe, u songo vhuya wa amba navho lini.”

<sup>289</sup> Arali Diabolo a tshi ri, “Hei, u a ɖivha zwine wa khou zwi pfa?” U songo vhuya wa amba nae. Itou bvela phanda na u tshimbila.

<sup>290</sup> Diabolo, ni a ɖivha, Diabolo u ri, “Fhedzi ni a ɖivha uri mini? Ni a ɖivha, *Mukeneñene*, musi vho no wana Muya Mukhethwa, ni a elelwa uri vho—vho ḥodou xeletwa nga ḥhalukanyo yavho.” Ni songo vhuya na amba nae. Itonu bvela phanda na u tshimbila. A ni ɖivhi nga ha *Mukenenene*.

<sup>291</sup> Ndi inwi na Mudzimu. Ndi zwone. Ivhani na Mudzimu. U ḥolisa vhalanda Vhawe. Ndi tea u ḥavhanya. Mudzimu u ḥolisa vhalanda Vhawe. Ni a vhona?

<sup>292</sup> Zwino ndi tea u pfuka notsi dzi si gathi hafha, fhedzi ndi do takalela u amba hezwi. Hafha, thetshelesani zwino, nga vhuronwane.

<sup>293</sup> Mufumakadzi mułuku, thetshelesani nga vhuronwane zwino. [Mukomana Branham u dovha a amba na khaladzi a lwalaho—Mudz.]

<sup>294</sup> Hafha ri vhona maano a Diabolo. Ri ita hani? Zwino, ndi na Mańwalo manzhi hafha, a vhaporofita na zwithu, hune a da khavho, na vhathu vho fhambanaho kha Bivhili, huno a ita zwenezwo zwithihi. Tshifhinga tshothe maano awe, ndi u lingedza u ita uri vhathu vha si tende Ipfi la Mudzimu. Thetshelesani, vhoinwi maswole a tshifhambano. Musi ni tshi litsha u tenda Ipfi lithihi la Bivhili ya Mudzimu yo ḥwaliwaho, no dzhielwa tshiḥthavhani.

<sup>295</sup> Ni a zwi tenda izwo, mufunwa? [Mukomana Branham u dovha a amba na khaladzi a lwalaho—Mudz.]

<sup>296</sup> No dzhielwa tshiḥthavhani. Ni a dinekedza, inwi muthu a si na nungo. Ambarani mafumo othe a Mudzimu. Amene. Ri kha nndwa. Zwe Mudzimu a amba ndi ngoho. “Ipfi lińwe na lińwe la muthu ndi mazwifhi.” Ni a vhona? Fhedzi zwenezwo ni... a tshi ni ita uri ni thetshelese tshińwe tshithu, tshine tsha vha maano awe, no dzhielwa tshiḥthavhani.

<sup>297</sup> Ndi zwithu zwingana zwe Efa a tea u zwi thetshelesa? Tshithihi. O dzhielwa tshithavhani nga tshenetsho tshifhinga. Naa Diabolo o ita mini? O dzhena ngomu nga thalukanyo yawe, ngomu kha maya wawe, huno heneffo a shandea. Naa ndi zwone? O shandea nga tshenetsho tshifhinga tshe a dzhielwa tshithavhani, musi o litsha u tenda Ipfi la Mudzimu. Zwo luga. Hafha ri vhona maano awe.

<sup>298</sup> Maswole a Mudzimu a laiwa u “Ambara mafumo othe a Mudzimu.” Naa ndi zwone? [Tshivhidzo tshi ri, “Amene.”—Mudz.] Zwino, arali ni tshi ḥoda u ḥwala ulwo Luṁwalo, lu wanala kha Vhaefesa 6:10 na 13. Ni a vhona? Ro lu vhala tshifhinganyana tsho fhiraho. Ndi ḥinwalwa lashu. Zwo luga. Dzhielani nzhele. “Ambarani mafumo othe a Mudzimu.” Kha ri... Naa ni na tshifhinga tsha miniti i si gathi? [“Amene.”] Kha ri hume hafha lwa tshifhinganyana. Kha ri do vhona zwine mafumo othe a Mudzimu a vha zwone. Zwo luga. Kha ri thome kha ndimana ya 10. Zwino, thetshelesani nga vhuronwane zwino. Kha ri wane mafumo othe a Mudzimu. “Tsha u fhedzisela, vharathu vhanga...” Zwino, ndi a divha uri ndi khou yo... ndi...

<sup>299</sup> Ndi miniti ya fumbili, zwino, u ya kha fumimbili, i ḥodou rwa. A—a thi... a tho ngo ḥoda u ni funza tshifhinga tshilapfusa, ḥamusi, fhedzi ndi—ndi nga di si vhe na munwe Mulaedza nga nn̄da ha muthihi u swikela ndi tshi dzhia dziñe nyendo dzanga dza tshilimo, ni a vhona.

<sup>300</sup> Huno ni a divha uri mini? Ni a divha uri ndi ngani ndi tshi khou ita izwi? Ndi do ni vhudza. Lila duvha ndo vha na muloro. Ndo vha ndi sa khou yo u amba, fhedzi zwi tou vha kha thalukanyo yanga. Ndi nga kha di zwi ita, nga murahu ha musi Murena o no mpha dzīthalutshedzo.

<sup>301</sup> Ndo lora ndi tshi khou dilugisela u pfuka mulambo muhulwane, u itela mushumo wa vhurumiwa. Huno zwino, tsha u thoma, ndo vha ndi hangei n̄tha na mufumakadzi wanga...

<sup>302</sup> Huno ndi vhangana vhe vha divha George Smith, Smith wa sekondi dza rathi, hafha doroboni? George Smith, mutukana wawe u kha vhupholisa fhano. Ene, George a ḥungufhadzaho, ndi gobi zwino. Fhedzi o vha e muñwe wa vhalwi vha khwinesa. O vha ene we a nñea vhugudisi hanga, phanda ha musi ndi tshi ya Y.M.C.A. na huñwe fhethu. O vha a tshi anzela u ri gudisa. Huno o vha a tshi ḥavhanya, a tshi ḥavhanya vhukuma. O vha a tshi tou vha mulemelelu, wa phaundu dza ñana na mahumi maña na thanu. Huno o nngudisa. Huno o vha a tshi anzela u ima afho n̄tha, huno o vha a tshi kona u dzhia vili lawe, nga ndila heyo, huno a nthwa heneffha kha thumbu, a nnyimisa kha luvhondo, ni a vhona, fhedzi, nahone izwo zwo vha zwi sa ndini. O tou ita uri ndi gudiswe, ho vha hu si na tshithu nga nn̄da ha vhugudisi fhedzi.

<sup>303</sup> Huno zwenezwo nda—nda lora, vhuñwe vhusiku, uri ndo vhona Smith wa sekondi dza rathi. Zwino, ho vha hu si bono. Ho vha hu muloro. Huno ndo vhona Smith wa sekondi dza rathi, vhatnu vhaswa vha tshi da u lwa nae, nga tsimbe. Huno ene, uyo mukalaha, a no ḥodou, oo, ndi a humbulela...ndi na ya futhanumbili. Ene u na i no ḥodou swika futhanumalo, furathi. Ho vha hu si na muñwe-vho wa avho vhatñannga vhaswa we a vha a tshi nga mu kwama, nga iñwe ndila-vho. U tou vha vhofha nga thambo, nga heyo ndila, a tou vha ladza fhasi nahone a vha fara nga tshanda tshawe.

<sup>304</sup> Nda elekanya, “Hezwo a zwo ngo dowelea.” Nda elekanya uri mufumakadzi wanga o vha e na nñe, huno nda ri, “Izwo a zwo ngo dowelea.” Nda ri, “Ni a divha uri mini, Meda? O vha a tshi anzela u vha mugudisi wanga.”

A ri, “Ndi—ndi a zwi elelwa, inwi ni tshi mmbudza nga hazwo.”

<sup>305</sup> Nda ri, “Ee, muñe wanga. Ndi na vhugudisi hawe havhudí, ndo wina nndwa dza phurofesheni dza fumiñhanu, huno nda ḥutshela bi—bindu; nda rera Mafhongo-mađifha.”

<sup>306</sup> Nga tshenetsho tshifhinga ha shanduka, huno ndo vha ndi tshi khou thoma u pfuka ma—mađi. Fhedzi musi ndi tshi khou tuwa, ndo vha ndi tshi khou tuwa nga gungwa la maanda. Nda sedza, huno heneffo ho vha ho dzula vhabhili vha vharathu vhanga, ngomu ha tshikwekwete, vha tshi khou dilugisela u ḥuwa na nñe. Nda ri, “Ni nga si ite hezwo, vharathu. Huh-uh. Ndi tea u ḥuwa ndi ndothe.”

<sup>307</sup> Huno mutshimbidzagungwa a da, huno a ri, “Ngeli gungwa lanu,” tshikwekwete tshitshena vhukuma tsha pulasitiki.

Nda ri, “Aiwa. Huh-uh. Hu si heļo.”

<sup>308</sup> A ri, “Lo luga, ni nga gidimela thungo *heyi ngalo*, maela dza futhanu nga awara.”

Nda ri, “Fhedzi ndi tea u pfuka thungo *heila*.” Ni a vhona?

“Zwo luga,” a ri, “ḥuwa na *avho vhatñannga*.”

<sup>309</sup> Nda ri, “A si vhatshimbidzagungwa. A vha divhi lwo edanaho nga ha hezwo. Vha na vhusweleli. Vha nga si li tshimbidze. Vhothe vhuvhili havho vha do nupela heneffo nnđa. Vha nga si tou kona u zwi ita.”

Huno a ri, “Naa ni...ni nga fulufhela...”

<sup>310</sup> Nda ri, “Thetshelesani, ndi—ndi divha zwo engedzeaho nga ha magungwa u fhira vhone, huno ndo vha ndi si nga lingedzi u li tshimbidza nga hetsho, ulwo lushaka lwa matheriala fhedzi.” Nda ri, “Zwi do ḥoda gungwa li re na maanda u pfuka afho.” Nda ri, “Zwi do ḥoda tshinwe tshithu tshihulwane u fhira hetsho.”

<sup>311</sup> Huno ndo mu vhona a tshi sedza u mona hothe, kha muñwe wa vharathu, nahone a ri, “Naa ni mutshimbidzagungwa?”

Vharathu vha ri, “Ee.” Ni a vhona?

Nda ri, “Hezwo zwo khakhea.”

<sup>312</sup> Huno mutshimbidzagungwa a vhuya. A ri, “Ndi ni vhudza zwine na ita.” A ri, “Vha a ni funa. Vha a ni tenda. Fhedzi,” a ri, “arali ni tshi lingedza u pfuka ni kha gungwa li re na maanda, vha do lingedza u ni tevhela vhe kha tshila tshikwekwete. Vhuvhili havho vha do fa, ni a vhona.” A ri, “Vha nga si ni tevhele.”

Huno nda ri, “Zwo ralo, ndi fanela u itani?”

<sup>313</sup> Huno uyu mutshimbidzagungwa e hulugiswatshikepe, a ri, “Inwi humelani murahu *henengei* n̄tha.” A ri, “Hu na vhuvheathundu vhūtuku vhuthihi fhedzi kha ili shango lothe, vhuvheathundu vhūtuku vhuthihi. Huno itonu vhulunga vhunzhi ha zwidisedza,” a ri, “huno zwi do dzula hafha. Zwi do—zwi do dzula hafha musi no—musi no ḥuwa. Fhedzi,” a ri, “ni do tea u vhulunga zwidisedzi.”

<sup>314</sup> Huno ndo vha ndi tshi khou tou oda tshakha dzothe dza dzikhavhishi, na dzithenipi, na dziradishi, na zwithu, nda zwi ḥophpha ngomu heneffo nga u ralo. Nda mbo karuwa.

<sup>315</sup> A tho ngo dihva zwe zwa vha zwi zwone, fhedzi zwino ndi a dihva. Ni a vhona, ri khou vhulunga zwidisedza, vharathu. Hovhu ndi vhutshilo vhune na tea u vhu tshimbila ni nothe.

<sup>316</sup> Leo, ni a elelwa muloro we na vha nawo tshifhingani itsho musi ni tshi da hafha lwa u thoma? [Mukomana Leo Mercier u ri “Amene.”—Mudz.] Nga ha phiramidi, huno no elekanya uri ni do dzhena ngomu heneffo n̄tha. Ndo ri, “Leo, a hu na munna a no da hafha n̄tha. Mudzimu u tea u vhea munna hafha n̄tha. No namela fhethu hunwe na hunwe ha mbumbo he ha vha hu tshi nga namelwa.” Ndo ri, “Ni nga si kone u da ngeno, Leo. Ni a vhona? Humelani fhasi. Itonu vhudza vhathu uri u bva ha Mudzimu.” Ni a vhona? Ni a vhona?

<sup>317</sup> Ndi tshiñwe tshithu tshire ni—ni nga si ditike ngatsho, tshavhudzi vhunga vharathu na dzikhalaadzi, na tshivhidzo tshanga na zwothe, nahone tshavhudzi vhunga zwiñwe zwivhidzo, na vharathu, hothe-hothe.

<sup>318</sup> Zwino, ndi nga si ḥutshele kule ha tshivhidzo nn̄da hangei. Muñwe u ri, “Zwo ralo, mulandu vha tshi bva na avho vhathu, avho vha tendaho kha vhuraruthihi, *havha* vhothe, *havho*, na *vhañwe*, na vhuthihi, na Dzina la Yesu, na izwi zwiñwe zwithu zwothe heneffo? Mulandu vha tshi tangana navho, nga iñwe ndila?” Ndi vhanga. A hu londwi zwe vha ita, ndi vhanga. Vha phuluphithi yanga.

<sup>319</sup> Musi Israele yo ita vhuvhi nga maanda, u swikela Mudzimu a tshi vhuya a vhudza Mushe, o ri, “Sendela kule. Ndi do thoma tshitshavha tshiswa—tshiswa na iwe.”

<sup>320</sup> Mushe o dipoſela ndilani, a ri, “Phanda U tshi vha dzhia, dzhia nne.”

<sup>321</sup> A hu londwi zve vha ita, avho ndi vhone vhe nda ruňwa khavho. U rumela Tshedza, hu si uri tshi penye hune ha vha na Tshedza. Hune ha vha na swiswi, afho ndi hone hune Tshedza tsha vha tshaho. Huno ni tea u da kha vhathu. Ni tea u ima navho, hu sa londwi, ni tea u ralo, kha vhukhakhi havho.

<sup>322</sup> Israele yo khakha lwa u fhedza. Vho vha vho khakha lwe Mudzimu a vha litshedza. Fhedzi, Mushe, ndo mangala tshifhinga tshothe uri izwo zwi da hani, fhedzi nga Muya wa Kristo kha Mushe. Ni a vhona?

<sup>323</sup> Ni a vhona, rothe ro khakha. O imela riñe rothe musi ro vha ri kha vhukhakhi hashu.

<sup>324</sup> A hu londwi uri vho khakha hani, ri songo litsha vhučama kana riñe vhače ra si tsha andana na tshinwe tshithu. Ri tshi kha di kona u wina maya, kha ri dzhene ri na “u ḥalifa sa ḥowa, ri sa vhaisi sa liivha,” ni a vhona, huno ra lingedza u wina maya muňwe na muňwe une ra kona.

<sup>325</sup> Zwino, izwi ndi zwine nda khou amba matsheloni ano, u vhulunga Zwiliwa. U vhulunga Zwiliwa, uri ni vhe na tshiňwe tshithu tsha u liwa, uri ni kone u vha na tshiňwe tshithu tsha u diphina ngatsho. Zwi waneni kha theiphi dzanu. Dzulanu hu rotholelaho ha lufhera. Khamusi, musi ndi kule ndilanu ndapfu, ni do di elelwa uri izwi zwithu ndi ngoho. Dzułani lufherani lwanu huno ni thetshelleso. Ni a vhona? Huno izwi ndi Zwiliwa, zwi tshi vhulungwa, ngomu ha vhuvheathundu. A thi divhī hune lwendo lwa vha hone. Fhedzi, huňwe na huňwe hune lwa vha hone, U divhī hune A khadela hone; nne a thi divhī. Ndi tou tevhela.

<sup>326</sup> Zwino, o ri mini zwino hafha? Thetshellesani nga vhuronwane.

*Tsha u fhedzisela, vharathu vhangā, khwaṭhani  
Murenani, na kha maanda a nungo dzawe.*

...khwaṭhani...kha maanda a nungo dzawe.

*Ambarani mafumo othe a Mudzimu, uri ni do kona u  
kunda maano a diabolo.*

*Ngauri a ri lwi na ḥama na malofha, . . .*

U thuntsha dzigulu na u tshea nga phanga, ni a vhona, izwo a si zwone.

. . . fhedzi ri lwa na mivhuso, na maanda, na vhuvhusi  
vha . . . swiswi la lino shango, . . .

<sup>327</sup> “Vhavhusi vha swiswi.” Ndi nnyi a no vhusa shango? Diabolo. Zwa vhukuma. Ndi nnyi a re izwi zwithu zweithe zwi no khou bvelela, izwi zwithu zweithe zwi si zwa Mudzimu zwi no khou bvelela, u mona hafha, na iyi mivhuso, na zwiňwe-

vho? Zwothe ndi Diabolo. Bivhili yo ralo. Diabolo u a langa kha la United States. Diabolo o langa Germany. Diabolo u langa lushaka lunwe na lunwe shangoni. Ndi khou da khazwo, nga miniti i si gathi fhedzi, huno ri do wanulula arali a tshi ita, kana a sa iti. Arali... Muvhuso munwe na muñwe we wa vhuya wa vha hone na une wa do vha hone, u swikela Mudzimu a tshi imisa muvhuso Wawe, u langwa nga Diabolo.

<sup>328</sup> A thi khou amba uri muñwe na muñwe ngomu hawo ndi Diabolo, zwino. Hu na vhanna vha ofhaho Mudzimu kha—kha ofisi dza muvhuso.

<sup>329</sup> Hu khou yo vha na muthihi hafha nga masiku a si gathi, benefha, u sumbedza tshifanyiso hafha na Mukomana Arganbright, hafha fhethu. O no vha mudiplomati kha vhaphresidennde vha no ṭodou swika vhaṭanu vho fhambanaho, Mukomana Rowe. Huno ndi ene... U do vha fhano, ndi elekanya uri ndi tsini na vhege ya vhuvhili nga Lambamai. Murathu Neville u do zwi ḋivhadza. Nahone ndi munna a mangadzaho.

<sup>330</sup> O ri a nga amba nga nyambo dzo fhambanaho dza malo, ndi a tenda. Fhedzi musi o no ṭanganedza Muya Mukhethwa, ho ngo vha na luambo lwe a vha a tshi nga amba na Murena ngalwo, ngauralo Murena a tou mu nea luthihi, o ralo, ngauralo u amba Nae nga lwonolwo. O mu nea luswa, lwe a sa vhe na ndowedzo yalwo na kathihi. Zwo luga.

...vhuvhi ha lwa maya kha masia a re n̄tha.

*Zwo ralo...*

<sup>331</sup> Zwino thetshelesani, inwi maswole othe zwino, phanda ha musi ri tshi thoma muduba wa thabelo.

...dzhiani anu... didzhieneli (o-t-h-e) othe (hu si tshipiqa tshao fhedzi)... mafumo othe a Mudzimu, uri ni kone u kunda nga ḋuvha ḥvhi,...

Ilo ndi ḋuvha ḥine ra khou tshila khalo.

...huno no no ita zwothe, na ima.

*Imani...*

<sup>332</sup> Amene. Ni a zwi pfesesa? Ni a vhona, mufunwa? [Mukomana Branham u dovha a amba na khaladzi a lwalaho—Mudz.] Musi no no ita zwothe zwine ni nga ita, na ima, zwenezwo imani. Ni songo sudzuluwa.

*Imani-ha, khundu dzanu no dzi...*

<sup>333</sup> Thetshelesani hezwi. Thetshelesani hafha, zwine izwi zwa vha zwone. “Khundu dzanu.” Itsho ndi tshipiqa tshañu tsha vhukati, hafha, ni a vhona.

...no vhofha nga ngoho,...

<sup>334</sup> Ngoho ndi mini? Ipfila Mudzimu. Ndi zwone. “Ipfila Lau ndi Ngoho.” Zwo luga.

*...huno ni na tshipilakhana tsha u luga;*

<sup>335</sup> Hezwo ndi, “Itani tshi re tshone.” Ni na Ipfi la Mudzimu ngomu hanu, ni tshi khou ita tshi re tshone. “Tshipilakhana tsha u luga.”

*Huno milenzhe yanu yo kungelelwa u dilugisela  
mafhungo-madifha a mulalo;*

<sup>336</sup> Iyani huňwe na huňwe, fhethu huňwe na huňwe, tshifhinga tshiňwe na tshiňwe, milenzhe yo kungelelwa Mafhungo-madifha. Ni a vhona? Huno sedzani:

*N̄tha ha zwōthe, n̄tha ha zwao zwōthe, dzhiani  
tshītangu tsha lutendo, . . .*

<sup>337</sup> Itsho ndi tshone tshine tsha rwa misevhe, ni a vhona, “Tshītangu tsha lutendo.”

*. . . tshine ngatsho na do kona u dzima misevhe yōthe  
i dugaho ya muvhī.*

*Huno dzhiani gondolo ya tshidzo, . . .*

<sup>338</sup> Iyo ndi mbilu . . . Thalukanyo—thalukanyo, ngomu *hafha*, thoho; i fukedza thoho.

*. . . na ba—na banga la Muya, l̄ine la vha ipfi la  
Mudzimu:*

<sup>339</sup> Ni khou yo tendela hani ili gondolo, zwine la ita? Ndi tsireledzo. Gondolo lo itwa nga mini? Musinasetha. Musinasetha u nga si vhuye wa itwa tshithu; u a konda, u konda u fhira tsimbi. Tshipida tsha thoho tsha musinasetha, (mini?) tshidzo, ndivho ya u divha hezwi, “Huno phodzo yanga i bva ha Mudzimu. Tshidzo yanga i bva ha Mudzimu. Tshenzhemo yanga i elana na Ipfi Lawe, hu si muhumbulo wa zwivhidzo; Ipfi!” Amene. Khezwo. Yo fukedza, nga tsireledzo, gondolo la tshidzo, phuluso. Dzhiani izwo, zwenezwo ni matshele phanda. Oo, zwino, zwino izwo ndi zwine ra tea u zwi ita. Mmbi ya Saňhane . . .

<sup>340</sup> Zwino sedzani, zwino, ri . . . ndi tea u t̄avhanya, fhedzi ndi—ndi tea u dzhenisa hezwi ngomu.

<sup>341</sup> Mmbi ya Saňhane i disa malwadze. Izwo ndi zwine Saňhane a vha zwone, ndi mutshinyadzi. Saňhane, muvhuso wa Saňhane wōthe, ndi vhulwadze, lufu, na maťungu, na n̄dađo, na mbilaelo, zwōthe kha Saňhane.

Mudzimu ndi Vhutshilo, lutendo, dakalo, mulalo, nga *hafha*. Ni a vhona?

<sup>342</sup> Zwino, idzo ndi foso mbili khulwane dzine dza khou da fhethu huthihi zwino. Dzi khou lwa. Dzi khou lwa henefha tshifhačoni zwino. Dzi a lwa, ɻuvha na ɻuvha, na inwi, foso iňwe na inwe.

<sup>343</sup> Saňhane, a tshi khou di ni tevhela, uyo Goliada muhulwane, muhulu, a no nga khosi, a no nga tshifhe a tshi khou lingedza u ni shushedza. U ita zwone, fhedzi Mudzimu . . .

<sup>344</sup> No khwaṭhiswa, amene, nga Mafhundo-madifha, ni na Ipfi la Ngoho u mona na khundu dzaṇu. Vhugalā! Mureri, izwo ndi zwine zwa vha zwone. Gondolo la tshidzo; tshitāngu tsha lutendo; na Banga, ni tshi khou Li dzungudza tshandani tshanu! “Saṭhane, ndi khou da u ṭangana na iwe. U ṭangana na nne nga dzina la saints. U ṭangana na nne nga dzina la—la mvelele. U ṭangana na nne nga dzina la dzangano. U ṭangana na nne nga dzina la *hetshi, itsho*, kana *tshiñwe*. Fhedzi ndi ṭangana na iwe nga Dzina la Murena Mudzimu wa Israele. Ndi khou da murahu hau. Vula ndila!” Na lufu lwone luṇe lu nga si ime heneffo. Phulani buli khalwo. Ndi zwone.

<sup>345</sup> Mmbi ya Saṭhane i ḥisa malwadze, huno mmbi ya Mudzimu yo ḥewa ndaela ya u a pandela. Amene. Khezwo. Tshifhinga tshoṭhe Saṭhane a tshi posa vhunwe-vho kha, kha inwi, mmbi ya Mudzimu i tea u mu pandela. Amene. Pandelani!

<sup>346</sup> Iyo ndi yone ngona ye Mudzimu a i shumisa. Saṭhane o shumisa mmbi ya tshinyadzo, uri Ipfi la Mudzimu li si tendwe, huno a diimisela muvhuso wa khwine u fhira we Mikaele a vha e nawo, huno Mudzimu a mu pandela.

<sup>347</sup> Ngona ya Mudzimu, ndi, pandelani vhuvhi. Posani maṇaṇa fhasi. Posani vhutendadambi fhasi. Posani mbilaelo fhasi. Posani malwadze fhasi. Posani tshivhi fhasi. Amene. Ni nga nt̄ha hatsho, no vuwa kha Kristo Yesu, no dzula masiani a Ṭadulu, na diabolo muṇwe na muṇwe nga fhasi ha mulenzhe waṇu. Arali a tshi thoma u susumedaṭhoh yawe ngomu heneffo, mini . . .

<sup>348</sup> Ni a divha, no fa. Vhutshilo haṇu ho dzumbama. Ndi mini tsho *faho*? No fa kha zwipfi zwanu. No fa kha luvalo lwanu. Lufuno lwanu lwa muthu lwo vha lu tshi do ri, “Ee, ndi a humbulela ndi . . .” No fa kha maṇaṇa anu. No fa kha izwo zwithu zwoṭhe. Huno no swiṭwa nga Dzina la Yesu Kristo; nahone no vuwa Nae. Huno huṇwe na huṇwe hune A vha hone, na inwi ni heneffo.

<sup>349</sup> Ho bvelelani musi avho, muṇwe wa avho vhatimatimi, o dzhena Ṭadulu? Mudzimu o mu rahela nn̄da. Huno O ri mini kha maswole e a vuswa kha Kristo? “Musi diabolo a tshi ḫa, mu raheleni nn̄da. Mu pandeleni.” Musi Yesu o gudisa mmbi Yawe, nahone a vha ḫea ndaela ya u ya magumoni a shango, “Iyani shangoni loṭhe, ni rere Mafhundo-madifha kha tshivhumbwa tshiñwe na tshiñwe. Uyo ane a tenda nahone a lovhedzwa u do tshidzwa; uyo ane a sa tende u do laṭwa. Huno izwi zwiga zwi do tevhela vhatendi, maswole Anga. Nga Dzina Ḵanga vha do pandela vhodiabolo; vha do amba nga dzindimi nt̄swa; vha do takula maṇowa, kana vha nwa zwithu zwi vhulayaho, a zwi nga vha vhaisi; arali vha vhea zwanda zwavho kha vhalwadze, vha do fholo.”

Iyani phanda, maswole a Tshikriste!  
 Ni tshi matsha vhunga u ya nndwani,  
 Ni na tshifhambano tsha Yesu  
 Tsho ranga phanda.

<sup>350</sup> “Ndo vhambwa Nae, naho zwe ralo ndi a tshila; a si nne a no tshila, fhedzi Uyo a dzulaho kha nne.” Ipfi li tshi khou ya, phanda, Mudzimu a tshi khou tshea, nga Banga Lawe la mutsheahothé.

<sup>351</sup> Zwenezwo, a zwi mangadzi, musi Grant o dzhia Richmond, huno uyo musadzi mułuku wa tshipembe o vhona Grant a tshi dzhena, a hevhedzwa. Huno a ri:

Mało anga o vhona vhugala ha u da ha Murena;  
 U bveledza waini nga u kanda he ndirivhe dzi  
 re na mbiti dza vhulungwa;  
 O vhofholola lupenyo lwa ndeme nga banga  
 Lawe li ḥavhanyedzaho lu ofhisaho;  
 Gomane Dzawe dzi bvela phanda na u matsha.

<sup>352</sup> Amene. Grant o dzhia hani Richmond? A tshi tou da khayo. Amene. Iyo ndi ndila ye a dzhia Richmond ngayo.

<sup>353</sup> Iyo ndi ndila ine maswole a Mudzimu a dzhia tshivhi ngayo, vhulwadze; vha tshi tou da khaho. Amene. Iyo ndi ndila ine vha kunda thimothimo dzavho, na dzinyofho, na zwithu. Musi muñwe a tshi bvelela, vha a mu rema. “Ibvani ndilani!” Yawee, nnennen! Ndi zwenezwo. Mudzimu u a vha pandelá, u tou fana na zwe A ita ngei Taqulu. Kapuṭeni Muhulu washu o ri sumbedza uri zwe itwa hani. Amene.

<sup>354</sup> Roy Roberson na Mukomana Funk, vhunzhi hanu vhadzia-tshenzhemo vha kale hafha, ni a ćivha uri kapuṭeni vhukuma ndi mini.

<sup>355</sup> Nga tshiñwe tshifhinga ndo... hoyu muhasho mułuku wa mulilo wa Jeffersonville hafha phasi. Fhethu ha Pfau ho fara mulilo. Huno hafha ho vha hu na muhasho wa mulilo wa Jeffersonville wo imaho phasi heneffho, huno kapuṭeni a tshi khou mona-mona, a ri, “Fafadzelani mađinyana *hafha* n̄ha.” “Fa-fa-fa-fa,” u tou fana na phaiphi ḥukhu hafha nn̄da. Hafha hu da Clarksville, “Fafadzelani mađinyana nga *hafha*.” “Fa-fa-fa.” Tshifhaṭo tsha Pfau tsha swa.

<sup>356</sup> Vha vhidza Louisville. Vhanna vho gudiswaho ngevha vha a da. Oo, nga ndila ye sirini dza lila u buđekanya heneffho!

<sup>357</sup> Huno ngoyu kapuṭeni muhulu nga hafha, wa uyu muhasho wa mulilo, a tshi ri, “Fafadzelani mađinyana *hafha* n̄ha. Fafadzelani mađinyana *hafha* phasi.” Vhanna vha songo gudiswaho.

<sup>358</sup> Mukomana, zwenezwo iyo nzhini yo no ima, ndi nnyi we a vha e ḥohoni ya ḥeri? Kapuṭeni. Musi iyo ḥeri i tshi ya n̄ha, o ya nayo. Musi a tshi rwa fasiṭere, o vha a sa athu swika kha fasiṭere.

A zhuvhula mbađo yawe huno a i posa nga fasiṭere, nahone a ri, “Idani, vhatukana.” Huno mulilo wa dzima, nga miniti i si gathi. Kapuṭeni!

<sup>359</sup> A si ene kapuṭeni, a no ri, “Fafadzelani mađinyana *hafha*. Lingedzani zwiṭuku *hafha*.”

<sup>360</sup> Fhedzi, “Idani, vhatukana!” Amene. O ranga phanda. O ri sumbedza uri zwi itwa hani.

<sup>361</sup> Nda elekanya, “Uyo muhasho wa mulilo wo gudiswaho zwavhuđi, vho dzima uyo mulilo nga miniti i si gathi.” Mulandu? Vho vha vhe na kapuṭeni heneffo we a divha zwe a vha a tshi khou ita.

<sup>362</sup> Mukomana, ambanı nga ha ḫivhavrurereli yanu yothe ine na ṭoda. Dinomineisheni dzañu dzo itwaho nga vhatħu, madzangano ano, a tambo ngayo.

Ndi na Kapuṭeni Muhulu we a mmbudza uri zwi itwa hayani.

Hu pfi, “Zwo luga, arali ndi tshi nga zwi nukhedza, nda zwi pfa.” Oo, vhuṭafuṭafu!

<sup>363</sup> *Hafha* hu na ndila ye Kapuṭeni Muhulu a amba uri zwi itwa ngayo, kha Luka ndima ya 4. A thi na tshifhingga tsha u i vhala. I vhaleni, inwi muñe. Zwo luga. Luka ndima ya 4, ni thome kha ndimana ya 1.

<sup>364</sup> Na kathihi ho ngo ri, “Zwino ndi ḫo ni vhudza. Iyani nga *hafho* huno ni ite dzangano lihulwane. Ni wane vhotshifhe, na madikoni, na, kana ni wane vhabishopo, huno ni wana *hetshi*.” Na kathihi ho ngo amba hezwo.

<sup>365</sup> Musi Sathane o ṭangana Nae, a ri, “Zwino U na ndala. Shandukisa haya matombo a vhe tshinnkwa.”

O ri, “Ho ḥwaliwa . . .”

<sup>366</sup> A ri, “Hafha n̄ha, ri ḫo U disa hafha n̄ha huno ra U sumbedza tshiñwe tshithu.”

“Fhedzi ho ḥwaliwa . . .”

“Ndi ḫo ita *hetshi*, arali U tshi zwi ita.”

“Ho ḥwaliwa . . .”

<sup>367</sup> Iyo ndi ndila ye Kapuṭeni Muhulu a amba uri zwo itwa ngayo. Zwi itwa hani, khaladzi? “Ho ḥwaliwa, ‘Arali vha vhea zwanda kha vhalwadze, vha ḫo fhola.’” “Ho ḥwaliwa, ‘Nga Dzina ḥanga vha ḫo pandela vhodiabolo.’” Amene. Ndi mini? “Ho ḥwaliwa!” Idzo ndi ndaela dza Kapuṭeni. “Ho ḥwaliwa, ‘Ane a pfa Maipfi Anga huno a tenda kha Uyo we a Nthuma, u na Vhutshilo Vhu Sa Pheli.’ Ho ḥwaliwa! Ho ḥwaliwa! Ho ḥwaliwa!” Idzo ndi—idzo ndi ndaela. Illo ndi swole. Iyo ndi ndila. Ayo ndi magidi e ra a sudzulusela n̄ha.

<sup>368</sup> O ita mini? O livha henengei, kha Goliada. O sumbedza... Dafita o sumbedza hani mmbi ndila ye zwa itwa? Dafita o sumbedza hani Israele ndila ye zwa itwa? *Dafita* zwi amba “mufunwa, mutshidzi.” Ni a vhona? Dafita o zwi ita hani? O ri, “Ngeyi ndila ine zwa itwa ngayo. Fulufhelani kha Ipfi la Murena.”

<sup>369</sup> Huno Goliada a bva heneffho, a ri, “U a divha uri mini? Ndi do u doba magumoni a heli pfumo, nahone ndi do fusha zwinoni nga iwe.”

<sup>370</sup> A ri, “U tangana na nne sa dzangano. U tangana na nne sa musaintsi wa musalauno. U tangana na nne u na banga lau lihuluhulu la nayo dza fumiina. U tangana na nne u na gondolo la musinasetha, nahone u na tshipida tsha tshitangu tshe nda sa vhuye nda kona u tshi takulela nthha ha mavu. U tangana na nne sa liswole lo gudiswaho. U tangana na nne u na Ph.D., na L.L.D. na L.D. kavhili. U tangana na nne nga hezwi zwithu zwothe. Fhedzi ndi da nga Dzina la Murena Mudzimu wa Israele, huno namusi ndi do tumula thoho yau kha mahada au.” Amene. Ukwo kutshimbili ku bvaho heneffho u da u lwa na uyo muswonda, fhedzi o divha he a vha o ima hone.

Israele, i tshi sokou dzinginyea henengei murahu, “Oo, muthu mułuku a tungufhadzaho.”

Goliada a ri, “Ndi do u sumbedza uri ndi do ita nnyi.” Huno ngoyu u a da.

<sup>371</sup> O vha e na l-u-t-e-n-d-o [Nga Tshiisimane, “f-a-i-t-h.”—Mutal.], ni a vhona, i-n k-h-a Y-e-s-u, [Nga Tshiisimane, “J-e-s-u-s.”—Mutal.], matombo mahulwane małanu, matombo małanu. Tombo lituku ngomu heneffho, u i thoma ngalo. A tshi khou li monisa nga iyo ndila, Muya Mukhethwa wa fara tombo lihulwane, huno la tuwa. Goliada a wela mavuni. Iyo ndi ndila ine zwa itwa ngayo.

<sup>372</sup> Iyo ndi ndila ye Yesu a amba, zwe A amba. “Zwino, arali inwi vharathu vha no khou ya nnnda mudavhini, arali ni tshi todà u divha uri avha vhodiabolo ni nga vha kunda hani, ndi do ni sumbedza uri zwi itwa hani.”

<sup>373</sup> Sałhane o ri, “Ndi do tangana na iwe.” Goliada, “Ndi do U sumbedza zwine ndi nga ita. U na ndala. Arali Iwe u Murwa wa Mudzimu, ndi do U itela khaedu. U ri Iwe u Murwa wa Mudzimu. Ndi do U itela khaedu. Arali Iwe u Murwa wa Mudzimu, shandukisa haya matombo a vhe tshinnkwa. Ila; U na ndala. Huno arali Iwe u Murwa wa Mudzimu, U na maanda a u zwi ita.”

<sup>374</sup> A ri, “Fhedzi ho n̄waliwa, zwino, ‘Muthu a nga si tshile nga tshinnkwa fhedzi.’” Oo, iyo ndi ndila ye Kapułeni Muhulu a zwi ita.

A Mu isa nthha ha tshiuludza tsha thembele. A ri, “Arali Wa Diposela phasi,” a ri, “U a divha uri nahone ho n̄waliwa...”

<sup>375</sup> A ri, "Iina." A ri, "Ho ነwaliwa, hafhu, 'U songo linga Murena Mudzimu wau.'" Ni a vhona zwe A Divhidza zwone? "Murena Mudzimu wau." Uh-huh. "'U songo linga Murena Mudzimu wau,' ho ነwaliwa, hafhu, nga u ralo." Ni a vhona? Yawee, nñenñe!

<sup>376</sup> O ita mini? O mu kunda, nga Ipfi la Mudzimu. Maano a Diabolo ndi u ita uri ni si tende Ipfi la Mudzimu. Huno Kapuṭeni Muhulu o ri, "Dzhiani Ipfi la Mudzimu huno ni Zwi ite. Nga Dzina Langa vha ḋo pandela vhodiabolo."

<sup>377</sup> Oo, Saṭhane, kapuṭeni muhulu wavho, oo, iina, ni a ḏivha, dzinwe dza idzi dinomineisheni dzi lingedza u ita uri ni tende uri u na khwanda i re na forogo, ni a ḏivha, na mutshila wo fhanduwaho, na izwo zwithu zweṭhe. Ni songo zwi tenda. Ha nga ndila heyo. Hai, muṇe wanga, mukomana. Ndi mudzia-u-sa-fulufhedzea. Ni songo tenda uri u nazwo hezwo. Vha sokou ita hezwo u ni shushedza. Uyo a si ene Diabolo. Tsha u thoma, Diabolo ha na khwanda; ndi a zwi timatima nga maanda. U tou vha maya. Diabolo ndi maya. Ha na khwanda dzi re na forogo na zwithu, u tou fana na zwine na lingedza u mu fanyisa lini. Hai, hai.

<sup>378</sup> Fhedzi, o ṭalifha. Mukomana, ndi munna o ṭalifhaho vhukuma, o funzeaho nga maanda, tshifhinga tshoṭhe o tou ralo, nga vhuṭali ha shango. Oo, iina. O naka. O dzudzanya mmbi yawe nga vhuṭali ha shango, u swikela, mukomana, ni songo lingedza u—lingedza u amba maipfi aṇu. Ndi khwine ni tshi ḏivha zwine na khou amba nga hazwo musi ni tshi ṭangana na muṇwe wa havha vhathu, vha tshi khou ri, "Mađuvha a madembe o fhira." Hai, ha na—ha na khwanda yo fhanduwaho. U, oo, u—u—u bva kha seminari. O pholishwa, mukomana. Ndi amba, uri o thanya, Ph.D., L.L.D., Q.U.S.T., na zwinwe zwazwo zweṭhe. Ni a vhona? Zweṭhe zwi ngomu heneffho, u tou vha o thanyah o ya nga hune a nga vha ngaho. O thanya, ngoho, ndi ነnowa, ya vhukwila u fhira dzoṭhe. Mavhudzi o babadzedzelwa fhasi, mukomana, huno, ndi amba, o ambara, nahone hu si na na lioneonye kha badzhi. O thanya, o tou ṭalifha nahone u a ṭalifhedza u ya nga hune a nga vha ngaho. Ndi zwone.

<sup>379</sup> Ni songo tambula ngae nga nn̄da ha musi ni tshi ḏivha zwine na khou amba nga hazwo. Ndi zwone. Oo, fhedzi ri ḏivha maano awe a kale—awe a kale. Ri ḏivha zwine a khou lingedza u ita: u ita uri ri si tende Ipfi la Mudzimu.

<sup>380</sup> Huno ha na khwanda dzi re na forogo. Hai, hai, hai. Zwino, ri wanulula uri arali a si na khwanda dzi re na forogo, zwenezwo u fanela u vha e tshiṇwe tshithu-vho. Ndi mudzia-u-sa-fulufhedzea. Ndi ene vhuṭali, o funzea, o dzudzanye. Mukomana, u na mmbi yawe nga u ralo.

<sup>381</sup> Sedzani, nga tshiṇwe tshifhinga, ngei kha la Switzerland. A thi tou kona u wana fhethu ha u ima, vhathu. Hu na yone—yone... Ngei kha la Switzerland, heneffho hu ḋa iyi mmbi ya

Germany, i tshi khou ma- . . . na vhatsinda vha tshi khou dzhena. Mulandu, yo vhonala i tshi nga luhondo lwa zwidina; munna muñwe na muñwe o gudiswa, pfumo linwe na linwe lo ima nga ndila *heyi*, nayo dza malo kana fumi nga phanda. Huno vha da kha Muswisi mułuku a tungufhadzaho heneffho nthā, vho vha vha tshi do vha na mini? Vho vha vho tamia nga—nga nyare dzi bvaho kha segere dzavho, dzithanda na matombo, huno vha ima heneffho. Vha vha sukumedzela murahu. Henengei u budekanya muvhundu ho vha hu mahaya avho. Hafha mmbi ya Swisi yo bva u yo tangana navho. Vho vha vha songo vha ita tshithu. Vho sokou dzhena huno vha dzhia shango lavho.

<sup>382</sup> Ndi mini tshe uyu ñwana a ita shangoni, a tshi tou vha ñwana? Sathane, uyo ndi ene, we a vha a tshi do dzhia vhutshilo hawe arali o kona. Zwa vhukuma. Ngoulaa; tshifhinga tshi sa athu swika. Ni a vhona?

<sup>383</sup> Vhaswisi a vho ngo ita tshithu. Vho vha vhe vhathu vhavhudī. Vho vha vha tshi khou lingedza u pilela mahaya avho, fhedzi vho ima afho nn̄da uri vha pilele. Nga murahu ha tshifhinganyana, ha vha hu na muñwe ane dzina a pfi Arnold von Winkelried. Mmbi iyi i khou da hafha. Vha tangwa tshothe. Ha pfi, “Ri nga ita mini?”

<sup>384</sup> Hothe-hothe, hu tshi tou vha madanzhe a vhanna, vho gudiswaho zwavhudī. Iyo ndi ndila ine Sathane a zwi ita. O gudiswa zwavhudī, pfumo lawe lo sumba nn̄da, munna muñwe na muñwe a tshi khou kanda nga tshifhinga; nthihi, mbili; nthihi, mbili; a tshi sokou dzhena ngomu ha iyi mmbi thukhu. Vha tshi sokou—vha tshi sokou bvela phanda na u tshimbila, ndi zwenezwo fhedzi zwe vha do tea u ita, nahone vha sokou doba, linwe na linwe, la mabanga. Mapfumo a phuletshedza khavho. Izwo zwe vha zwi tshi do vha zwe fhedza nga ha mmbi ya Swisi. Izwo zwe vha zwi tshi do vha zwe fhela. Ngei seli ha muvhundu ho vha hu mahaya na vhafunwa vhavho. Vhasadzi vhavho vho vha vha tshi do vha vho binywa na u tshipwa, huno vhananyana vhavho vhaswa, na vhana vho vhulawa, nahone mahaya o fhiswa, na zwe the, zwiliwa zwe dzhiwa, dzikholomo na zwithu, zwe tuwa. Vho vha vhe heneffho.

<sup>385</sup> Ho bvelelani? U hevhedzwa ho kwama muñwe ane nga dzina a pfi Arnold von Winkelried. A ri, “Vhanna vha Switzerland, ñamusi ndi fela Switzerland.” Amene. “Namusi ndi fela Switzerland.”

Vha ri, “U do itani?”

<sup>386</sup> A ri, “Vhoinwi itonu ntevhela huno ni lwe nga zwe the zwine na vha nazwo.” A ima heneffho nthā; a posela pfumo lawe fhasi, thanda thukhu ye a vha e nayo tshandani tshawe, nga ndila *heyo*. Huno a zhamba, o isa zwanda zwawé nthā, nga ndila *heyo*, huno a gidimela thungo yayo, a tshi khou huwelela, “Itani ndila ya mboholowo!” A gidima nga maanda u ya nga he a kona, u swika

kha mmbi. Huno, musi o no ralo, a zhuvhula liñwe na liñwe la mapfumo e a kona, huno a a posela khanani yawe nga ndila *heyo*, huno a fa.

<sup>387</sup> O vha vhudza, a sa athu tuwa. A ri, “Hu na haya huťuku hangei, mufumakadzi na lushie, vhane nda khou vha ćutshela, haya huťuku he nda hu renga zwenezwino.” Huno nda ri, “Ndi—ndi a vha funa, fhedzi, ńamusi, ndi fela Switzerland. U ńea hanga...” A ri, “Ndi ńekedza vhutshilo hanga u tshidza lushaka.” Huno uyo o vha e muhali. Vho vha vha sa athu vha na nndwa u bva tsheetsho. Hezwo, hezwo zwe ita uri i fhele.

<sup>388</sup> Yo kunda iyo mmbi, i na vhuhalo ho ćaniwaho nga u ralo, u swikela hu si tsha vha na... M—mmbi yo vha yo dada nga maanda. Vhaswisi vha kungulusela matombo khavho, huno vha vha pandela shangoni; huno u bva tsheetsho a vha athu vhuya na kathihi. Izwo zwe itea miňwaha ya mađana yo fhiraho. Ni a vhon? Mulandu? Iyo yo vha i nyito khulwane.

<sup>389</sup> Fhedzi, oo, mukomana, nga liňwe ćuvha, musi vhushayandivho, vhutendadambi, thimothimo, ndado, na dzinyofho, zwe thudzela vhathu vha Mudzimu khudani. Ho vha hu na Muňwe a no pfi Yesu Kristo, “Namusi ndi fela vhathu.” Ndi zwone.

<sup>390</sup> O ri mini kha mmbi yawe? “Ntevheleni huno ni lwe nga zweþhe zwine na vha nazwo. Arali ni na thonga, ilwani nga thonga. Ni songo ofha. Ni na ćhamu, ilwani nga ćhamu. Ni na dombo, ilwani nga dombo, tshiňwe na tshiňwe tshine na vha natsho.”

<sup>391</sup> Izwo ndi zwine Kapuþeni Muhulu washu a amba ńamusi. “Ndo dzhia Ipfi ıa Mudzimu, huno Nda kunda Diabolo na maanda awe.” O mu remekanya a bva zwipiða, amene, nga iþo Ipfi. Zwino, tshiňwe na tshiňwe tshine na vha natsho, arali ni tshi tou vha na Ipfi lıthihi, “Murena Mudzimu wau ane a u fhodza,” mu remekanyeni. Tevhelani. Amene. Tevhelani Kapuþeni washu. Ee, muñe wanga. O mu remekanya.

<sup>392</sup> Saþhane, na mivhuso yawe mihulu, ya u naka, na lunako lwo engedzeaho, na zweþhe, zweþhe zwi zwa tshizwinozwino. Ha na mushumo na rine. Ndi zwone. U kha ði vha o thanyesaho kha phukha dzoþhe dza tsimu. Ee, muñe wanga. Yesu o amba zwauri vhana vha lino shango vho ćalifha u fhira vhana vha Muvhuso wa Mudzimu.

<sup>393</sup> Zwino, idzi khudano khulwane mbili. Ri khou yo... ndi na... tea u vala. Idzi khudano khulwane mbili dzi khou ða fhethu huthihi zwino. Zwino ndi awara ya musi vhulwadze na zwithu zwe rwa shango, u swikela saintsya mishonga i tshi akhamala, na zweþhe zwi tshi akhamala. A hu na tshithu, huno—huno ri do tou... Huno mmbi, mmbi thukhu ya Mudzimu, i khou thudzelwa khudani na zweþhe. Mukomana, ndi tshifhinga tsha muňwe Arnold von Winkelried. Ndi tshifhinga, tshifhinga

tsha muñwe munna wa Mudzimu uri a takuwe. Ndi tshifhinga tsha uri Eliya a bvelele. Ndi tshifhinga tsha uri tshiñwe tshithu tshi itee.

<sup>394</sup> Mmbi ya Mudzimu, vala ḥhalukanyo yau. U songo ima lwa tshifhinganyana, u elekanya nga ha tshiñwe tshine Diabolo a ḥodou ni ḥekedza tshone nga zwipfi zwañu. Fhedzi elelwani, Ipfi ḥa Mudzimu li nga si kundelwe na kathihi.

<sup>395</sup> Idzi mmbi khulwane mbili! Musi swina li tshi da sa muñalo, vhunga li tshi da ḥamusi, Mudzimu o ri U ḥo itani? “Muya wa Mudzimu u ḥo li simela tshiphuga.” Naa ni muñwe wavho? Ee, muñe wanga.

<sup>396</sup> Ri a funzwa kha Yakobo 4:7... A thi na tshifhinga tsha u i vhala. Yakobo 4:7, u, “Lwa na Diabolo, huno,” a nga si tou ḥuwa, fhedzi, “u ḥo shavha.” “Ilwani na Diabolo.” Ni lwa hani na Diabolo? Nga ndila yeneyo ye Kapuṭeni Muhulu washu a ri vhudza uri ri zwi itē. Dzhiani Ipfi ḥa Mudzimu. Iyo ndi ndila ine na lwa na Diabolo, ndi nga Ipfi ḥa Mudzimu. Kapuṭeni Muhulu o ri vhudza uri zwe tou itwa hani. Zwo luga.

<sup>397</sup> Zwino, u valani, ndi ḥodou amba hezwi. Uyo Diabolo wa kale, zwino, ni elekanya uri u na tshihindi. Ni elekanya uri u do dia ḥwana? U ḥo dia tshiñwe na tshiñwe. O dia Yesu Kristo. O da Khae, nga midio miraru yo halifhaho. No zwi ḥivha izwo? Saṭhane ho ngo tou dia luthihi fhedzi. U ḥo ni dia nga dwadze, zwenezwo u ḥo vhuya hafha nahone a ni dia, a ni vhudza, “Mađuvha a madembe o fhira. A no ngo fhola. A hu na tshithu Khaļo.” Ni ađivha uri ndi zwone?

<sup>398</sup> O dia Yesu kararu. Midio miraru yo halifhaho, a gidimela kha Yesu, e na u sa tenda hawé kha Ipfi ḥa Mudzimu. Yesu o vha e Ipfi. Ngoho, ho ngo zwi tenda. “Arali Iwe u... Arali Iwe u...” Khoyu u a da ngeno, midio yo halifhaho, vhunga swina namusi nga tshiñwe tshifhinga. Ngevha vha a da, a ri, “Arali Iwe u Murwa wa Mudzimu, ntsumbedze dembe. Kha ndi vhone li tshi itwa.” Mukomana, nga midio miraru yo halifhaho o fhufhela ngomu, “Arali Iwe... Arali Iwe...”

<sup>399</sup> Zwino, Yesu o itani? Yesu o vha e Ipfi ḥa Mudzimu. O vha e Ipfi. O dia Ipfi. Vhugala! Ndi—ndi khou tou wana... ndi khou tou ḥipfa zwavhuđi, u rera zwino, ndi tshi fulufhedzea. Ndi zwone. Yesu ndi Ipfi. “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a dzula, a itwa ḥama, huno a dzula...” Yesu o vha e Ipfi. O itani? O mu tshetshekanya a bva zwipida. Yawee, nnenne! Ndi khou yo litsha. Yesu o itani? O vha e Ipfi. Ngauralo, nga Ipfi, U tshetshekanya Saṭhane kha mudio wawe wo halifhaho. O fhufhela ngomu henefho vhunga tshigwada tsha phara-, mirado ya vhuswole ya tshiṭuhu, kana tshiñwe tshithu tsha u ralo, tsho fhufhela ngomu kha Yesu, Ipfi, nga u ralo. Huno Yesu o dzhia

ilo Ipfi, huno a mu tshea a bva zwipiða. Hañeluya! Ngoho, a mu tshea a bva zwipiða, a mu kunda nga ïpfi.

<sup>400</sup> Ni a vhona mudio wawe? Sedzani, thetshelesani nga vhuronwane, u vala hohu. Mudio wawe ndi mini? Ni songo tenda Ipfi la Mudzimu, uyo ndi mudio wawe. Heneffho, ni a vhona nndwa khulwanesa ye ya vhuya ya lwiwa? Hu na nungo mbili fhedzi; Sañhane na Mudzimu. Huno tshihali tsha Sañhane tsha u lwa na inwi ndi tshifhio? Ndi u lingedza u ni ita uri ni songo tenda Tshihali tshanu. U a ni dzhiela tshihali. Kha ri—kha ri thetshelese ro dzika vhukuma zwino. Thetshelesani. Arali a tshi nga ni ita uri ni songo tenda uri Tshihali tshanu tshi na ndingano, arali a ita uri ni tende uri Tshihali tshanu a tsho ngo khwañha lwo edanaho, o ni dzhiela tshihali.

<sup>401</sup> Oo, Murathu Neville, ndi a fulufhela uri itsho ri nga si tshi ḫutshele na kathihi. [Murathu Neville u ri, “Ndi a fulufhela nahone a thi rabeli.”—Mudz.]

<sup>402</sup> Sedzani. O ni dzhiela tshihali musi a tshi ni ita uri ni songo tenda itsho Tshihali. Musi ni tshi vhea Itsho fhasi, zwi fhedza nndwa yanu. No fhela. Farani itscho Tshihali. Ni songo Tshi vhea fhasi. Ri vhona u sa tenda hawe. Kha . . .

Tshinwe tshithu hafhu tshine nda ḫodou amba zwino, nga tshifhinganyana.

<sup>403</sup> Russia. Ndi ḫodou amba hezwi u itela uri vhadzia-tshenzhembo vha kone u thakhea, na vhañwe-vho, hafha, na inwi matshudeni a Bivhili. Ni khou ṫata na u ṫavha mukosi nga ha Russia nga ha mini? Huh! A ni pfi nne ndi tshi ni vhudza uri ni fhañe vhukhudo ha bomo, ni a mpfa? Ni khou ṫatani nga ha Russia? Russia a si tshithu. A vha khou yo wina dzinndwa. A vha khou yo kunda shango. Vhukomunisi a vhu khou yo kunda shango. Thaidzo ndi mini nga vhatu? Ipfi la Mudzimu li nga kundelwa?

<sup>404</sup> Thetshelesani, izwi zwi kha theiphi zwino. Kha shango, ndi a amba, kana huñwe na huñwe hune idzi theiphi dzi nga ya. Huno kha vhoiñwi vhatu hafha, hu sa londwi uri hu iteani kha nne, vhoiñwi zwi tendeni hezwi.

<sup>405</sup> Russia, vhukomunisi, a vhu khou kunda tshithu. Ipfi la Mudzimu li nga si kundelwe. Vhuroma vhu khou yo kunda shango.

<sup>406</sup> Kha ri dzhie bono la Daniele. Ilo ndi Ipfi la Mudzimu. “Iwe, Oo Daniele . . .” “Iwe, Oo Khosi Nebukadanetsara, ndi ḫtho iyi ya musuku,” Babele. “Muñwe muvhuso u do u tevhela, une wa vha siliva,” ni a vhona, we wa vha u Medo-Peresia. Muñwe wo vha u Gerika, Alekesandere Muhulwane. U tevhelaho, hu dzhena, Roma. Huno a hu na tsho ambiwaho nga ha vhukomunisi. Roma yo kunda shango.

<sup>407</sup> Yesu Kristo o bebwa muvhusoni wa Vharoma, nahone a thuphiwa, hu u da Hawe lwa u thoma hafha, nga muvhuso wa Vharoma. Huno kha U Swika Hawe lwa vhuvhili, hu no khou Da zwino, Mulaedza Wawe u tovholwa nga dinomineisheni dla Vharoma, dzine dla vha mme adzo dzothe. Huno musi A tshi vhuya, U do vhuyela u thutha uyo muvhuso wa Vharoma, zwe tshifhinga tshothe Vhayuda vha Mu lavhelela uri a de nahone a thuthe muvhuso wa Vharoma.

<sup>408</sup> U teheviana ha maimo a Katolika na dinomineisheni dzothe shangoni, zwino zwi khou vhumbana sa dzangano, mbofhano ya zwivhidzo i tshi khou zwi dzudzanya kha vhuthihi. A si Russia. Ndi Roma. MURENA U RALO. Iina. Ntsumbedzeni Luñwalo hune vhukomunisi, kana tshiñwe tshithu-vho nga nnnda ha Roma, tsha do vhusa.

<sup>409</sup> Naa Medo-Persia yo tevhela Nebukadanetsara? Ngoho. Naa Gerika yo vha tevhela? Iina. Naa Roma yo vha dzhia, u bva afho? Naa yo kwashea ya bva phawa dla Ottoman dla fumi u tou fana na zwine ra vha nazwo zwino? Naa . . .

<sup>410</sup> *Eisenhower*, line la amba uri “tsimbi.” *Khrushchev* li amba uri “vumba.” Naa vho vha na muñgano wavho henehfa? Huno Khrushchev o bvula tshienda tshawe. [Mukomana Branham u khokhonya kha phuluphiti—Mudz.] U li ita tshithu tshi pfalaho, tsho vuleaho, a khokhonya kha desike, nga ndila *heyo*, u sumbedza vhathu. [Mukomana Branham u khokhonya kha phuluphiti.]

<sup>411</sup> Zwo ralo, thaidzo ndi mini nga vhathu namusi? Lutendo lwo ya ngafhi? Mulandu, a ni tendi uri Ipfi la Mudzimu ndi Ngoho? [Tshivhidzo tshi ri, “Amene.”—Mudz.] Huno itshe tshithu a tshiho ngomu *Hafha*. Thaidzo ndi mini nga vhareri namusi? “Vhukomunisi!” Mureri muñwe na muñwe u hafha nnnda a tshi khou lingedza u lwa na vhukomunisi. Vhukomunisi, a si tshithu!

<sup>412</sup> Tshithu, tshire Diabolo a khou tshi luka nga fhasi ha ningy yanu, huno na vha ni sa tshi divhi; ndi Vhuroma, vhudinomineisheni. Huno Roma ndi mme wa dzidinomineisheni. Bivhili yo ri, “O vha e phombwe, huno vhananyana vhawo vho vha vhe dziphombwe,” vha lwa na Mudzimu, vha lwa na Ipfi Lawe.

<sup>413</sup> Maswole, dobani Ipfi. Vharuñwa vha khathutshelo, dzulani na ilo Ipfi. Ndi do lovha liñwe duvha, fhedzi heli Ipfi li nga si lovhe. Huno vhoinwi vhathu vhaswa, arali zwi sa bveleli kha murafho wanga, ni do vhona. Ngelo fhungo.

<sup>414</sup> Naa no pfa mafhungo matsheloni ano? Vho-Mme Kennedy vha tshi khou tuwa, vha tshi khou vhonana na mupapa, na zwe mupapa a amba. Ni a vhona, vhurereli hothe ha shango! Oo! Zwo ralo, khamusi ri do wana zwo engedzeaho zwiñuku zwazwo, Swondaha i tevhelaho.

<sup>415</sup> Ni a vhona, ni songo vhilaela nga Russia. Russia ndi thombwana kha bitshi. Ni songo vhilaela nga vhukomunisi. Inwi sedzani Vhuroma vhu tshi tangana na zwivhidzo. A hu na tsho nwälwaho kha Luñwalo nga ha vhukomunisi vhu tshi vhusa shango.

<sup>416</sup> Huno ndi ya nga Ipfi, hu sa londwi uri tshiñwe tshithu-vho tshi itani. Ipfi ndi lone line nda li tenda. Vhuroma ndi hone vhune ha dzhia shango. Huno Vhuroma ndi mme a dzangano. Na kathihi a ho ngo vhuya ha vha na dzangano u swikela Roma, huno linwe na linwe lao li bva khayo. Huno Bivhili yo ralo, “O vha e mme a dziphombwe.” Ndo vha ndi tshi nga dzula khalo hafu ya duvha, hafhu, fhedzi ndi humbulela uri ndi khwine ndi tshi bvela phanda.

<sup>417</sup> Musi swina li tshi ri dia, zwenezwo, “Oo, ndi a ni vhudza, ni tea u da na dzhoina lashu . . .” Ni khou yo itani, u tenda uri no kundwa, u tendelana? Hu si swole vhukuma, li nga si ite. Hai, muñe wanga.

<sup>418</sup> Ri itani-ha? Thalukanyo, “Thalukanyo ye ya vha i kha Kristo kha . . .” Izwo ndi zwe Bivhili ya amba? [Tshivhidzo tshi ri, “Amene.”—Mudz.] “Thalukanyo ye ya vha i kha Kristo, kha i vhe na inwi.” O vha na thalukanyo ya lushaka-de? Dzulani na Ipfi. Ndi zwone. Dzulani na Ipfi, Ipfi la Khotsi, huno a kunda swina tshifhinga tshiñwe na tshiñwe. Zwino musi swina li tshi dia nahone la lingedza u ri ni tea u ita *hetshi* nahone na ita *hetsho*, ni khou yo itani? Dzulani na Ipfi. Ndi zwone.

<sup>419</sup> Ni todou itani-ha? Dzhiani Ipfi. Ipfi ndi mini? Bivhili yo amba hafha. Ri kha di bva u i vhala. Ngauri Muya, nahone wa Mudzimu, ndi Ipfi. Ni a vhona? Sedzani hafha. “Huno dzhiani gondolo la tshidzo, na Banga, Banga la Muya.” Banga la Muya! Mini? Muya une wa da ngomu nga thalukanyo yanu nahone wa dzhena kha inwi, huno Banga la uyo Muya ndi Ipfi la Mudzimu.

<sup>420</sup> Uyo Muya u lwa nga mini? Muya Mukhethwa u lwa nga mini, lupfiwa, vhudipfi? [Tshivhidzo tshi ri, “Ipfi.”—Mudz.] Ipfi; mbilu! Whew! Vhugala! U lwa nga mini, vhudipfi? Ipfi! Ipfi! Kha ri li bule, Ipfi! [“Ipfi.”] Ipfi! [“Ipfi!”] Ipfi la Mudzimu ndi lone line Muya wa lwa ngalo.

<sup>421</sup> Muya wa Mudzimu u tou tshimbila wo livha Diabolo, huno wa ri, “Ho nwaliwa!” Amene! “Ho nwaliwa!” Huno Diabolo a vula ndila.

<sup>422</sup> Ri itani? Dzhiani Banga, line la vha Ipfi la Mudzimu, Li kokodzeni nga (mini?) tshanda tsha lutendo, tshanda tsho khwañhaho tsha lutendo, Banga la mutsheahothe. Bivhili yo amba, kha Vhaheberu 4, “Ndi—ndi Banga la mutsheahothe,” li tshea tshi no khou da na tshi no khou tuwa.

<sup>423</sup> Mukomana, u itani? Dzhiani Ipfi. Dzhiani Muya, tendelani Muya u dzhena mbiluni yanu. Vulani thalukanyo yanu, ni ri, “Ipfi Lau ndi ngoho.” Zwino, ni ita hezwi, khaladzi. [Mukomana

Branham u dovha a amba na khaladzi a lwalaho—Mudz.] “Ipfi Lau ndi ngoho.”

<sup>424</sup> “Murena, a thi khou yo thetshelesa uri ndi pfa hani, zwine nnyi na nnyi, a sokou amba. Ndi khou vala, ndi khou thuthubisa iñwe na iñwe ya ndila dzanga, ndado dzothe, na dzithimothimo, na u sa tenda he nda vhuya nda vha nah. Vhudipfi vhuñwe na vhuñwe he nda vhuya nda vha nah, malwadze othe e nda vhuya nda vha nao, tshiñwe na tshiñwe-vho tshe nda vhuya nda vha natsho, ndi khou zwi thuthubisa zweøthe. Ndi khou zwi fhira hezwo zweøthe. Ndi khou da ndo livha myua wanga. Oo Murena, itsa. Wo amba zwauri Wo nnyita a no tendelwa u ita tshire a funa.”

“Iwe u, murwa Wanga.”

<sup>425</sup> “Zwo luga, ndi vula mbilu yanga na þhalukanyo yanga. Dzhena, Murena Yesu.”

<sup>426</sup> Huno zhuvhulanu Lutendo, ilo Banga la Muya, MURENA U RALO. Zhambani, “Haleluya!” Amene. Zwenezwo tshetshekanyani swina liñwe na liñwe li re phanda hanu. Amene. Ngezwo. Tshetshekanyani swina liñwe na liñwe. Arali mu—muya wa kale wa mazhuluzhulu u tshi khou ni ita uri ni pfe tshothe. . . . Tumulelani kule hetsho tshithu, nga Ipfi la Murena.

Fhedzi nungo dzashu, ndi, “Dakalo la Murena ndi nungo dzanga.”

<sup>427</sup> “Tutshelani kule na nnę.” Irwani! Ni mu tshetshekanya nga Ipfi. Kana ndi dimoni, kana ndi swina, kana ndi vhulwadze, kana ndi dwadze, tshiñwe na tshiñwe tshire tsha vha tshone, dzhiani ilo Ipfi huno ni Li kokodze nga Banga. Huno arali ni tshi tshi rwa lwa u thoma, tsha vhonala tshi sa sudzuluwi, tshi rweni hafhu, huno tshi rweni hafhu, huno tshi rweni hafhu. Huno tshi rweni u swikela ni tshi phula buli, vhunga tshikukwana tshi tshi dibvisela nnda; kana goni, tshire na vha tshone. Dibviseleni nnda ha iyo khumba ya kale ya vhulwadze. Hwivhani ndila yanu, nahone ni ri, “Haleluya! Tshi ngafhi tshi tevhelaho?” Amene. Iyo ndi nndwa. Ilo ndi swole. Ilo ndi swole la tshifhambano. Ee, munę wanga. Irwani swina liñwe na liñwe.

<sup>428</sup> Mulandu? Mulandu? Rine, Mbeu yo tiwaho, ya vhuhosi ya Abrahamu. Musi Abrahamu o landula tshiñwe na tshiñwe tshe tsha vha tshi tshi lwa na Ipfi la Mudzimu, o remekanya ndila yaye vhukati ha tshikundisi tshiñwe na tshiñwe tshi no ña phanda haw. Vho ri, “Mufumakadzi wau o kegulesa.” O tou remekanya itsho tshithu tsha bva ndilani. Diabolo o ri, “U nga si tshi ite hetshi. U nga si tshi ite hetsho.” Abrahamu a tshi remekanya tsha bva ndilani. O tshi rwekanya, nahone a tshi rwekanya, u swikela tshi tshi ditumukanya.

“Ndi ngafhi hu tevhelaho, Murena?”

<sup>429</sup> “Sudzulusela dennde yau *hafha n̄tha*.” A gonya nahone a Mu fhaṭela alitari heneffo n̄tha.

<sup>430</sup> O no swika heneffo n̄tha, huno Sathane a da, a ri, “Zwino, ndi do u vhudza, hafha fhethu a si hone.”

“Ndi do dzula heneffha. Ḧutshela kule ha mavu anga.” A ri, “Hałeluya!”

<sup>431</sup> Loto a ri, “Ndi khwine ni tshi da hafha fhasi. Ri khou diphina hafha fhasi. Rothe ri na dzangano ɬashu hafha fhasi. Mulandu, mufumakadzi wanga ndi ḥohoho ya tshitshavha tsha litheretsha na tshińwe na tshińwe-vho, ḫoroboni. Ndi a ni vhudza, ni tea u da hafha fhasi.”

Sarah a ri, “Abrahamu . . .”

<sup>432</sup> “Fhumulani, Sarah.” Hałeluya! “Imani heneffha. Hafha ndi hone he Mudzimu a mmbea. Heneffha ndi hune nda ima.”

<sup>433</sup> Hafha ndi hone he Mudzimu a mmbea.

Rendani tshothe maanda a Dzina la Yesu!  
Vharunwa kha vha gwadame;  
Disani khare ya vhuhosi,  
Huno ni Mu ambadze khare Murena wa vhothe.  
Kha Kristo, Dombo lo khwathaho, ndi a ima;  
Mańwe masia othe ndi muṭavha u  
mbombomelaho,  
Mańwe masia othe ndi muṭavha u  
mbombomelaho.

<sup>434</sup> Na lufu lwone luńe, tshińwe na tshińwe-vho, ndi muṭavha u mbombomelaho. Kha Kristo, Dombo lo khwathaho, ndi a ima.

<sup>435</sup> “Mbeu ya vhuhosi ya Abrahamu.” Mbeu ya vhuhosi! Mulandu, mmbi yo nanguludzwaho tshothe ya England ndi vhakololo vha England, malofha a vhuhosi, zwothe. Huno Mbeu ya vhuhosi ya Kristo ndi Tshivhidzo tsho ḥalaho Muya Mukhethwa, tsho ḥalaho nga Muya Mukhethwa. Mini? Mbeu ya vhuhosi, nga pfulufhedziso, hu si nga lupfiwa. Fhedzi, nga pfulufhedziso ya Mudzimu, vha ima nga Ipfila Mudzimu, huno vha hwivha ndila yavho, vha tshi zhamba, “Hałeluya!”

Na lufu lu a da huno lwa ri, “U khou ni lukela maano mavhi.”

<sup>436</sup> Ha pfi, “Vula ndila, Yorodane. Ndi khou pfuka.” Hwivhani ndila yańu, ya u ya kha Shango lo fulufhedziswaho. Amene.

<sup>437</sup> Hu bvelelani musi nndwa yo no fhela? Ndi khou vala zwino, ngoho-ngoho. Musi nndwa yo no fhela, huno vhakhethwa vha tshi da vha tshi khou matshele Hayani, ndi ḥodou ni vhudzisa tshińwe tshithu, ho bvelelani?

<sup>438</sup> Ho bvelelani musi Hitler o dzhena France? Mulandu, vho ri a vho ngo vhuya vha vhona na lutombo, lwa tshifhinganyana, dzieropuleni. Kumatshele kwa Germany magona a sa khotwi. [Mukomana Branham u matsha kavhili a sa khotwi magona kha

pulatifomo—Mudz.] Ni a vhona, vho vha vho ima, vha tshi khou fhira, vha tshi khou pembelela gundo.

<sup>439</sup> Musi Stalin o da Russia, lwa dzimaela murahu, thannge liñwe na liñwe li tshi tou vha murahu ha liñwe zwiñuku, a sokou govhela Berlin u swikela hu si tshe na tshithu tsho salaho tshay. Ndi zwenezwo fhedzi. Huno musi vho no tuwa, nahone avha vha Germany... Aya maswole a Russia a tshi khou pembela, o dzhena natsho, ni a ñivha, itsho tshithu tshitñuku tshi seisaho tshire a ita. Ndo tshi vhona kha filimu, nga tshiñwe tshifhinga ngei London, nga ndila ine a dzhena, filimu vhukuma ya itsho tshithu na uri ngafhi, ha bvelelani, a tshi khou dzhena, a tshi khou pembela. Yawee, nnenñe!

<sup>440</sup> Musi ri tshi pfa uri nndwa yo fhela, ro zhamba, ra lidza phiriri. Musi vhahali vha tshi vhuya, ro tangana navho afho ntha. Vho zhamba. Vha huwelela. Ndo vha ndi na muzwala we a vha e ngomu heneffo, a ri, musi a tshi vhuya, vhothe vha kale... Vhadjia-tshenzhemo vhe vha vha vho huvhala luvhi nga maanda, vha sa koni na u vuwa mmbeten, two ralo vho sokou vha vhindulusela ntha ha tshikepe musi vha tshi dzhena, u vhona Tshitatshiu tsha Mboholowo tsho ima. Ha pfi, "Avho vhanna vhahulu hulu vho imaho heneffo, vha sokou lila, nahone vha wa nga ndila *hey*, musi vho no vhona Tshitatshiu tsha Mboholowo." Vho vha vhe kule na haya lwa miñwaha mina, vha tshi khou lwa, vho tshenuswa nga nndwa, na tshiñwe na tshiñwe-vho. Fhedzi vho zwi ñivha zwauri mufumakadzi, na mufunwa, na mme, na khotsi, na vhana, na vhothe vhe vha vha funa, vho vha vhe murahu ha itsyo Tshitatshiu tsha Mboholowo. Tsho vha tshi imela zwe vha vha tshi khou lwela zwone. Oo, phiriri dza lidzwa, huno New York ya dzhena kha luzhambo, zwenezwo fhedzi, musi vhahali vhavho vha tshi dzhena vha tshi khou matsha. Izwo zwi do vha zwiñuku.

<sup>441</sup> Tshiñwe tshifhinga musi Kesare, nga murahu ha nndwa khulwane, o ri, "Ndi ñoda liswole langa la bvumo nga maandesa li tshi enda tsini hanga kha hoyu munyanya muhulwane wa u pembelela gundo ñashu kha swina." Huno vhaofisiri vhothe vha geredzel mithenga yavho huno vha penyisa zwiñangu zwavho, huno vha fhira vha tshi khou matsha, ni a ñivha, nga ndila *hey*, sa-sa maswole vhukuma nga ndila *hey*. Nga murahu ha tshifhinganyana, ha da muthu muñuku, wa kale, o tshewa. Nnenñe! A sokou sedza ntha, huno a thoma u tshimbila, nga ndila *hey*. Kesare a ri, "Ima lwa tshifhinganyana. Ima lwa tshifhinganyana. Iwe," a songo vhuya a ambara sa mu—muofisiri, a ri, "ida hafha." A ri, "Wo wana ngafhi ayo mavhadzi?"

A ri, "Nnnda mudavhini wa nndwa."

<sup>442</sup> A ri, "Namela hafha ntha. U muthu ane nda ñoda a tshi dzula tsini hanga." Mulandu? O sumbedza uri o vha e nndwani.

<sup>443</sup> Oo Mudzimu, khathutshela munna aye a nga tshea tshanda tshawe nga kōkioti ya sadini huno a wana linwalo la u khodiwa. Ndi todou vha na mavhadzi a nndwani. Sa Paulo o ri, “Ndi na mavhadzi a Yesu Kristo muvhilini wanga.” Ndi ngazwo ndi tshi todou lwa mudavhini.

<sup>444</sup> Linwe duvha, musi Kaputeni Muhuluhulu washu a tshi do da, We a ri tamara nga zwithavhni, Ane a ri nea mafumo a Mudzimu, Muya Mukhethwa, a ri nea Ipfi Lawe la u lwa ngalo, ra ima benefho nnda; musi Kaputeni Muhuluhulu washu a tshi dzhena o namela, ndi todou gonya goloi huno nda namela nda ya Hayani Nae. A ni todii? [Tshivhidzo tshi ri, “Amene.”—Mudz.] Zwenezwo musi ndi tshi dzhia mufumakadzi wanga mūtuku wa kale nga tshanda, nda sedza u mona hafha huno nda vhona vharathu vhanga na vhafumakadzi vhavho, na vhana vhavho, musi ri tshi thoma u tshimbila fhasi vhukati ha idzo pharadiso dza Mudzimu, nahone Vharunwa vha tshi dadza maya nga nyimbo dza u renda, nthia nga u ralo, ambanu nga ha munyanya!

<sup>445</sup> Huno musi nndwa yo no fhela, ri do ambara khare. Yawee, nnenñe! Oo, maswole a tshifhambano, matsheloni ano, kokodzelani nnda itsho tshanda tsha lutendo hafha, huno ni fare itshi Tshihali.

<sup>446</sup> Mini nga hazwo, khaladzi, no dilugisa? [Mukomana Branham u dovha a amba na khaladzi a lwalaho—Mudz.] Kokodzelani itsho Tshihali nnda, ni ri, “Mudzimu, a thi londi zwe—zwe Diabolo a mmbudza, muñwe muthu-vho o amba zwingafhani. Matsheloni ano, ndi khou tenda.” [Khaladzi u ri, “Ndi a tenda, na nne-vho.”] “Ndi khou tenda.”

<sup>447</sup> Sa izwo ndo amba linwe duvha, tshītuku... Ndi a tenda uri Swondaha dzi si gathi dzo fhiraho, ho vha na munna we a vha e na muloro. O lora nga ha uri Diabolo ndi tshithu tshītuku tsha kalenyana, tshe tsha mu gidimela. A ri, “Boo!” Huno a fhufhela murahu, huno Diabolo a vha muhulwane. “Boo!” Huno a fhufhela murahu, huno Diabolo a vha muhulwane. Tsha u fhedzisela, Diabolo a vha muhulu sa ene, a vha a tshi khou yo mu kunda. O zwi dīvha uri o do tea u lwa nae nga tshiñwe tshithu, ngauralo a sedza u mona hothe. A si wane tshithu tsha u lwa nae. A sokou doba Bivhili. Huno Diabolo a ri, “Boo!” A ri, “Boo!” murahu khae, huno Diabolo a thoma u tukufhala, nahone a tukufhala, nahone a tukufhala. Huno, tsha u fhedzisela, a mu rwa nga Ipfi lwa u isa lufuni.

<sup>448</sup> Ni swole, a ni lone, khaladzi? [Mukomana Branham u dovha a amba na khaladzi a lwalaho—Mudz.] Dzhiani Ipfi ilo nahone ni ri, “Ho nwaliwa.” Amene. “A thi khou yo fa. Ndi khou yo tshila. Ndi do dzula ngomu ha iyi thaberenakele huno nda renda Mudzimu nga vhuvhuya Hawe, na vhañwe vhavho vhothe.”

<sup>449</sup> Ni a zwi tenda izwo, vhakhethwa? [Tshivhidzo tshi ri, “Amene.”—Mudz.] Amene.

Kha ri kotamise zwifhaṭuwo zwashu.

<sup>450</sup> Oo Murena Mudzimu, Musiki wa maṭaḍulu na lifhasi, kha zwi ḥivhee ḥamusi zwauri Iwe u kha di vha Mudzimu. A hu londwi uri ndo vha ndi tshi do rera zwingafhani, ndo vha ndi tshi do amba zwithu zwingana, Murena, Ipfi li bvaho kha Iwe li a li ladza.

<sup>451</sup> Hezwi zwisagaduku zwi re hafha, zwi imela vhathu vha lwalaho. Ndi a rabela, Khotsi wa Taḍulu, zwauri phaṭhutshedzo Dzau na maanda zwi do vha kha muñwe na muñwe wavho, ndi tshi vhea zwanda zwanga khavho. Mudzimu, nga Dzina la Yesu Kristo, ndi rabela uri U do dolisa izwi zwisagaduku nga Vhuhone Hau vhukhethwa, ngauri two ḥwaliwa kha Ipfi. A si tshithu tshine tsha lwa na Ipfi. Fhedzi ho ambiwa kha Ipfi, zwauri, "Vho dzhia muvhilini wa Paulo, zwisagaduku na dzifasikoti. Mimuya ya tshikha ya bva kha vhathu, huno vha fhodzwa malwadze o fhambanaho." Zwino, a ri Paulo Mukhethwa, fhedzi Iwe u kha di vha Mudzimu, nahone U kha di vha wonoyo Muya Mukhethwa. Ndi vhea zwanda zwanga kha izwi zwisagaduku, nga Dzina la Murena Yesu, huno ndi humbelala uri U fhaṭhutshedze nahone u fhodze muñwe na muñwe wavho.

<sup>452</sup> Huno, Mudzimu, o lalaho nga hangeno kha mmbete, we a vha o lala hafha, a si tshiñwe tshithu nga nnda ha ḥwana, musidzana mutuku zwawe o nakaho. A nga si tshile, Murena. Saṭhane o ita vhuvhi khae. Huno ḥanga dzi funwaho dza ḥino lifhasi dzo lingedza nga maanda, hu si na na thimothimo, u tshidza ḥwana. Vha nga si tou kona u zwi ita. Vha magumoni a ndingedzo yavho. A vha ḥivhi tshiñwe tshithu-vho tshine vha nga ita. Fhedzi, Murena, ndo takala nga maanda ngauri hu na iñwe ndima yo ḥwalwaho. Ri nga vula liñwe siaṭari, huno kha ili siaṭari ri vhona Nanga Khulwane i tshi dzhena. Ri khou Mu vhidza matsheloni ano u itela nyeletshedzo.

<sup>453</sup> Zwino, Murena, a two ngo ḥwalwa hafha kha Ipfi Łau, zwauri, "Izwi zwiga zwi do tevhela avho vha tendaho"? Murena, arali ndi si mutendi, nnyite ene zwino. Arali yuu musidzana mutuku a si mutendi, mu ite ene zwino. "Izwi zwiga zwi do tevhela avho vha tendaho; arali vha tshi vhea zwanda zwavho kha vhalwadze, vha do fhola." Nahone ho ḥwaliwa, "Nga Dzina Langa vha do pandela vhodiabolo." Murena, ayo—ayo ndi Maipfi Au. Ndi Łau. Ndi Ipfi Łau. Huno zwino sa mulanda Wau . . .

<sup>454</sup> Sa izwo Wo amba, "Arali hu tshi do vha na vhavhili kana vhararu vhanu vha no kuvhangana, Ndi do vha vhukati hanu; huno arali ni tshi do tendelana, malugana na tshiñwe tshithu, huno na humbelala, ni do tshi wana."

<sup>455</sup> Mudzimu, hu na khonadzeo ya uri hoyu ḥwana ndi muthu a no lwalesa tshifhaṭoni matsheloni ano, ngauri a nga si kone u tshila nga nnda ha Iwe, tshifhinga tshilapfunyana, huno ndi ene a no lwalesa. Ngauralo, riñe roṭhe, ri khou tendelana, sa swole

liñwe na liñwe lo imaho hafha. Huno kha itshi tshigwada ho ima Mbeu ya vhuhosi ya Abrahamu.

<sup>456</sup> Ri khou dzhena ri tshi matshela Sañhane zwino. Huno ndi khwine u tshi qilugisela u tuwa, Sañhane, ngauri mafumo ashu a khou penya, mivhala i khou elela; vhanna na vhasadzi vho fara Mabanga, vha tshi khou matshela phanda zwino kha iwe, u itela uyu musidzana muñuku. Ibva khae, Sañhane. Tutshela uyo ñwana. Sa mmbi ya Mudzimu a tshilaho, ri a u nyadza. Mu tutshele, nga Dzina la Yesu Kristo.

<sup>457</sup> Ndi khou yo vhea zwanda khae. Huno, Sañhane, wo vhofha uyu ñwana, wo ita uvhu vhuvhi. Ndi a ñivha uri a u vhambedzwi na muthu, fhedzi a u vhambedzwi na Murena wanga, ngauralo ndi da nga Dzina Lawe. Mu tutshele, iwe muya wa Diabolo. Iwe dimoni la vhulwadze, ibva kha uyu ñwana, huno nga a t̄uve o vhofholowa, u bva ñuvhani lino. Ndi bula izwi, nga Dzina la Yesu Kristo.

<sup>458</sup> Zwino, Murena Mudzimu, Iwe Wo vusaho vhafu huno wa sumbedza uri Wo vha u Mudzimu, vusa uyu musadzi muswa uri a dovhe a vhe na mutakalo na nungo, uri a ime ngomu ha itsi tshifhañ hafha. Diabolo o mu tutshela! . . . ? . . . u khou yo mu nea mutakalo. Kha tshile uri Mudzimu a wane vhugala na khuliso.

Zwo—Zwo ambiwa, zwino nga zwi itwe.

<sup>459</sup> Hu na vhañwe ngomu hafha vhane na ñodou imisa zwanda zwañu huno na ri, “Ndi khou ñodou rabelelwa. Ndi a lwala. Ndi ñoda Mudzimu”? A thi ñivhi uri ri na tshifhinga tshingafhani. Ri na tshifhinga tsho eñanaho uri ri nga tendela avho vhathu u fhira hafha. Ndi sokou pfa ndi tshi khuthadzea vhukuma matsheloni ano zwino. Iina. Iina. Ndi ñoda ni tshi da hafha fhasi, Billy, huno khamusi na dzhia fhedzi itsi tshigwada tshithihi henefha, nga thungo *heyi* hangeno, ni noñhe. Tendelani zwañu itsi tshigwada u da u thoma, zwenezwo ri do dzhia tshigwada tshi re murahu nga murahu ha hetsho, u swika fhedzi kha phasedzhi *iyo* henefho. Zwenezwo ri do tou zwi dzhia nga u ralo, zwenezwo a zwi nga . . .

<sup>460</sup> Huno zwino ndi ñoda Murathu Neville na vhañwe vha vharathu vhanga vha shumelaho vha tshi ima hangeno tsini hanga, hafhano, uri ni kone u vha dzhia hafhu kha phasedzhi. Zwo luga. Zwo luga. Zwino ndi . . .

<sup>461</sup> Ndi vhangana vhanu vho ambaraho mafumo avho? [Tshihidzo tshi ri, “Amene.”—Mudz.]

<sup>462</sup> [Mukomana Branham u furalela phuluphithi huno u amba na khaladzi a kha ñi bvaho u mu rabelela—Mudz.] Ni khou yo vha nga iñwe ndila zwino. Iyani hayani, zwi ni nakele tshoñhe zwino, ivhani na mutakalo.

<sup>463</sup> Amene. Yawee, nñenne! Inwi maswole othe, kokodzani Banga. Kokodzani Banga, maswole a tshifhambano, ni tshi khou matsha, ni tshi khou matsha.

Kha Kristo, Dombo lo khwathaho, ndi a ima,  
Mañwe masia othe ndi muñavha u  
mbombomelaho.

<sup>464</sup> Zwo luga, idani ngeno, fhasi nga *hafha* thungo. Muñwe na muñwe thabeloni zwino, musi vha tshi khou di fhira.

Nga Dzina la Yesu, fhodza uyu musadzi. Amene.

Kokodzani Banga lañu zwino. Dzulani henefho kha tshidzulo tshañu, ni tshi khou ñavha mukosi.

<sup>465</sup> [Mukomana Branham na vhashumeli vha rabelela vhalwadze, kule ha khudzaipfi, lwa mithethe ya fuiñathanu—Mudz.]

Iyani phanda, maswole a Tshikriste!  
Ni tshi matsha vhunga u ya nndwani,  
Ni na tshifhambano tsha Yesu  
Tsho ranga phanda.

<sup>466</sup> “Vula ndila, Sathane!” Thaidzo ndi mini, maswole? A ni elekanyi uri ri nga kunda? [Tshivhidzo tshi a takala huno tshi ri, “Amene.”—Mudz.] O no di kundwa. Ri fhira vhakundi kha Kristo Yesu. Diabolo muñwe na muñwe o pandelwa, tshinwe na tshinwe-vho. Amene.

Idani ngeno, vharathu vhanga! . . . ? . . .

Ndi rabela uri u do fhodza! . . . ? . . .

Fhodza mukomana wanga, Doc; mu fhodze, Khotsi, nga Dzina la Yesu.

Nga Dzina la Yesu Kristo, fhodza uyu mufumakadzi. Idani . . . ? . . .

<sup>467</sup> Zwino, o dzhia . . . Ndo do tea u humbelu vharathu ngei murahu. Hothe-hothe, Murena . . . ? . . .

<sup>468</sup> Oo Murena Mudzimu, Musiki wa mañadulu na lifhasi! Oo Mudzimu, U a ñivha zwi re mbiluni yawe. Ú ñivha zwothe nga hazwo. Ndi rabelela mme na khotsi. Nga Dzina la Yesu Kristo, ndi kumedza . . . ? . . .

Nga Dzina la Yesu Kristo, ndi . . . ? . . .

Nga Dzina la Yesu Kristo, ndi . . . ? . . .

<sup>469</sup> Mudzimu, ivha na khaladzi anga. Ri a ñivha, miñwaha i thoma u ongolowa huno ya ita uri lufu lu tode u fara muvhili wa uyo musadzi. Zwino, nga Dzina la Yesu . . . ? . . .

<sup>470</sup> Nga Dzina la Yesu Kristo, fhañutshedza uyu musidzana muñuku, Murena. Nndwa dzashu henefho tshikoloni, ndi a ñivha zwine a ñangana nazwo. Ndi rabela uri U do fhañutshedza. Kha kokodze ilo Banga, matsheloni ano, huno a ye phanda! . . . ? . . .

Ilo ndi Iyi Bugu, u itela lone, Murena. Ndi tshi khou vhidzelela Dzina Lau, matsheloni ano, ndi rabela uri U do ḥuwa na . . . ? . . .

<sup>471</sup> Mudzimu, fhaṭutshedza mukomana wanga, u tshi khou mu nea khumbelo yawe. Nga Dzina la Murena Yesu, ndo zwi amba! . . . ? . . .

Nga Dzina la Yesu Kristo, ri ḥekedza iyi thabelo.

Nga Dzina la Yesu Kristo, ri ḥekedza iyi thabelo.

Nga Dzina la Yesu Kristo, ri ḥekedza iyi thabelo.

Nga Dzina la Yesu Kristo, ri . . . ? . . .

Nga Dzina la Yesu Kristo, ri ḥekedza iyi thabelo.

Nga la Yesu Kristo Dzina . . . ? . . .

Nga Dzina la Yesu Kristo . . . ? . . .

Nga Dzina la Yesu Kristo, fhodza mukomana wanga.

Nga Dzina la Yesu Kristo . . . ? . . .

Nga Dzina la Yesu Kristo!

<sup>472</sup> [Muňwe u ri, "Khotsi vho lovha."—Mudz.] Mudzimu, mu farise, nga Dzina la Yesu.

Mudzimu, nga Dzina la Yesu Kristo, ri . . . ? . . .

Mudzimu, nga Dzina la Yesu!

Nga Dzina la Yesu Kristo . . . ? . . .

Nga Dzina la Yesu Kristo, fhodza mukomana wanga.

Nga Dzina la Yesu . . . ? . . .

Ni a pfesesa zwino?

Oo Mudzimu, itshi kha tshi ḥuwe kha . . . ? . . .

<sup>473</sup> Nga Dzina la Yesu Kristo, ri a rabela! . . . ? . . . Tendela khaladzi . . . ? . . .

<sup>474</sup> Oo Mudzimu, ndi tshi ḥivha uyo mme muṭuku wa vhuthogwa, a tshi khou tangana na iyi khakhathi yothe, ndi a rabela, Mudzimu, uri U do . . . ? . . . khae.

Kokodzani ilo Banga, Ed, huno ni ye phanda, nga Dzina la Yesu.

<sup>475</sup> Oo Mudzimu, fhodza uyo musadzi. Tendela khumbelo yawe. Kha dzhie ilo Banga phanda hawe, nga tshifhinga tsha vhuleme.

Oo Mudzimu . . . ? . . . matsheloni ano. Ndi rabela uri U do . . . ? . . .

<sup>476</sup> Khotsi, Mudzimu, ndi rabela uri U fhodze mukomana washu huno wa mu ita uri a vhe na mutakalo. Huno nga Dzina ḥa Yesu Kristo . . . ? . . .

<sup>477</sup> Mudzimu, ndi rabela uri U fhodze khaladzi ashu, wa ita uri a vhe na mutakalo, nga Dzina ḥa Yesu Kristo.

<sup>478</sup> Khotsi, Mudzimu, ndi rabela uri Iwe u—u fhodze mukomana washu.

Fhodza khaladzi ashu, Murena! . . . ? . . .

Khotsi, nga Dzina ḥa Yesu, fhodza uyu, khaladzi ashu, Khotsi.

<sup>479</sup> Khotsi, . . . ? . . . ri a rabela nga Dzina ḥa Yesu. Mudzimu, fhodza uyu musadzi.

Oo Mudzimu, ndi rabela uri Iwe . . . ? . . .

<sup>480</sup> Oo Mudzimu, mu fhaṭutshedze, Khotsi! . . . ? . . . Nga ndila ine ra funa avho vhatu vha kale, Murena. Huno ndi rabela uri U ḥo tendela khumbelo yawe! . . . ? . . .

<sup>481</sup> Khotsi ashu wa Taḍulu, ndi rabela uri mukomana wanga . . . ? . . . Oo Mudzimu, . . . ? . . . ene, Oo Mudzimu . . . ? . . . swole ḥa tshifhambano. Huno u ḥo kokodza ilo Banga, matsheloni ano, huno a matshela phanda.

Mudzimu, riñe . . . ? . . . Tendela heyi, Oo Murena, khumbelo yawe.

<sup>482</sup> Mudzimu, fhaṭutshedza mukomana . . . ? . . . Ndi rabela uri U mu fhodze, Murena! . . . ? . . . Mu ḥee tshililo tsha mbilu yawe, nga Dzina ḥa Yesu Kristo.

<sup>483</sup> Oo Khotsi ashu wa Taḍulu, uyu mushumeli muṭuku wa Mafhungo-madifha, mukulo wawe . . . ? . . . He a ḥanzwa dzikhalini . . . ? . . . Mudzimu, ndi rabela uri Iwe u . . . ? . . . Huno musi mmbi khulwane ya Mudzimu i tshi khou ya phanda zwino, na Mabanga o imiselwa n̄ha, mu ḥee gundo, Murena. Munna wawe muṭuku hafha, Murena, we a ḥiswa a tshi bva kha uyo mmbete wa pfuko he a vha o lala, a tshi khou fa nga pfuko, na madokotela a tshi mu litsha, a tshi ṭuwa. Huno ngoyu hafha, matsheloni ano, swole liṭuku ḥa tshifhambano. Mu ḥee nungo, Murena, u itela tshumelo Yau, ri a rabela, nga Dzina ḥa Yesu.

<sup>484</sup> Ndi ḥoda uyo mufumakadzi muṭuku . . . Hu na tshiñwe tshithu-vho nga ha uyu mureri muṭuku hafha. Idani n̄ha, Mukomana Kidd. Hoyu munna o rumelwa hayani a tshi bva sibadela, a si kale-kale, a tshi khou fa, o liwa nga pfuko. [Khaladzi Kidd u ri, "Nwaha wo fhiraho."—Mudz.] Nwaha wo fhirho. ["Mivhili."] Miñwaha mivhili yo fhiraho, e na thanga ya tshinnani. Dokotela wawe o tou mu ḥea mađuvha a si gathi a u tshila. Huno nga mañwe matsheloni, ro ya henengei n̄ha, nga u ḥavhanya vhukuma, ra ita thabelo ri tshi itela ene, yeneyo i no nga i no itelwa inwi, huno a vha vhuyi vha

wana vhūṭala hayo. [Tshivhidzo tshi a takala.] A fhola. Amene. O—o... [Khaladzi Kidd u ri, “O ḫo tea u zwi tenda.”] O no vha na tshileme tsho engedzeaho zwino u fhira tshe a vhuya a vha natsho. Ene na mufumakadzi wawe muṭuku vho vha vhe madavhini ya Mafhungo-madifha, khamusi ndi sa athu bebwa. U hafha zwino... [Mukomana Kidd u ri, “Minwaha ya futhanuṭhanu.”] Miñwaha ya futhanuṭhanu. Phanda ha musi ndi tshi vhuya nda da kha liphasi, vho vha vha tshi khou rera Mafhungo-madifha. Huno ngoyu hafha, o fhola, e na vhukale vhu no ḫodou swika fusumbethanu kana... [“Fumalonthihi.”] Fumalonthihi. [Mukomana Kidd u ri, “Ro vha ri tshi do vha na mvuseledzo, muṭangano wa vhege mbili, ha rerwa vhusiku vhuñwe na vhuñwe.”] Mvuseledzo ya vhege mbili, ho tou farwa mvuseledzo ya vhege mbili, huno ha rerwa vhusiku vhuñwe na vhuñwe. Miñwaha ya fumalonthihi nga vhukale, o fhodzwa, e na pfuko, musi o no kalaha.

<sup>485</sup> Zwo luga, khaladzi, ndi tshifhinga tshañu zwino. Ni a tenda? [Tshivhidzo tshi a takala huno tshi ri, “Amene”—Mudz.] *Iyani Phanda, Maswole a Tshikriste*. Zwo luga, khaladzi. Inwi, kha muñwe na muñwe wanu, ri khou yo itani? MURENA U RALO. Ri ita mini, ri mona-mona hafha?

<sup>486</sup> Sañhane, wo balelwa. Ri khou da tsini zwino. Ri khou matshela kha Shango ḫo fulufhedziswaho. Ndi mini iyo? “Iyi thavha ndi mini, phanda ha Zerubabele? Uyu ndi nnyi, a imaho phanda ha henefho? U ḫo vha bale.” Mulandu? Nga Banga ḫa mutsheahothe, ri ḫo i remekanya tshothe. Ndi zwone. Zwo luga.

Iyani phanda, swole ḫa Tshikriste!  
 Ni tshi matsha vhunga u ya nndwani,  
 Ni na tshifhambano tsha Yesu  
 Tsho ranga phanda;  
 Kristo, Muñe wa vhuhosí,  
 U ranga phanda hu tshi lwiswa swina; (nga Ipfi  
 Lawe)  
 Phanda nndwani,  
 Vhonani, zwiphuga Zwawe zwi tshi ṭuwa!  
 Iyani phanda, maswole a Tshikriste!  
 Ni tshi matsha vhunga u ya nndwani,  
 Ni na tshifhambano tsha Yesu  
 Tsho ranga phanda.

<sup>487</sup> Haleluya! Vho ita mini? Tshithu tsha u thoma tsho bvelela, nndwani, ya Israele, tsho vha tshi tshini tshithu tsha u thoma? Vhaimbi vho bvelela, u thoma. Ha tevhelani? Mbulungelo. Ha konou da nndwa. Zwo luga. Ni a zwi tenda zwino? [Tshivhidzo tshi ri, “Amene”—Mudz.] Ri khou imba *Iyani Phanda, Maswole a Tshikriste*. Ri khou i kokodzela kule, thimothimo iñwe na iñwe. Ri tshi khou ima nga milenzhe yashu zwino, ri matshela nndwani.

Zwino kha ri ime, muñwe na muñwe.

Iyani phanda, maswole a Tshikriste!  
 Ni tshi matsha vhunga u ya nndwani,  
 Ni na tshifhambano tsha Yesu  
 Tsho ranga phanda;  
 Kristo, Muñe wa vhuhosi,  
 U ranga phanda hu tshi lwiswa swina;

Ri mu kunda hani? Nga Ipfi.

Phanda nndwani,  
 Vhonani, tshiphuga Tshawe tshi tshi ḥuwa!  
 Iyani phanda, maswole a Tshikriste!  
 Ni tshi matsha vhunga u ya nndwani,  
 Ni na tshifhambano tsha Yesu  
 Tsho ranga phanda.

A ro ngo fhandekana,  
 Rothe ri muvhili muthihi;  
 Vhathihi kha fulufhelo na pfunzo,  
 Vhathihi kha lufuno.

<sup>488</sup> Vhothe vha no tenda zwino, i ri ni, “Amene.” [Tshivhidzo tshi ri, “Amene.”—Mudz.] Haleluya! Izwo ni a zwi tenda? [“Amene.”] Ri vhakundi. Li ngafhi swina liñwe na liñwe? Nga fhasi ha milenzhe yashu. Ri mini ḥamusi? Ro vuwa kha Kristo!

<sup>489</sup> Zwino, zwo fhela, khaladzi. [Mukomana Branham u dovha a amba na khaladzi, we a vha a tshi lwalla—Mudz.] Izwo ni a zwi tenda? Iyani hayani zwino. Ni pfa no luga? U ri u pfa o luga zwino. Zwothe zwo luga.

<sup>490</sup> Ndi vhangana afho nn̄da vha no pfa vho luga? [Tshivhidzo tshi takalela nthā huno tshi ri, “Amene.”—Mudz.] Huno musi vho no ḥavha mukosi, luvhondo lwa wa, amene, huno vha i dzhia. Amene. Vha dzhia dorobo. Amene! Amene! Ni a Mu tenda? [“Amene.”]

<sup>491</sup> Zwino, ni songo hangwa tshumelo ya madekwana a ḥamusi. Murathu Neville u do vha e hafha madekwana a ḥamusi, nahome a tshi khou ri disela mulaedza wavhudzi. Huno Swondaha, Swondaha i tevhelaho, Murena a tshi funa, do vha hafha.

<sup>492</sup> Zwino kha ri ḥuwe, ri tshi khou sudzuluwa. Huno zwino, ri tshi bva tshifañoni, kha ri ḥuwe, ri tshi khou imba, *Iyani Phanda, Maswole a Tshikriste*. Huno u bva ḥamusi, u ya phanda, ni songo vhea ilo Banga kha tshilandana kathihi. Li kokodzeleni nn̄da. Kha ri kunde. “Vho tshimbila, vha tshi khou kunda, na u yo kunda.” Zwo luga, hafhu, kha iyo ndimana ya u thoma.

Iyani phanda, maswole a Tshikriste!  
 Ni tshi matsha vhunga u ya nndwani,  
 Ni na tshifhambano tsha Yesu  
 Tsho ranga phanda.



*NNDWA KHULWANESA YE YA VHUYA YA LWIWA* TSV62-0311  
(The Greatest Battle Ever Fought)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Thafamuhwe 11, 1962 Thabererenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)